

پیارے مرشد سرکار حضرت ابوانیس صوفی برکت علی لدھیانویؒ لکھتے ہیں کہ ”یہ مت کہہ کہ
یہ کام میں نے کیا اگر تو نے کیا تو پہلے کیوں نہ کیا جو بھی کرتے ہیں میرے اللہ ہی کرتے ہیں“

اللہ تعالیٰ دے فضل و کرم، پیارے آقا تاجدار انبیاء ﷺ دی عطا، مرشد
سرکار دی نگاہ اور حضور میاں محمد عنایتؒ (قصور مند) دی عنایت دی بدولت سرکار دا
کلام اکٹھا کرن تے چھپوان دی سعادت حاصل ہوئی۔ ایس کلام نوں اکٹھا کرن وچ
بہت سارے دوستاں نے بھرپور تعاون کیتا اے۔ باباجی دی اس کتاب وچ بہت
سارا کلام، جیہڑا میرے تک نہ پہنچ سکیا رہ گیا اے۔ محترم جناب حافظ محمد زمان صاحب
(مٹاں والی سرکار) آف شیخ پور والیاں نے بہت اچھے انداز وچ پروف ریڈنگ کیتی
اے فیروز دی کوئی غلطی رہ گئی ہوئے تے اوہدے واسطے معذرت خواہ آں۔ اگر کسے وی
دوست عزیز کول باباجی سرکار دا کلام ہوئے یاں اس کتاب وچ تہانوں کوئی کمی نظر
آوئے تے برائے مہربانی ضرور آگاہ کرو۔ تاکہ اگلے ایڈیشن وچ خامیاں دور کیتیا
جاسکن: شکریہ



طالب دعا: عاطف اعجاز ورک (کھیریاں والیا)




Atif.Ijaz.Virk



Virk24

مجموعہ کلام قصور مند



کلام: میاں محمد عنایت علی جٹ (قصور مند)
آف کسوی ضلع گجرات
ترتیب و تزئین: عاطف اعجاز ورک (کھیریاں والیا)



رابطہ نمبر: 0333-84-01-265



QASOORMANDOFFICIAL



QASOORMANDOFFICIAL



QASOORMANDOFFICIAL

Designed By: Ull Ehatti

حمد باری تعالیٰ

تیری صفت کی کراں میں یا مولا تیریاں قدرتوں دیکھ حیران ہناں
ذرے ذرے اُتے ویکھاں تیرا ویکھ ویکھ پیا قربان ہناں
طاقت نہیں دماض نوں سوچنے دی کدی حیوان تے کدی انسان ہناں
کراں دلیلاں گول قصورمند کدی بڑھاتے کدی جوان ہناں

اول صفت خدا دی جس چوداں طبق سنوارے، خاطر پیارے دے
دھرتی آدم تے آسمانی سورج چن ستارے چمکن ہارے
حیوان انسان تے نارے نوری خدمت دیوچہ سارے کوئی دم نہ مارے
قصورمند قدرت پئی ہر شاخوں دے نظارے، درد پکارے

ایہہ صفت ہے صفتاں والڑے دی صفتاں والڑا رب رحمن میاں
آکھاں فیر میں نعت رسول تائیں، خاطر جس دی دو جہان میاں
خاطر اوس دی باغ گلزار سارے آیا جس دی شان قرآن میاں
کلمہ اوسدا پڑھ قصورمند تیری چلے دی صاف زبان میاں

مولا ناہیں تیریاں قدرتوں دے آوے صفت نہ وچ شمار تیری
رحیم، کریم، قہار، بخار توں نالے شان ستار غفار تیری
عقل علم مجبور قصورمند، رونق ویکھ مولا خاطر یار تیری

پہلی قلم اے کلمہ والڑے دی مومنا! جد سنوار تیری
رکھ ایمان ہُن آل قرآن اُتے، جائے زندگی نہ بے کار تیری
کریں یاد وچ بھڑاں تے مشکلاں دے، مدد حیدر کرار تیری
پھر پنج تن دا دامن قصورمند، انشاء اللہ ہووے گی بیڑی پار تیری

دوڑ دوڑ کے عقل دی دوڑ مکی آیا بھید نہ کوئی غفور دا اے
دریائے قدیر پیا وگدا اے نیر ڈونگا کدی عقل نہ اینوں عبور دا اے
اے سُبیاں محمد عاشقاں نوں خطرہ نہیں حشر دی گور دا اے
حق حق دی بولدا اے حق آپنی، ایویں ناں بدنام منصور دا اے
کسے نوں کول بلائے تے دکھائے کوئی ہوئے بہوش جلوہ ویکھ طور دا اے
کسے نوں آپ پیا آکے گھریں ملدا کسے نوں دسدا پنڈھ دور دا اے
کسے نوں ہس ہس لاوندنا نال سینے کسے نوں دے گھراکیاں گھور دا اے
کرے لالیاں نوں پنچے دے سوہنے مور پیراں نوں ویکھ کے جول دا اے
کسے دیوتے دے گل سو ڈائن پائی کسے حور نوں سنگ لنگور دا اے
کدرے جنگلاں دے وچہ کرے منگل کدرے وگدے کھواں نوں پور دا اے
کسے نوں زُہد عباداں بھکیاں سو، قصورمند نوں دان قصور دا اے

صبح شام دان نے رحمتاں دے تیرے دربار وچوں رب غفار منگناں
امتی یار تیرے دا، تیرا ہاں بندہ جدی ہاں مانگت لگاتار منگناں
دولت مال دا نہیں سوال سائیں نہ میں دنیا دی موج بہار منگناں
قصورمند غریب دی عرض ایہو کملی والے دا پیا پیار منگناں

کوئی دے تے دس نہ سکدا اے کتھوں تک زمین آسمان دی حد
کدی گنتر وچ نہیں آسکدی اوس قدرت والے رحمان دی حد
جس نال پیار سجائی ہوئی اے خاطر یار دی رونق جہان دی حد
پر عقل علم توں دور قصورمند دے کون محمد دے شان دی حد

احد احمد دے وچ سی فرق جیہڑا عاشق جان دے نیں رمز پائی جہاں
گئے گھنچ نے پڑھ پڑھ عمر ساری لیا کے بشر تے گل ٹھہرائی جہاں
تیری مسلمانی سر خاک پانواں رتبہ نبی دا آکھنا ایں بھائی جہاں
قصورمند جے اے ایمان تیرا، تیرے اندر نہیں ایمان رائی جہاں

چھڈ کے ہستیاں مستیاں وچ پھر دے مکھ یار دا سی جلوہ طور جہاں
بھنگ، افیون، شراب نوں چکھ دے نہیں نشہ لطف پیار سرور جہاں
نہیں نور حضور دا پاسکدی رہی طلب اے جنت دی حور جہاں
جہاں سمجھ لیا حاضر قصورمند رہ گئے دور وائی سمجھیا اے دور جہاں

لڑے اکھ جیدی اوہو جاندا اے اکھاں لڑن وچ کیڈا سرور ہندا
خشک دل کی رمز نوں جاندا اے جانے سو جو قلب حضور ہندا
تائیں سڑدا اے پروانہ شمع اُتے سڑن وچ وی مزہ ضرور ہندا
اُتوں سڑے تے ساہ ہندا اے قصورمند سڑے ہڈوں تے نظر منظور ہندا

واقعہ معراج شریف تے قصہ یہودی

دلا اپنے عمل تھیں خوف کھا
کیا دہدا نام رحیم کریم قادر
ایتھوں بھر بھر جھولیاں لئی جانے
توں کہہ دے مالکا جائے کتھے
من بھل کر عاجزی مگ معافی
جگ کوڑ مکان ویران دُنیا
او چاہے تے شان لکائے عرشیں
نبی ولی وچ حیرتاں سر نیویں
قدرت نال کرداجیا جون حرکت
بندہ کی تے کی مجال اوہدی
ہویوں بھل کے قصوری قصور مند
زیر عمر یہودی نویل شادی
اک دن بازار وچوں لے چھی
ٹھارال سال دی رات سرکار ﷺ صحابہ نوں دس
سن کے بلایا یہودی کر کے توبہ توبہ
اے محمد ﷺ دعویٰ نبوت دا تے کر لیا ای
ہویوں بھل کے قصوری قصور مند
یہودی لے چھی اوتھوں گھر آیا
آکھدا لگی اے مینوں بھک ڈاہڈی


جھک جا وچ دربار اے جی
او رحمتاں والی سرکار اے جی
تیرے دیندیاں ای طلبگار اے جی
عاجز ہے بندہ گنہگار اے جی
لوے بخش تینوں بخشہارے جی
مولا دا اپنا نام سچ میاں
چاہے طوق لعنت دے گت میاں
سانویں دشتیوں کرے کون میاں
حکم پتا نائیں ہلد اُپت میاں
بے پروائی دے وچ دربار اے جی
بندہ بھل جاندا بھلن ہار اے جی
گھروں اپنے قبیلے تھیں دکھ سی او
تے لنگ پیا اوسے ہتھ سی او
دس رہے سن معراج والی گلی کتھ سی او
بڑا بے حیا آن چک سی او
اڈے جھوٹ طوفان نہ مار اے جی
بندہ بھل جاندا بھلن ہار اے جی
اگے عورت بیٹی چرخہ ڈاہ کے تے
مینوں جلدی دے چھی پکا کے تے

عورت آکھیا میرے ہتھ پونی بھر لیا گھڑا ندی توں جا کے تے
 پہنچیا ندی تے وڑیا وچ پانی لگا نہان سی کپڑے لاه کے تے
 پانی دا بک منہ تے پایا بدل گئی اپنے وچ او بہار اے جی
 ہوپوں بھل قصوری قصور مندا بندہ بھل جاندا بھلن ہار اے جی
 نہ او گھڑا تے نہ او کپڑے نہ او دلس دندا آکھے کی عجب کہانی آں میں
 نہیں بے ہوش پیا جاگتا اں میں نہ اے خواب دی گل بچانی آں میں
 خورے بن کی گیا اے نال میرے ہے ساں مرد بن گئی سوانی آں میں
 بُن کی کراں جاں میں کتھے تنگی بیٹھ رہی وچ پانی آں میں
 بُن اے سی پیا خیال آؤندا آگیا گھوڑے دا اک سوار اے جی
 کون بیٹھی ایں توں وچ پانی سوار پچھ دا پیا بلا کے تے
 میں عورت اں بے پردا وے راہیا بیٹھی وچ پانی کپڑے روڑا کے تے
 اُس راہی نے کیتی مہربانی دتی چادر اس نے اُتوں لا کے تے
 نکل پانی وچوں بڑی حسین بی بی لے گیا گھوڑے اُتے بٹھا کے تے
 اس جا کے حق نکاح کیتا اُس دا وس پیا گھر بار اے جی
 اوہے گھر وچ رہندیاں مدت ہو گئی گذرے گئے نیں بارہ سال اونوں
 اپنی وچ مدت پنج ست دتے رب ہال انہوں اک دن گوانڈ ناں حضرت خضر دین نیاز چلیاں
 دھکودھکی لے لڑیاں نال اونہوں۔

کوئی بھابی کوئی چاچی آکھدی اے چکا لیا نے بھر کے تھال اونہوں
 زندہ پیروی لے کے نظر کھیر چلیاں جا کے ونڈ دیاں ندی کنار اے جی
 ہوپوں بھل کے قصوری قصور مندا بندہ بھل جاندا بھلن ہار اے جی

کھیر ونڈ کے ساریاں نہان لکیاں انہوں وی آندیاں نہالے فی
 زوری گئیں جامہ اوہدا بدلایا اے تے ڈردی ڈرے ناں او وچ پانی
 دندے بیٹھ پانی دا بک منہ تے پاے

پرت کے بچچاں دھیان کیتا اوہو کپڑے گھڑا نظر آیا اے
 عورت تھیں ہو گیا مرد مُرد کے اپنے آپ نوں وکھ شرمایہ اے
 ہو کے حیران پیا قیاسیں ہوندا کی سر اسرار اے جی
 ہوپوں بھل کے قصوری قصور مندا بندہ بھل جاندا بھلن ہار اے جی
 قیاس کردیا باراں سال لنگے پے رہے کپڑے بندہ اُوہدوں دا ادھر کوئی آیا ای نہیں
 اُہو گھڑی وقت دن دوپہر دا وسدا موسم ذرا وی رنگ بدلایا ای نہیں
 ہوپوں بھل کے قصوری قصور مندا بندہ بھل جاندا بھلن ہار اے جی



نبی پاک سرکار کل انبیاء دے

نبی پاک سرکار کل انبیاء دے تے خاطر جہاں دی دونویں جہاں ہوئے
اک دن مسجد وچہ بیٹھیاں اونگ آگئی تے نیند وچہ سرکار ہوئے
تے ہویا وحی جناب نوں آن نازل کرے حکم جو حکم غفار ہوئے
اُمت بخشانی تے پھیر سوناں سن کے نبی ساڈے پریشان ہوئے
جُھپے جا پہاڑی دی غار اندر کرن اُمت دے واسطے
یا غفار توبہ یا ستار توبہ

بے قرار اصحاب سب ہوئے اکٹھے اودھر اک دوچے نوں کہن سنا کے تے
کھتے نبی خدا دے اساں نوں لہدے نہیں ڈھونڈ دے انہاں تائیں ہم ہما کے تے
مناں کے قبیلے کفار وچوں رکھے ہون گھریں چھپا کے تے
پتر پتر مدینے دا پھولیو نہیں نالے آکھیں پئے گھبرا کے تے
رتا میل محبوب ہُن واسطے ای ہو گئے ڈھونڈے وچہ لاچار ہوکے
توبہ مولا بخش توبہ یا غفار توبہ یا ستار یا تہار توبہ

ڈھونڈن گئے بلاں جد طرف جنگل اگے اک آجڑی اجڑ پیا چار دا سی
بے دریغ ہو کہ اپنے مال تائیں نال سوٹیاں دے پیا مار دا سی
تے کیہا حضرت بلاں کیوں مارناں ایں پر اوہ واقف نہ اس اصرار دا سی
تن دن ہو گئے مال نہیں گھر جاندا ایڈا مال نوں پیار سرکار دا سی
سمجھ گئے بلاں اے خوشبو رسول دی اے بھال بے آخر غار وچوں
آخر کار ہو گئی منظور شریف توبہ یا غفار یا ستار توبہ

دے پتے بلاں بے جدوں آکے گئے یار نوں یار بلاونے نوں
کسے گھریں رسول دے جا کیہیا حضرت گئے نے اُمت بخشاؤنے نوں

اندروں سجدیوں سر نہ چکنا ایں پتھر وحی نہ آوے اٹھاؤنے نوں
سُن کے جنت خاتون وچہ پئی سجدے دربار رب دے کوک سناؤنے نوں
میرے ابا دی اُمت نوں بخش رتا کراں در تے سو سو بار توبہ
یا غفار توبہ یا ستار توبہ

عرض جنت خاتون دی رب مئی جا کے وحی پہاڑاں وچہ بولیا اے
سر سجدیوں میرے رسول چک لے بابِ رحمتی رب نے کھولیا اے
سُنیاں اُمت دی جدوں نجات ہوئی نبی نے ورق شکرانے دا پھولیا اے
جو گج منگدے سو لے لیندے جیدی عاجزی توں فرش ڈولیا اے
ایسی توبہ نوں رب توفیق بخشی کر کے ویکھ توں اک بار توبہ
یا غفار توبہ یا ستار توبہ

مرغی بچیاں والی دا اک بچہ

مرغی بچیاں والی دا اک بچہ لے گئی چیل تقدیر نال اٹھا کے تے
پا یا شور مرغی جدوں وچ وہڑے کہیا حضرت یعقوب نے آکے تے
نی اک بچے نوں کیوں پئی جھورنی ایں رکھ باقی دے سینے نال لا کے تے
باراں بیٹے سن حضرت یعقوب جہاں وچوں ٹر گیا یوسف جدایاں پا کے تے
اوس مرغی دے بول نوں یاد کر کر رہے یعقوب روندے استغفار توبہ یا ستار توبہ
صورت اپنی شیشے وچوں ویکھ یوسف ویکھو اپنے آپ تے بھل گیا
آکھے جے میں وکاں غلام ہو کے ویکھو گنج قارون دا گھل پیا
پراکھاں نال دکھا لیا رب اوہوں اٹی سوتر دی سی اُہدا مٹل پیا
کیٹی توبہ تے آئی آواز غیوں جواہر نال جواہراں دے شل گیا
آخر لیا عزیز خرید اوہوں تے خریدار آکھن استغفار توبہ یا غفار توبہ

بے نیاز دیاں بے نیازیاں

سلیمانؑ حضرت ایڑی شان والے جیدا پریاں نے تخت اڈایا سی
گھر ول آئے نال اتفاق اک دن پنڈ دے وچ جد آیا سی
کوچی گوی چپوراں دی ویکھ کے دلوں اے خیال لیا سی
کیہڑا مرد جو انہوں قبول کرسی میرے مولا نوں بول نہ بھایا سی
ڈگ پیا مُندرا تے بخت پھر گئے، ہو گئے در بے در استغفار توبہ

آخر اُنہاں ایں چپوراں دے ہوئے نوکر مولا نے رنگ دکھایا سی
ایسے ہر دل عزیز غلام بن گئے اُنہاں کہیا سی جو بجا لیا سی
اوسے لڑکی دا اُنہاں دے رشتہ اُنہوں گھر جوئی بنایا سی
کتھے پریاں دا بادشاہ کتھے ماچھی حکم رب دا کسے نہ ٹالیا سی
اوسے عورت دے واسطے ندی اُتے لیوندا مچھیاں دے چک کے بھارتوبہ

اک دن عالم عروج وچ ویکھ اُنہوں بول بولن دا جدوں دھیان آیا
پے کے سجدے دے وچ آکھیا بخش مولا درتے کرن توبہ سلیمانؑ آیا
بحر ہستی آگیا جوش اندر اوسے دن سی گھر مہمان آیا
لگے اوی لئی پکان مچھی پیٹ پھاڑیا تے مُندرا باہر آیا
سُنی گئی جدوچ سرکار توبہ مولا بخش توبہ استغفار توبہ یا قہار توبہ یا غفار توبہ

المدد

کراں سخن پیار دے ہار گنداں، دیوے ہمتاں لاشریک مینوں
انکل گھٹ زبان نہ چل دی اے مولا آپ چا دیوے توفیق مینوں
کرے کرم کملی والا کملیاں تے، ملے ایمان قرآن حدیث مینوں
اوتھے ودھ تھیں ودھ کوئی حد نائیں، کرنی آؤندی نہیں تعریف مینوں
شاعراں وانگ ہر ویلے نہیں بحر میرا، کدی کردا اے لطف لطیف مینوں
کول کول میرے رُس رُس پھر دے نے پچھدے قافیے نہیں ردیف مینوں
عقل گھٹ بے علم زبان موٹی کرنی آؤندی نہیں گل باریک مینوں
سوہنا دیکھ کے کری پیار جانا، کرنی آؤندی نہیں پرتیت مینوں
آوے یاد جے کسے دی یاد کرنا نہیں یاد پرتیت دی ریت مینوں
لوں لوں دُکھدا دل وی تھکھدا اے انج پائے جے کسے تویت مینوں
ہائے ہائے جس دے نال پیار میرا گیا کنڈیاں اُتے دھریک مینوں
بڑا دیکھیا سی راہ تے واہ پے کے مرن آؤندی نہیں پرتیت مینوں
معرفت دیا گلاں کراں کیویں یاد شریعت طریقت نہیں حقیق مینوں
دیکھاں الف تے اکو جہیا نظر آوے، میم نے دسیا پاک پلیت مینوں
کھلوواں نیت نماز محبتاں دی، دھرتی جا پدی سب مسیت مینوں
ہوون ہار سرتے کدوں ہو جاؤنی کوئی یاد نہیں وقت تریک مینوں
پیندی یاد گل جد وچھوڑیاں دی کردی غماں دے کھوہ غریق مینوں
دس دُور اے جیدی قصور مند آؤندی اے آواز نت نزدیک مینوں

نذرانہ عقیدتِ حضورِ رحمتِ دو عالم ﷺ

پیشوا ساڈا کھلی والڑا اے جدھے شانناں توں شان عروج ہووے
 رچھتے جن انسان حیوان جھک گئے توری ملک دی وچ سجود ہووے
 جدھی شان دے وچ بیان سارا کول قرآن موجود ہووے
 ہووے آپ خدا ثنا کردا کہندا پیا محبوب محبوب ہوئے
 نبیؐ تے نبیؐ دی آل اُتے صبح شام سلام درود ہووے
 منکر کلمے تے آل قرآن دا جو دیوا اوس گل نابود ہووے
 پڑھے صدق تھیں جے انسان کلمہ زندہ اوس دا مویا قلوب ہووے
 ذکر کلمے تھیں مرد خدا سالک جلوہ ویکھ کے کوئی مجذوب ہووے
 برکت کلمے تھیں سومنات مندر ڈھاندا غزنیوں چڑھ محمود ہووے
 نوری سورج محمدی دین والا کدی نہ جیہڑا غروب ہووے
 سورج چن دی روشنی مٹ جاسی ایہہ فیر دی چمکدا خوب ہووے
 لہندے چڑھدے سارے جگ اندر ایہہ چانن شمال جنوب ہووے
 صفتاں کرن وچ آوے نہ صفت اوہدی بے حد نہ وچ حدود ہووے
 سوہنا دین اخلاق جماعت اکو قصورمند پاویں تے پاویں ایوب ہووے

رُباعیاں

میں تے مناں آن عرشِ معلیٰ دا بڑا رتبہ پر شانناں ودھ نے اُس زمین دیاں
 جتھے حضورؐ دا ہویا اے نور انور لاناں مہکیاں دُریتیم دیاں
 جنتاں توں ودھ مدینے دیاں گلیاں تلیاں لکیاں سن جتھے محمدؐ امین دیاں
 تک تک مدینے دے ول قصورمند اکھیاں تھک گلیاں عرشِ عظیم دیا

رب محبوب خاطر کیجے دھرتی امبراں چاہ تے جمیل
 سر تے تاج لولاکی دھر کے موٹھے کالا کھیل، شان منزل
 کی کرے اشارہ یلین دی کھونڈی ویکھ ہوش نوں سنبھل نال تہمیل
 قصورمند اوہدے فضل دے باجھوں کم نہیں آؤندے عمل پاؤندی اے ریل

کفر تے شرک دے گھر مکان ہوئی مالک آئے جد دو جہان والے
 جدی شان دے وچ بیان سارا دسے راہ ایمان قرآن والے
 تے سورج دین دا چڑھ پیا مار لانا کھل پئے راز توحید عرفان والے
 ٹسی پڑھو درود قصورمند اے زمین والے تے آسمان والے

کفر اندھیر تھیں ہوئی سویر یکدم جدوں چڑھیا دو جہان دا چن
 شانا ویکھ کے زمیں تے محمدؐ امین دیاں ٹوٹے ہو گیا آسمان دا چن
 لمبو ظلم دے بُجھ گئے وانگ دیوے جدوں مہکیا حیدریؐ شان دا چن
 اوہدا ماہ رمضان تے عید کاہدی قصورمند جے ڈٹھا نہیں اپنے ایمان دا چن

بندہ صفت کی اوس دی کر سکدا عاشق رب ہے جس حسین اُتے
 لکھاں یوسفی حُسن پئے ہون صدقے اُہدے اک اک وال مہین اُتے
 اُہدے جیا کوئی بے مثال سوہنا آیا ہور نہیں کوئی مہن زمین اُتے
 جے زمین تے نہیں قصورمند گیا کون اے عرش برین اُتے

بے شک عرش معلیٰ دا بڑا رتبہ پر شانناں ودھ اوس زمین دیاں
جتھے حضور دا ہویا سی نور انور او لاناں چمکیاں دُرِ یتیم دیاں
جنتاں توں ودھ مدینے دیاں گلیاں نے جتھے تلیاں محمدؐ امین دیاں
تک تک کے مدینے دے ول قصورمند اکھیں پک گیاں عرش عظیم دیاں

نبیؐ نوں بشر بنان والے ذرا سامنے آ سمجھا کے دس
حضرت نے ستاں آسماناں دی سیر کیتی تو ایس بنیرے تے جا کے دس
سورج، تارے، چن کچھریاں کرن جتھے اُس توں پراں کوئی خدا تے دس
قصورمند محمدؐ دے ناں باہجوں کدھروں ہوروں قصور بخشا کے دس

لاواں پکڑ معراج دی رات سرور جدوں چڑھے براق دی زین اُتے
ادبوں دوڑ کے منزلاں قدم چُٹے عرش پُچ کے آیا زمین اُتے
ملاقات تے شوق دی حد ہو گئی ناز ختم ہوئے نازنین اُتے
او فقیر اخیر بلندیاں پاوے او ختم ہوئے ہونے مُرسلین اُتے

اوس دن عرش وی کیتی اے بسم اللہ جدوں گئے سن مہمان حضور دے سن
ہر دم تھیں صل علیٰ نکلے ایسے شعلے محمدیؐ نور دے سن
دست بستہ کھڑے ملک حاضر سرگونج او قافلے حور دے سن
ملیا یار نوں یارسی بہشت ناتا مٹ گئے جھکڑے جیہڑے دُور دے سن

شانِ انسانی دے وچ نہیں فرق پاؤندا کتا بھونکدا رہوے یا وڈ کھائے
صدقے جاں محمدیؐ عادتاں توں جیہڑا ٹٹیاں لجاں نوں لُج پائے
لوک دین گالی اگوں جھولیاں وچ بھر بھر کے پھلاں دے چھج پائے
قصورمند حضورؐ دا نہبو سایہ، دونویں جگ حضورؐ دے پٹھ آئے

درصفت پختن پاک

پنج بنا نہ اوہدے خدا مئے جیہڑا پنجاں دا نہ غلام رہ سی
پنجاں دے ناں ای حوض کوثر دھڑا دھڑا پنجاں دا چل دا جام رہ سی
سچ نے فیض دے گنج پائے، خاص عام اُتے فیض عام رہ سی
قصورمند پنجاں دا ای نام ایسا لے نام جیہڑا اوہدا نام رہ سی

خیبر فتح تے مشکل نہ حل ہوندى جے ناں جیڈر کرار آؤندے
جے کر بہتر تن نہ صدقے حسینؑ کردا کدی نہ دین تے موسم بہار آؤندے
فضل کریم تے ترس دی گھٹ بن کے جے نہ کمبلی والے سرکار آؤندے
جنت وہلیاں ہونی سی دوڑنیں بھیڑ قصورمند ایہدے وچ کیوں گنہگار آؤندے

کرے دان سوالیاں نوں پچیاں دے، ایہڈا کون نخی وچ جگ ہوئے
ہوئے گھیو تے جم کے رہوے بیٹھا، انج سامنے چک دی اگ ہوئے
بے لُج تے لُج نوں ٹور دے ہون، ہوئے کون جو پالدا لُج ہوئے
قصورمند نخی حسینؑ آقا، سر تے صبر تے عشق دی پگ ہوئے

غم حسینؑ دا ولے اندر کریں خودی تے شان بلند کیوں
پینا ایں دودھ شربت نہیں خیال تینوں پانی کربلا ہوئے سان بند کیوں
پھرے آپ آزاد نہیں یاد تینوں ہوئی آل رسولؐ دی تنگ کیوں
سن کے امامؑ دا حال قصورمندؑ تیرے ہمدے رہندے نیں دند کیوں

سورج چن وی جہاں دی من ٹردا رب انہاں توں کدرے دکھ دسیں
نبیؑ تے نبیؑ سی علیؑ دی خو والا چوی ہزار توں پھول کے لکھ دسیں
شربت قاتلاں پھڑے راہے مولا جے کوئی ڈٹھائی تے بے شک دسیں
بن مذہب دی باڑ قصورمندؑ نشان حیدری پیا ان چک دسیں

بشر نبیؑ نوں کہندیاں سوچ تے سہی چن توڑ کے بندہ نہیں جوڑ سکدا
ہووے لکھاں دی قضا نماز ڈیگر ڈبے سورج نوں بندہ نہیں موڑ سکدا
کرے علم چترایاں لکھ بندہ کلمہ مُٹھ وچ پڑھ نہیں روڑ سکدا
چوسہ اک بازو دا مار قصورمندؑ در خیبر دا بندہ نہیں توڑ سکدا

کرے زہد عبادتاں حضورؐ نوں کہے بندہ مسلمان پر مومن نہیں ہو سکدا
ذکر خدا پیا کرے پر محمدؐ دے نام باہجوں دل توں کفر دا داغ نہیں دھو سکدا
ادب خلق توں ہو وے سو دل خالی نہیں درد حسینؑ وچ رو سکدا
پڑھے تہجدیں ہووے نمازی قصورمندؑ پر او جنتی کدے ہو سکدا

تیرے ناں تے شان دا علم پڑھیا پر حرف علم نہ مول سیان دا ہاں
ب، ت دا کوئی نہیں جے پتہ مینوں اکو الف تے میم نوں جان دا ہاں
ہتھ پیر نہیں اٹھ دے غیر ولے جدوں سامنے دونوں نوں جان دا ہاں
صدقہ حیدرؑ دا منگ قصورمندؑ تاں ای جگ اندر موچاں مان دا ہاں

جھوک۔ قصورمندؑ کی ضد سطریں

کھلیاں کر کے ہانپیں دیا شاہ کونین اے
میں واں حسینؑ دا تے میرا حسینؑ اے
ٹھنڈک اکھیاں دی او دل دا چین اے
فرزند علیؑ، نالے لاڈلہ بتولؑ دا
صدقے میں صدقے اے کنبہ رسولؐ دا

صبر کماے کر بل، مولا شبیرؑ نہیں
کردے نے ظلم جیہڑے ظلم دے پیر نہیں
حق اُتے قائم کھابڈے خلق وچ تیر نہیں
خیمیاں دے وچ خالی جھولا رہیا جھول دا
صدقے میں صدقے اے کنبہ رسولؐ دا

عونؑ و محمدؐ دونویں زینب دے شیر نہیں
سوہنے نہیں رنج کے دونویں ہی دلیر نہیں

مار دے نے تیغاں دشمن کر دتے زیرِ نہیں
 ماریا میدان جہاں حق تے اصول دا
 صدقے میں صدقے اے کنبہ رسول ﷺ دا

کرم کیتا رب دھوتا دامن دانداز نوں
 حُرّ آن وُگا قد میں چھڈ باطل قطار نوں
 رو رو آکھے سینے سید لاؤ دکھیار نوں
 حق دا سوداگر کیوں باطل قبول دا
 صدقے میں صدقے اے کنبہ رسول ﷺ دا

درصفت صحابہ کرام رضی اللہ عنہم

چارے یارِ نبی دے اعلیٰ اِکو چہئے پہچان، شک نہ جان
 قول شریعت نبی دی اُتے صدیق، عمر، عثمان صدقے سان
 حیدر صفر یا شاہ علی خاص نبی دی جان راز نہان
 قصورمند ہر مشکل اندر منگ مدد علی مردان مشکل آسان

عاشق تیرے، تیرے اُتے بھید جہاں لکھ سلام سُن کے نام
 دید تیرے نوں حج سمجھ کے پھر دے بخہ احرام، خاص کہیہ عام
 تیری حُب محبت باجوں زندگی جائے حرام، عمر تمام
 قصورمند کھلے نے بن جماعتاں عاصی لوگ تمام، توں امام

تن سو تیرہ نے ہزاراں تے فتح پائی کدھروں میں وی او قطار لہنا
 بدلے اک دے بتی کڈھ دیوے کدھروں اوہ پیا باطنی یار لہنا
 کر بلا دے وچ جیویں حُرّ کیتی کدوں او وفا وفادار لہنا
 روندیاں نوں چپ کرائے، دکھیاں نوں لائے سینے قصورمند جے لہے تے اوہ پیار لہنا

چار یارِ رضی اللہ تعالیٰ عنہم

اعلیٰ توں اعلیٰ نبی، نبی دے چارے یار اعلیٰ
 چک نائیں چواں وچ نبی کہیا اِکو چہئے چارے دلدار اعلیٰ
 پئے اج وی مشکلاں حل کردے مشکل کشا تے حیدر کرار اعلیٰ
 عاشق رسول مقبول صدیق اکبر جہاندا نبی دے نال پیار اعلیٰ
 جابر عادل عمر فاروق اعظم دشمن نبی تے اٹھائی تلوار اعلیٰ
 عثمان غنی حضرت غنی سَن مال اندر کیتے حق دے پئے پیار اعلیٰ
 رُتبے گنتیاں وچ نہ آؤندے نے انعام نبی تمہیں پائے اسرار اعلیٰ
 قصورمند قصوری ایں بھانویں کیدا او رحمتاں دا دربار اعلیٰ

غوثِ صمدانی قطبِ ربانی سید عبدالقادر جیلانی

پیر پیراں نوں اعلیٰ بخشی بے پرواہی، رتبے پائے
 چوروں ولی تے گل ولیاں دے کاندھے قدم ٹکائے، تے قطب بنائے
 بارہیں سالیں ڈبے بیڑے سغویں بنے لائے، سنے ملائے
 قصور مند یاد کریں تے پہنچ پلک وچ جائے، ڈھل نہ لائے

سوہنا ماہی جگاں وچوں کوئی ناہیں اس دے تل، کبھڑی اے بھل
کی دساں میں گل کرن نوں جان ہلاون تل، کردے نے بھل
سخن کرے جیوں سچے موتی ٹٹ لڑیوں پوندے ڈہل کیڑی آ پل
قصورمند خوشبو زلفوں آوندی اے بھل بھل دماغیں مل

لوکیں آکھن ملدی ناہیں کپتے باجھ مزدوری تے منظوری
معافی کالیاں کوچیاں تائیں خاطر کالی بُھوری طے ضروری
اوتھوں خالی کوئی نہیں مُردا اوہ دربار حضوری جھلکے ٹوری
قصورمند بخشے جے او نگاہ کرم دی پوری لکھ قصوری

در تیرا چھڈ جاواں کتھے ناہیں ہور کوئی پاسا تیری آسا
رہے خوف نہ خطرے لگن پھراں بے وسواسا دے دلاسا

ہور کوئی مینوں وسدا ناہیں حُسن تیرے دا ثانی وچ جہانی
توں مینوں ہُن چکھدا نہیوں لا محبت کانی میریا جانی
توں بھانویں مینوں جانیں ناں جانیں جان کراں قربانی کس کم آنی
قصورمند مسافر وانگوں اک دن چھوڑ سدھانی دنیا فانی

کلام مرشد قصورمند

کامل مرد للاری ڈٹھا شیخ پور شریف کی کراں تعریف
جس گوہڑے دے کے نال پیاراں دی نقشبند تاریک رنگ چٹھ

جانی جان پہچان کرائے معرفت حقیق راز باریک
قصورمند شہ رگ تھیں نیڑے وسدا لا شریک بہت نزدیک

میاں غلام حیدر اے مُرشد میرا کامل مرد للاری حق بُ پاری
جس عشقوں دے کے رنگ دے نوں میرا سخن زبان سنواری رحمت باری
جس دے ترسوں ترس اندر کردی خلقت ساری محبت باری
قصورمند منگ مدد حیدری جد پوے مشکل بھاری تے جاندی باری

شیخ پور سی رحمتوں پڑ ہویا جتھے روضہ محمد پناہ دا اے
سخی ظہوری منظوریاں والڑا اے سنیا خاص مرد او خدا دا اے
کڈھے بکھیاں ترساں طلب گار لکھاں خزانہ بے بہا بے پرواہ دا اے
ہندے پے فیض قصوریاں نوں قصورمند چشمہ جاری رحمت دریا دا اے

میاں غلام حیدر اے مُرشد اے میرا گوہڑا رنگ سنیا اوہدے مٹ دا اے
ڈوبا دے کے دیویندا وٹ کررڑے ول وٹ کڈھے جدوں چھٹ دا اے
تے بے رنگیاں نوں دیویندا اے رنگ پکا جیہڑا دھوتیاں ذرا نہ گھٹ دا اے
قصورمند قصوریاں توں پیا بھسا گوہڑا رنگ کرے کوڑے جٹ دا اے

مرشد درتے کھلو کے میاں جی آکھ دے نیں

پیرا روضے تیرے دے اُتے وجدے نیں ڈھول
ڈھول کر دے نیں شور غافل اکھیاں کھول

پیرا روضے تیرے دے اُتے ڈھولک دی گھٹ
 کج کھٹ لے ناداناں اتھے آؤناں نہیں وِت
 لکھاں تیرے توں چنگے کر گئے بستر میں گھول
 پیرا روضے تیرے دے اُتے وجدے میں ڈھول

پیرا روضے تیرے دے اُتے چڑیاں دا شور
 بندہ کاچیں رُجیا ایہوں وِسی اے گور
 دفتر عملاں والے اتھے گھٹتے میں کھول
 پیرا روضے تیرے دے اُتے وجدے میں ڈھول

پیرا روضے تیرے دے اُتے وجدا چکارہ
 اچے ویلا ای ناداناں کر جگ توں کنارہ
 لعل مُٹھ وچ تیری اونہوں گھٹے نہ رول
 پیرا روضے تیرے دے اُتے وجدے میں ڈھول

پیرا روضے تیرے دے اُتے چھٹکے چٹے دی ونگ
 دنیا مسافر خانہ راہی جانے نی لنگ
 لان دنیا تے دل جیہڑے ہندے انپول
 پیرا روضے تیرے دے اُتے وجدے میں ڈھول

پیرا روضے تیرے دے اُتے گھڑا ہتھ میرا
 بانج عملاں بجنا گور کالڑا ہنیرا
 جدوں لگتی نہیں کو تینوں پیٹے میں ہول
 پیرا روضے تیرے دے اُتے وجدے میں ڈھول

مقولہ شاعر

عشق محبت اکھا پنیدا نہیں ایہہ گل سکھائی موت دکھائی
 جھکے ہوئے دیکھ حُسن تیرے نوں ہر پتا ہر ڈالی کوئی نہ خالی
 جھومن آکھن خیر پائیں توں در تے ہاں سواں ساڈیا والی
 قصورمندا قصوری ایں توں کتھے عشق بلائی گلاں خالی

صبر قرار پیار نائیں چھڈدا ہے مرض اوئی ناہیں تسلی
 حُسن جیے دی موٹی واگوں بچناں اک تھئی کسے میں جھلی
 جس ڈھٹی ایہہ چمک پیاری سوئیواں پھر دی جھلی پاندی جلی
 قصورمندا میں آساں اندر پھر دی واناں ملی راہاں وچ کھلی

عشق نے ورد وظیفے توڑے بہن نہیں دیندا اڑ کے اندر وڑ کے
 کول وسیدیاں نوں کولے کردا میں کونکے ہویاں سڑ کے کڑکڑ کے
 ترلے پاواں پئی مناواں روواں دامن پھڑ کے قد میں جھڑ کے
 قصورمندا جدائی بچن دی موت دے نالوں بڑھ کے ویکھیں اڑ کے

عاشق عشق دے کر دے پینڈے ڈوراں سٹ خدا تے بے پرواہ تے
بَن توکل تاریاں لیدے وحدت دے دریا تے جتھے نہ ہاٹھ اے
جو کچھ ہو جائے ڈولن نایں راضی رہن رضا تے ہلے نہ وات اے
قصورمند اودہ مرن تو پہلاں مَر کے ہونا حیات اے مشکل بات اے

فراق بجن دا

کست دے باجِ بسنت نہ بھاوے ہتھ نہ سہاون ونگاں روپ نہ رنگاں
جال ہوئی نامِ محرمیں اندر کوکاں وانگ کولگاں باجوں سنگاں
چھوڑ بستیاں پھراں اُداسی پھراں اجاڑاں جھنگھاں شیر پلنگاں
قصورمند چل نگر بجن دے جوگی بن کے منگاں ذرا نہ سنگاں

آخر توڑی رجن نائیں تیرے ولوں اکھاں تے پئی تنگاں
دل نوں دل دیاں کھاندیاں جاون آکھ تینوں نہ سکاں میں پئی جھکاں
جاں تک دم حیاقی والا آس تیری میں رکھاں نائیں تھکاں
قصورمند میں وانگ سسی دے مگر بجن اُٹھ نساں کچم وِساں

حسن بجن دا راہزن یارو صبر قتل کھوئے نہ دل کھلوئے
جاگے نین تے وکھ نیناں نوں بھر کے نیند ناہیں سوئے اُٹھ کھلوئے
چھم چھم پانی ٹک نہ جانیں میل داندے دھوئے نین جد چوئے
قصورمند جو عشق دے باجوں دنیا وچ موئے سمجھ نہ ہوئے

حسن بجن دا کانگیں چڑھیا لپھاں ٹھاٹھاں مارے شوہ نے بھارے
وکھ ٹھلاں نوں لکھا ٹھلے تارو تر تر ہارے نہ وِسن کنارے
پشماں وچوں رشاں جیہا بجلی دے چکارے لاٹاں مارے
قصورمند اودہ چن چمکدا دسدے پئے نے تارے لوکی سارے

وکھ کے چن میرے دل دے ولوں بھل جاون شبِ قدراں کس نوں قدراں
وکھ کے دل چکور ہو جاندا آون ڈاڈیاں سدھراں فی بے صبراں
جھلی تے کوچی کوچی بھاویں کیڑی بے خبراں اس دے مگراں
قصورمند میں وانگ سسی دے کوکاں پئی وچ قبریں لیسے خبراں

حسن بجن دا کیہہ گل دساں چن اے وچ حسیناں حُسن خزینہ
اس دے وانگوں ہور نہ کوئی دِسا وچ زمیناں وکھ کے جینہ
اودہ رے نین صراحیاں نئے تھیں بھر بھر پیالے پیناں دیوانہ تھینہ
قصورمند مینوں دیس پُچن دا جیویں شہر مدینہ مُسلمینہ

ٹر گئے بجن طوفانِ جُدا نیاں کوٹ آساں دے ڈہائے کون بنائے
جیویں ہوت سسی دے تائیں سُنیاں چھوڑ سدھائے فیر نہیں آئے
کیہڑا ایہڈا دردی میرا مگر اونہاں اُٹھ جائے جا پرتائے
قصورمند غم بجن دا دل میرے نوں تائے تے کھاندا جائے

صفت بجن دی

بھولی صورت سوہنا بہتا کیمہ دساں نین دغاڑے جدھر چاہڑے
کیٹی جاندا زورا زوری دن دیہاڑے لتاڑے کئی اُجاڑے
دُھماں گھٹے دُھوڑا اڈانڈا پکڑ سولی تے چاہڑے کسے نوں سارے
قصورمند اے درد منداں دے منڈھوں پے گیا کھاہڑے پیا لتارے

سوہنے لٹ دلاں نوں لیدے کیمہ کرنی صفت معشوقاں چھیل ملوکاں
بھواں کماناں، پلک خدنگاں بھرے نال سلوکاں نین بندوکاں
حسن خزانے اُتے پائیاں ناگ زلف دے شوکاں پھونگر کوکاں
قصورمند ایہہ حسن محبت نہیں رہندا اے بھیت صندوقاں گھتن کوکاں

عاشق مگر معشوقاں جاندے بھادیں موت نہیں مل دی راہوں ملدی
پنڈے وکھ سسی دے وانگوں تنگی پیریں چل دی راہ تھل دی
سوئی وکھ گھڑے دی مٹی شوہ دے اندر گل دی نہیں ہلدی
قصورمند اوہ رنج مصیبت مگر بجن جو جھل دی سگ دل دی

بے پرواہ پرواہ نہیں کر دے معشوق ہندے نے سوہنے دلاں نوں موہنے
روندیاں وکھ کے ہسدے اگوں داغ دلاں کس دھونے سوگ پے ہونے
سرن پتنگ نہیں ترس شمع نوں دن چھریوں پے کوہنے دُکھیں پرونے
قصورمند پون کسے نوں عشق دے مٹھے جھونے عمر دے رونے

دنیا داراں نال گُجھ گلاں

جس نے نام دنیا رکھایا توں کیکن آکھیں میری نال دلیری
رنگ و رنگ اے شاخ حسن دی موت چڑھے پئی نیری جائے نیڑی
اُجے دی سمجھ نہیں آئی تیتوں ہوئی عمر دُھیری بدھی ٹھیری
قصورمند وچ دنیا مٹیوں نہ قبر نہ دُھیری رہ سی تیری

میری میری آکھیں جانا ایں سمجھیں نہ وچ نادانی چیز بیگانی
روپ رنگ سنگھار چھوڑ سدھائے نہ رہی جوانی رُت سہانی
کالیاں تے سفیدی آئی مرجھایا مٹھل پیشائی رہی جیرانی
قصورمند تائیں چھوڑ سدھائے دوست یار جہانی دل دے جانی

اپنا آپ بنائی پھرنا ایں واسہ خودی دی کھٹھی چوڑ تڑی
پرچن وچ نہ آوے کدی دل خواہشاں دی بھٹی پیٹ دی مٹی
چچی دست پیاری ساری بھری نفس دی چٹی چوڑ کر سٹی
قصورمند اوئے روہڑی جانا ایں عمر ساری وی کھٹی حرص دی ہٹی

جس دے ہوویئے ہو جاندا اے موتوں اگاں لنگا کے جرم گوا کے
لوکی آکھن ہیر دا رانجھا آیا مُندراں پا کے ٹلے جا کے
بن گیا مہینوں سوہنی دا پٹوں بیرے لاکے مال لٹا کے
قصورمند پنن سسی دا دھوبی نام دھرا کے ذات وٹا کے

عاشق لوگ معشوقاں دے ہوندے دامن گیر مر کے اخیر
رائجن خیریں آوے میرا پئی مناندی پیر جی ہیر
سوئی تائیں سوئی ہو گئی شوہ نوں جاندی چیر ترے پئی نیر
قصورمند وچ تھل دے سسی نینیں چھٹا نیر پھرے دگیر

صورت ویکھ جتن دی جہاں پئی اے چنگ چواتی جلوہ ذاتی
کلیاں ویکھ گھتے نے رولے پھر دی کوئی چپاتی عقل وی باقی
وچو وچ سہارن دم نہ مارن زخم جھلن وچ چھاتی باجھوں ساتھی
قصورمند اوے پیار جتن دا ایہو باقی حیاتی عاشقاں جاتی

توں اپنے آپ نوں چنگا سمجھیں مندے سمجھیں سارے اوگن بھارے
کھتوں چلیاں کھتے آیاں اجے نیت نہ ہارے بڑھے وارے
نکل دے وچ منہ پا ویکھیں کی کی کیتے کارے ویکھ دوبارے
قصورمند قصوری رہندے تیرے جے نکارے اوگن ہارے

اے گواہنڈیو ہمایو مرگیاں میرا اچا ڈھیر بنائیو مٹی وی پائیو
جھتوں دی دلبر لنگے میرا راہ دے وچ دفنائیو اونہوں وی دس جانیو
کہندا سی طالب تیرا قبر میری تے آئیو تے مل جانیو
قصورمند بس عرضاں کردا بندہ قصور میرے بخشائیو کرم کمائیو

مکی عمر مکایا نہیوں پیڈا اک دولاہنگ نہ بھر پلاہنگ
لوں لوں داغی دنیا اندر کھا وکھاندی ساہنگ نکل دی چاہنگ
دل نکارے نوں لکھاں خواہشاں نت و دھیری باہنگ نہ لگے لاہنگ
قصورمند مل راہ جتن دا بھر کے اک دولاہنگ رکھ تاہنگ

کاہنوں جل حرصاں دے اندر بیٹھا ایں جان مہسا کے قابو آکے
غفلت سستی چڑھ گئی اے تینوں دنیا تے دل لاکے اوہ قول بھلاکے
درد کنوں دل صاف کریدوں عشق دی اگ جلا کے خوب تپا کے
قصورمند فیروقت نہیں ملنا پٹھ مٹی دے آکے قبریں جا کے

دنیا مرکب مومن راکب سرور صلی اللہ علیہ وآلہ وسلم دا فرمان کرن بیان
جہیزا اینوں حق تے موڑے جہیزا حق دی راہ تے چلے بہادر او جوان رکھ دھیان
بعد ملکیناں ہو کے رہ سی پچھے رڑا میدان جوں سنسان
قصورمند اوے مرد عاشق دا رہ سی توڑ نشان وچ جہان

تینوں کیڑ نہیں کیڑو تیرے، مگر تیرے نے پھر دے ویری سردے
مشکل ہوگ بچا اونہاں تھیں، رہندے تیرے گردے بڑے چڑدے
جے من لیدوں نہ کرنے پیندے ترے تینوں دھر دھر دے نیاں گردے
قصورمند ایس تیری خودیوں نہیں خود دے وچلے کردے ذرا نہیں ڈردے

پہلا بول اُسٹ برکم پیا سینے وچ رڑ کے کناں وچ کھڑے
توں ایں توں کر بھنے جانے یار دسہی سڑ کے راہے چڑھ کے
ایہہ لوگ مگر لٹیرے اوہ ڈرے اگوں نہیں دہندے پچھوں مڑ کے لٹن پھڑ کے
قصورمندہ ہے خطرہ ڈاہدہ پیا کلیجہ دھڑ کے تے ول مہڑ کے

جن دے ول ٹردے جیہڑے ہو محبت راہی عشق سپاہی
بحر غماں وچ روہڑ گئی یارو عزت تے وڈیائی ہتھ نہ آئی
سی واگ گئی آں تھل وچ پچھے ڈھولن ماہی جان گواہی
قصورمندہ ایہہ کھیڈ عشق دی جس سر بازی لائی جُت دکھائی

رباعیاں

جس ماہی دی آس ہے ساریاں نوں ہر اک اُسے دی پھرے وراگن اے نی
اوہدے راز نیاز کوئی انوکھڑے نے وچ سون تے ناں وچ جاگن اے نی
اوس مالک دے گھر وچ کوئی پتہ نہیں رنڈی کون تے کون سہاگن اے نی
جس نوں کرے منظور قصورمندہ آکھ رہی اے میرا ساجن اے نی

جہدا حسن جگہت وچ کہن دیوانے اوہ دسدا کیہڑیاں تھواواں ڈھونڈے راہواں
کئی لوٹن جاڑ پہاڑاں اندر کئی ڈھونڈن شہر سراواں پنڈ گراواں
کئی پادھویں لاه لیڑے بیٹھے سر جٹاں لمیاں لاواں لمیاں ساہواں
آپ لا مکان مکانے وے قصورمندہ فیر میں زندگی پاواں کہیا داناواں

سستی

آدم جام وزیراں نوں سدھ کہیا تسی منادیاں ترت کرا دیو
کیٹی عطاء خدا نے بَنت مینوں شکر دے ڈھول وجا دیو
ستر گولیاں جھولا جھولنے تے ستر پکھیاں نال ہوا دیو
میری دھی دی اکھ وچ آئی اتھر واقف کار فیر میری سزا دیو
میری دھی دے نفرو سیر واتے لاکی باغ اک ترت بنا دیو
میرا تخت صندوق خزانچی دا سر عام بازار ٹکا دیو
آج بیٹھ سخاوتاں کراں ہتھیں غرباء ملک دے کل بلا دیو
جو بیمار نے استھتے نہیں آ سکدے گھری جا کے مہراں ورتا دیو
آج شہر بھنجور دی شامی اندر کھانے رنگ رنگ پکوا دیو
نال نفر مہمان جے کرے ڈنگی اگوں ہنس کے گل گنوا دیو
آؤ جی آکھو آن والیاں نوں آوازے جانیاں نوں حافظ خدا دیو
قصورمندہ جو عیب قصوریاں دے پا پلڑے ترت چھپا دیو

سارے شہر وچ شامی اعلان ہونیا ہر کوئی پہنچیا سُن کے دھوم اوتھے
دے لکھ مبارکاں شہر سارا راہی کھلے نیں ویکھ جوم اوتھے
سٹ پتری کرن حساب جیہڑے آن پہنچے نیں ماہر نجوم اوتھے
ڈاہڈا عشق بے ترس قصورمندہ قابو جیدی ہوئی معصوم اوتھے

نجومی اپنے جوہر دکھان خاطر حاضر شاہ دے وچ دربار سارے
سٹ پتری کیتا حساب جدوں پیلے ہو گئے رنگ و سار سارے

چپ چاپ نہ بولدا کوئی اگوں ٹھنڈے پے گئے تیز ترار سارے
جرت کسے نوں ہوئے نہ بولنے دی اک دو جے نوں کرن تیار سارے
سر سمجھو دکھ سریر نالوں غضب شاہ دے نال تلوار سارے
ہتھ بن کے آخر اک بولیا اے شاہ اسی تیرے نوکر خدمتگار سارے
کیسے سچ تے جان دا خطرہ اے ماریے جھوٹ تے گنہگار سارے
کرو مہر تے جان امان بخشو ہتھ بن کے کرن اصرار سارے
آدم جام تخت توں اٹھ یارو کھلا آن کے وچ وچکار سارے
عہد کر کے جان امان بخشی نالے تھاپڑے سو نال پیار سارے
ہوینا حوصلہ تے اگوں کہن لگے احسان مند تے شکر گزار سارے
تیری دھی نوں عشق سنبھال لیا اجڑ جان دے باغ گزار سارے
مگر پنوں بلوچ خوار ہو سی دھم پئی اے وچ سنسار سارے
وچ تھلاں دے مرنا ای سڑ اینے کھوج کھوئے تے چوکلڑی مار سارے
اساں سچ دی گل سنا دتی جا سن ورت تقدیر دے وار سارے
کریں لکھ پیا جتن قصورمند کر سی جگ دے وچ خوار سارے

آدم جام نے سنی اے گل جدوں نال فکر زمین وچ دھیا اے
لے سدھ وزیر مشیر دونوں کرو حل اے پئی سمیا اے
لئی کھچ تلوار دو دھار والی بستہ ظلم دا باپ نے کیا اے
واڑی وچ میان تلوار مڑ کے قصوریا وچ کن وزیر کج دیا اے

ہتھ بن وزیر مشیر دونوں دن لگ پے حق انعام دی گل
قتل دھی دا منع رسول ﷺ کینا کر یاد کج حاکم احکام دی گل
ماریں دھی تے حشر تائیں لعنتاں نیں اے نہیں کوئی صبح تے شام دی گل
نام ظالماں دا مٹ دا ویکھ اکھیں رہ سی صبر تے حق اسلام دی گل
ناں یزید پلید دا کون لیندا رہ سی حشر تائیں جناب امام دی گل
بعید میم دے الف ای جاندا اے جیہڑا جاندا اے الف تے لام دی گل
کر قید خدا دی ویکھ قدرت پلے پئی نہ نجوم نجام دی گل
گل والے دی گل قصورمند متے سمجھیں لوں آدم جام دی گل

ستی نے آکھیا کدوں میرے گھر سدرائے لکن بن کے سہرے لڑیاں تے مہندی تریاں
رتجھاں سولے ڈھولے گاؤں کتھوں رحمتی چھڑیاں قسمتاں سڑیاں
کسے نوں نال نصیباں لبھن اے خوشی دیا گھڑیاں تے ڈیکن بڑیاں
قصورمند کئی رکھ رکھ آساں جا قبریں وچ وڑیاں تے توڑ نہ چڑھیاں

بے وی سستی اٹھ تھلاں نوں لسی تے کیتی عشق نمائی بڑی سیانی
ماڑو تھل کر بل واگوں نہ چھاں نہ پانی تے اوکھی کہانی
دیکھ کیوں پئی کردی اے پیڑے اوشر بھوردی رانی تے پیراں تو واہنی
قصورمند سوکھی اے گل زبانی کرنی اوکھی اے پریت لگانی توڑ چڑھانی

سی نوں رات وصل دی آئی حضرت عشق نوں غیرتاں آئیاں
جھتے ڈیرے میں کر لینا اوتھے خوشیاں کدے نہیں آئیاں

توں کیوں سیسے خوشیاں اندر چھپاں خوب وچھائیاں
قصورمندہ اٹھ فجریں ویلے دیاں کت جدائیاں

فجر ہوئی تے آن جدائیاں نے سسی نوں چھیوں جگایا
اٹھ شہزادی کہے وچھوڑا میں تیرے ول آیا
اتن چیتی درد غماں نے سر تے ڈھول وجایا
قصورمندہ اٹھ چل تھلاں نوں لین تیتوں میں آیا

لتھا سو نشا فجریں ویلے جد جاگ سستی نوں آئی
بُچے ہويا پیمانہ ڈٹھا اُلٹی ہوئی سراہی
پائی گونج وچھوڑے سر تی پئی کوکاں کرے جدائی
قصورمندہ پھڑ کے چھیج دے اُتوں آن ٹھال لئی درد سپاہی

سُستی اٹھی بستر بجن دا خالی نظریں آیا
نکل گئی سی آہ دل دی کردی ہایا، ہایا
آندی کیچ دیاں کرواناں میں تے ظلم کمایا
قصورمندہ اٹھ ٹری تھلاں نوں آندی اے میل خدایا

حرفلیاں وانگ اٹھی جد سستی عقل آئی یو سو خانے
نہ اوتھے کروان کچم دے نہ بوتل نہ پیانے
ماریا ہتھ پٹاں تے آندی اے پے گئی لٹ جہانے
قصورمندہ مَن باجھ پُٹن دے اے کس کم باغ شہانے

رو رو آکھے باجھ نصیباں دے ٹکدے نے ٹہوہ کولے
کی دیواں سر دوش بلوچاں تے لکھیا پے گیا پلے
اوڑک جاواں گی راہ کچم دے یار سنگی ٹر چلے
قصورمندہ اگے تھل پے سدے نے پے پنچھی نہ ہلے

عرش دلاں دا پیا ڈولے کھاندا درد سستی دے شوروں
جھلی کملی ہوئی دیوانزی دل نہ پر چے ہوروں
ملک ویرانی پُٹوں باجھوں تے پھرے پئی بھنبھورو
قصورمندہ پیا دِسا سو باغ لاکھی ودھ گوروں

کچم شہر دے راہ دے اُتے وانگ قیام کھلے
گھوج اڈھٹاں تے کر دی سجدے مَن دھر پئی روئے
پیندیاں سوڑاں مہتی جاندی نہیں ویندی بے ٹوئے
حضرت عشق قصوریا ڈاڈا عقل صبر کر موئے

کسی مار کے زانوں بیٹھی اٹھ ہتھ کھوج تے دھر کے
پٹوں پٹوں کر تسیاں پڑھدی تے پئی پمڈی اے سجدے کر کے
نیت دھیان کچم دی نیچا ساہ لیدی اے ہو کے بھر کے
قصورمندہ میں کچم جاواں بھانویں پہنچا دی مَر کے

کھلیاں باہیں پئی مارے ہائیں کر یاد جن نوں سستی
درداں سوڑ کیتی وچ سینے تے چھڈ بھنور نوں نسی
وے جے نہ بلیوں کچم مینوں میں مر ویساں تسی
قصورمندہ جس پریت لگائی کدے سکھی جھوک نہ وستی

کرنا سخن زبانی سو کھا تے ورتن اوکھی جانی
وقت دوپہر تے نگلی پیریں او شہر بھنور دی رانی
ستی جان تہان کچم ول کر کے کوکے پانی پانی
قصورمندہ اے تے ہراں دے سودے نہیں سوکھے ملدے ہانی

نپ طوفان تے لو پئی دگدی تے وانگ دوزخ تھل تے
عشق دلیریاں دیندا جاندا سسپے پرتیں مے
پیریں چھالے تے کھوج پئی پالے تے نین پُئں کروڑے
قصورمندہ عشق نہ مُردا خیریں جس دے پیندا ای گھتے

ہائے! ہائے! پئی کرے آوازاں تے ٹٹے ہوئے صبر سہارے
دردوں باہ پوے جٹی تے عرشیں جاندے سو نعرے
دوروں وکھ دلوں ڈر کھاندا اک پیا آجڑی اجڑ چارے
قصورمندہ ویکھیا دُوروں کھلو کے زیور دے چکارے

نیڑے آگیا تے پیا قیاسیں حیرت وچ حیرانی
آکھے شکل شہزادی دے یارو اے زنانی
ننگے پیر دوپہر سورج دی تے تے تھل طوفانی
قصورمندہ کیوں پئی پھر دی جھلی آبادی چھوڑ ویرانی

کرے قیاس قیاساں دے وچوں اے دلیل کھلوئی
یاں کوئی دین یا حور فرشتہ جاں کوئی عاشق ہوئی
گھلے وال تے حال نہیں کوئی ایویں دل نوں گھوا موئی
قصورمندہ اتھے باجھ واشق دے پہنچ نہیں سکدا کوئی

کون کوئی توں تے کتھوں آئیوں پچھے پیا ایالی
ستی نام بھنور مکانوں تے میں بھیڑیاں بختاں والی
پٹوں خان جوان کچم دا میں تتی دا والی
قصورمندہ اوہ بات نہ پچھے سمجھ قصوراں والی

ایالی فیر دوبارہ چُجھے نی توں سناویں ساری
پیریں چل کیوں تھل ول آئیوں نی بنی آں لاچاری
حال دوبائی وانگ سودائی نی پئی رو رو کریں آزاری
قصورمند سُن کے کلپن تیرا میری وی جند ہوئی دکھپاری

سستی نوں وصل دی رات آئی پئی رب دا شکر گزار دی اے
دُکھ چاگ دیسی باغ ہوکے آگئی خزاں تے رُت بہار دی اے
بلبل پئی ناز و ادا کردی دیندی گل نوں پد سوار دی اے
زرد رنگ تے سرخ سرنگ ہويا اے کھاندی شرم پئی کلی انار دی اے
سیاں آگیاں سسی دا یار دیکھن جیوں چڑھی ہوئی فوج قدھار دی اے
لے آساقیا جام سرائی جلدی طبیعت جوش وچ پئی پکار دی اے
کرو بسترے تے پلنگ لگا دیوں اُنتر جہاں دی خاص نوار دی اے
نی ایسی کرو خاطر بیان نہ کرن چارت پر آج آمد میری سرکار دی اے
آیا فرش تے عرش توں سیر کر کے سب حوراں پئی روپ سنگار دی اے
پئی آکھدی صلی علیہ دا ورد آکھو کر کے متا تے اے چتار دی اے
انتظام غلام پئے ٹھیک کر دے جوں جوں رات پئی سیاہی کھلار دی اے
قسم قسم دی کھانے تیار ہو گئے رہی نہ حد نہ کوئی شمار دی اے
سجایا خوب مکان دسترخوان وچھ گئے خدمت گار پئی کنبیں کھلار دی اے
آگئی پتوں دے کول تے اُہدیاں ساتھیاں دے ہتھ بھجھ کے عرض گزار دی اے
آکھے سجنوں چل کے کھاؤ کھانا عرض منظور ہو گئی دُکھپار دی اے
تے لے گئی پتوں نوں اوسے مکان اندر جتھے تصویر اگے دلدار دی اے

ودی ہوئی سی مرضاں توں درد جیہڑی ہو گئی مرض دور بیمار دی اے
قصورمند پنن دے ناں اُتوں جند جان قربان کرواردی اے

دغے باجھ نہیں ہونا کم ساڈا بہہ کیتی اے قیلو قال ہوتاں
دے کے نشہ شراب بے ہوش کریئے اے گائیاں لیاں نے گال ہوتاں
کر کے اے صلاح مُو آکھدے نیں پتوں خان نوں سد کے حال ہوتاں
آج خوشی دی رات توں شب رات آئی آکر دے نشے تیں چاہ نہال ہوتاں
کر کے گفتگو نیم زبان میٹھی پتوں خان نوں لیا اٹھاں ہوتاں
کھولن فیر شراب حساب باجوں کئی قسم گلاب تے لال ہوتاں
پتوں خان نوں پد کر کے جام دیندے تے خالی اپنے مُنہ دے نام ہوتاں
کیٹو نے چا گمراہ نہ سر رہی لیو نے پلنگ نوں اُٹھاں ہوتاں
سستی لگی کر لان تے سوڑ دِ نوں پتوں خان دا ویکھ کے حال ہوتاں
کھندی جاگ دے کیوں شراب پیتا ای میرے سونہیاں دے سوہنے لال ہوتاں
بیٹھی پھڑ بائیں آکھے جاگ ماہی دے آکھے گل بات کر کوئی میرے نام ہوتاں
ٹر گئی رات ادھی پتوں نہیں سار لدھی بیٹھی رکھ کے سک سکال ہوتاں
آدے نیند اکھاں ناجوڑ دی اے بہندی کر کے سُرَت سنبھال ہوتاں
ہوتاں سمجھیا پوٹے پئی کھاؤندی اے تے کم ہوئے گا جل جلال ہوتاں
دیندی بھر پیالہ اک دارو سخت والا شیشہ روح فنا نکال ہوتاں
نہیں سی سستی نوں بے سار شوہدی کوئی کرنی اے دغے دی چال ہوتاں
سوں گئی مار کلاؤڑا یار تائیں بائیں سٹ کے گلے دے نال ہوتاں
پہرے دار سستے آئوڑ چور ڈھکے سیاں ویکھیا سسی دا حال ہوتاں

چوری کرن تے دھرن پئے پیر پو لے کدھیر آوے ناں کیڑ صاحب ہوتاں
 کسی رہی سستی کرم والی تے کولوں پنوں نوں لیا نکال ہوتاں
 لہندے نے سٹ کچاوڑے خان تا میں فیر لئے نیں اٹھ اٹھال ہوتاں
 ہونگر مار دے اٹھال نوں ٹوردے نیں چڑھے دن نہ پئی کال ہوتاں
 سن کے گل اے عرش وی ہلیا ای کیا ظلم کیتا سسی دے نال ہوتاں
 گڑھا قہر دا چاہ برسا یا نے پیا سسی دے دیس دے بال ہوتاں
 چاہ یار تیں یار وچھوڑیا نے دتی آگ جدائی دی بال ہوتاں
 جاسی ہن چھڈ بھنور قصورمند تھل ول چلی کر کے سی پال ہوتاں

مال آکھدی سیسے نی توں نیو ٹکانگے لایا نال بلوچاں دے بھل کے
 پینڈا مارو تھل دا سیسے اُتھے وا نہیں گدی بھل کے
 دھوین ذات کمیٹی سیسے نی تیری جیاں دا کی مل اے
 قصورمند توں ٹھاک سسی نوں کاہوں مردی اے رُل کے

ماں آکھدی سیسے لگ آکھے ایویں رو رو حال ونجا نہیں
 اٹھیا شہر بھنور تیرا شور سُن کے اُچی لوکاں نوں کوک سُنا نہیں
 گئے لَد کروان روان ہو گئے ہُن پُٹ لہاں خاک پا نہیں
 قصورمند اے صبر اے کم تیرا لگ آکھے میرے تھلیں جا نہیں

سسی آکھیا پن خاں اتوں لکھ وار اے جان قربان مائے
 کی ہویا جے شور بھنور سُنیا اے سُنے گا گل جہان مائے

لاکے اکھیاں تے فیر صبر کرنا کھتے گئی آعقل دھیان مائے
 قصورمند اسان تھلیں جاونا اے جیویں کربلا شاہ میدان مائے

غصے نال پئی ماں جواب کردی اکھیں نال پردیسیاں لائیاں نی
 کریں وین کیوں ہُن سودین ہوئی ایں لٹاں پُٹ گلے وچ پائیاں نی
 جہاں ہوتاں دا لے لے نال جیویں اُو تے کری جانڈے بے وفایاں نی
 کی نیو پر دیسی دا قصورمند جانڈے او وطن نوں کت جدائیاں نی

سسی اکھیا اُوکی یار دی سار جان جہاں کدے نہ اکھیاں لایاں نی
 پُٹن خان دا شان تے اک پاسے، اک پاسے خدا خُدا یاں نی
 مشہور اے جہان وچ ہوت میرا جدیاں عرش تے کوک دہائیاں نی
 سستی غفلتاں وچ قصورمند آج تھلاں وچ ہون صفایاں نی

دے دے نصیحاں کہے سسی میرا کر لیا ای دل تنگ مائے
 لاٹ وکھ چراغ دی دس مینوں کدوں لیندا سی مت پتنگ مائے
 او کیوں جان کے جان گواؤندا اے کدوں شمع اوہدی درد مند مائے
 مینوں کچھ دلوں پئی روکئی ایں کیوں ہووے قصور توں مند مائے

دے دے نصیحاں ماں تھکی اک نہیوں مئی میری گل سسی
 اوتھے لوہیا وی پلک وچ ہووے پانی تین دوزخاں وانگ نے تھل سسی

واقعہ کر بلا دا اگے یاد تینوں ملے گھٹ نہیں اوتھے جل سسی
تیرے جیہیاں دا آکھ قصورمندہ خاک رُل ویسی کرنگ تھل سسی

سسی آکھدی اے سی خواہش میری تھلاں وچ ہو جائے میری گور مائے
جہڑیاں راہواں نوں گیا اے خان پنوں میں تے راہ لیا اوہ پال مائے
سرے یار دے چڑھ جائے جان میرے نہیں کوئی لوڑ جہان وچ ہور مائے
جہڑی ہوئے منظور قصورمندہ میں تے جتھ دتی صاحب دُور مائے

ماں آکھدی سیسے لگ آکھے جان بجھ کے مہرا کھا نہیں
مارو تھل پہاڑیاں جان لکھاں توں تے جان دی کچج دا راہ نہیں
پینڈے دُور دراڈڑے دُور وائاں پیدل جان دی او تھے واہ نہیں
کلی جان اے تیری قصورمندہ ہور نال تیرے دی کوئی پناہ نہیں

سسی آکھیا او واہ پینا میری خاطر جس دے دو جہان مائے
سنے جوڑیاں عرش تے جان والا صفت لکھی اے وچ قرآن مائے
ہن میں نال رہ ساں کچج دے دل دیاں سرا کچج دے دل دھیاں مائے
لکھ جل تے جھاڑاں چوں کڈ کھڑا قصورمندہ میرا پنن خان مائے

ماں آکھدی سیسے لگ آکھے انہاں ویلیاں نوں پچھو تائیں گی توں
شرع والیاں تیرے جے گل سُن لئی سُولی وانگ منصور چڑجائیں گی توں

کلمہ غیر زبان تھیں بولنی ایں وانگ شمس دے چم لوائیں گی توں
قصورمندہ جاں شاہ سرمد وانگو پہلے اپنا سیس کٹائیں گی توں

کمر گسداں قمر کمان ہو گئی خالی نشانیاں رہ گیا خٹنگ میرا
منزل مار شکاریتے پہنچیا نہیں مہس گیا حرصاں دے جال وچ پلنھ میرا
رنگو رنگ ڈٹھے رنگ مورتاں دے تیرے رنگ تک اڑ گیا رنگ میرا
اُوہ تے اُوٹھ سن پُوٹھ بلوچ دھوکہ جہاں لُٹیا اے دل دا گنج میرا
ہر اک بخت غفلت خمار اندر ستیاں ای لد گیا اے سنگ میرا
سُتی ساں میں جس چھیچ اُتے خالی رہ گیا اے چھیچ پلنگ میرا

ماں آکھدی نکمی جہیں ایں توں جس نے جگ دے وچ بدنام کیا
عزت نہ باپ دی دیکھی اے توں اے تے خارنامہ آدم کیا
بولیں دھول وانگوں اُچا گج نی ایں شور جگ دے وچ تمام کیا
پاندے فیض نہیں کیدی قصورمندہ جہاں مانپیاں نوں بے آرام کیا

سسی آکھیا ابو جہل وانگوں ہوئی ایں جاہل اماں میریاں اکھاں توں ہو جا دُور مائے
اساں وَخْدہ لا شریک جاتا ہن میں غیر تھیں ہویاں مغرور مائے
میرا یقین جے چڑھیا حنیف بن کے تیریاں نصیحتاں نوں کرسی چور مائے
ڈھنکا دین دا وجے قصورمندہ سسی آکھیا اے دُور دُور مائے

ماں آکھدی سیسے لگ آکھے پھڈ دوتی ہوتاں کمینیاں دی
اُٹھ جان راتیں چوری جان والے کرنی گل کی بے یقینیاں دی
جاون اڈھاں نوں لد قصورمندہ جانن درد کی یار رنگینیاں دی

بے یقینے نہ آکھ نی رہی گج نہ لاجاں والٹرا او لُج پال مائے
او گھر گھرانہ وچ دو جہاناں میں در لیا او پال مائے
اُس گھرانے نوں توں نہ جانی ایں گجھ جاندا اے حال بلاں مائے
نیا اے پنوں نوں اسال قصورمندہ صدق یقین دے نال مائے

ماں آکھدی عقل نہیں قائم تیری مینوں سیسے جاہل بناوئی ایں
دیویں ہوت نوں شان پیغمبری دے کافر ہون توں خوف نہ کھاوئی ایں
انج ہوئی نہیں سنی اے جگ اُتے جیہڑی سیسے پئی سناوئی ایں
قصورمندہ بولیں نہ مندا ماں توڑیں کیوں کعبے دی کند ڈھاوئی ایں

سی آکھیا ایہو جئے کعبیاں توں لکھے حرف رشید وانگوں
جان جاندیوں ہوت دا قدر کی سی تیری دید ہوندی میری دید وانگوں
راہ حق تے سچ دکھان والی لبھاں موت میں کتھوں فرید وانگوں
کے وژن نہ دیوے قصورمندہ بیٹھی مل کے راہ یزید وانگوں

ماں آکھدی عقل نہیں قائم تیری بڑا سیسے ہوت دا چاہ تینوں
گھر وکھ کے کتھوں میں ور لبھاں پیا راہ جاندا کوئی آ تینوں

گیا پھڈ راتیں پراں پھڈ کھیرا کی اے اوں دا چین تے چاہ تینوں
قصورمندہ جے او وفادار ہوندا پھڈ جاندا نہ بے وفا تینوں

ماں آکھ دی سسی اے لگ آکھیا جھوٹے پل امید دے بن ناہیں
کی سوچ بلوچ دے مگر پئی ایں میری مت پیندی تیرے کن ناہیں
گھوڑے جان دلیلاں دی واگ ڈھیلی لگی موڑ لیاندے سن ناہیں
پر قصورمندہ کی عشق سودا جھلا کھائیں توڑ چنگیر دا ان ناہیں

آکھے کون امید دے پل جوئے میرا تقویٰ وانگ منصور مائے
کدوں ہوش رہندی اونہوں سوچنے دی جہاں پیتے نے جام سرور مائے
قتل چڑھے نے اونہاں دے قلب خانے سمجھ دور جو بیٹھیاں دور مائے
سرے چڑھی منظور قصورمندہ سسی آکھ دی دم فور مائے

دیکھ کے حال سسی دا بے حال ہونیاں ڈھلے سٹ کے تن دے جوڑ کھلیاں
زوریں سرلٹے دلیلاں دے پئے گھوڑے بے دس واگاں ہتھوں چھوڑ کھلیاں
مارن سر چٹان اے گل پیٹاں اک دوجی نال منہ نے جوڑ کھلیاں
اُبدیاں دکھاں توں اپنے دکھ چاگے پیاں روندیاں نیر نکھوڑ کھلیاں
ہنجو ڈھلیاں زلفاں کھلیاں نے کئی ہار سنگار توڑ کھلیاں
خشک مزاج کوئی دکھ نہیں داغ دل نوں کئی ہمدیاں منہ مروڑ کھلیاں
جان چاری وچاری کوئی کرے پئی کئی اپنی لوڑ وچ روڑ کھلیاں
سرتے عشق دا تھ نہیوں رت جئے جاہیں تن دے کئی نچوڑ کھلیاں

کئی حیران پریشان وچ حیرتاں دے بحر فکر دے بیڑیاں روہڑ کھلیاں
کاہدیاں گنتیاں حساب نہ آؤندا اے صفاں بن کے لکھ کروڑ کھلیاں
متی دیندیاں تے سمجھا ندیاں نے کسی روندڑی راہ وچ ہوڑ کھلیاں
کئی سیلاں دلیلاں دے کردیاں نے قصورمند وانگو من روڑ کھلیاں

سیاں آکھیا سیسے حوصلہ کر پچھوتاوناں آؤندا ہتھ کچھ نہیں
جھتے واہ انسان دی پیش اوتھے صبر باجوں گل کتھ کچھ نہیں
پانی رڑکیاں گیہو نہیں مول آؤندا ایویں فضول پئی پاؤنی ستھ کچھ نہیں
قصورمند اوس کھیتی دا کی کرسیں جدا چھڈیا گہڑے دے تھ کچھ نہیں

سیاں آندیاں دل نہیں تھیں تھیں رہندے آنسو ویکھ کے اکھاں تیریاں دے
مرگیاں دے نال نہیں مرن ہوندا جگ جیوندا نال دلیریاں دے
تیرے نال کی دعا بلوچ کر گئے سنگ لد گئے چنگ چنگیریاں دے
قصورمند نہ آج پسند آؤنی چیتے آؤن پچھوں گلاں میریاں دے

کدے مڑن نہ اوتے مڑے نہیں جیہڑے سیسے پئے نے چور تینوں
کھڑی راہ تے کھڑی اوجا گئے نے کیتھوں پئی اے سوں تے سور تینوں
ریجھ کچھ دی رہے گی دل اندر نالے چھڈنا پوے بھور تینوں

باچ بھال نہ حال دے ملن محرم اوکھی کار پر توڑ بھائیں جیکر
لے کے تخت خودی غرور دے توں حسد بخل نوں دلوں گنوائیں جیکر

وانگ سوئی دے تر کے شوہ کچے غوطے بحر یقین دے کھائیں جیکر
حاصل ہون مقصود پتنگ والے بال شمع تے جان جلائیں جیکر
ایہناں راہواں دا راہی آ خان پنوں مل جائے گا کسی اے چائیں جیکر
پتن ڈھیر نے تیرے شہر مندے ایہناں ساریاں دا اک کرائیں جیکر
اوس پتن تے بیٹھ جا مار زانوں ہتھ پیر نہ مول ہلائیں جیکر
عقل فکر وچ حیرتاں گم ہون رحمت رب دی کدے آزمائیں جیکر
فائدہ ککھ نہیں ہونا قصورمند بیج طمع دا کھیت رلائیں جیکر

صوفی عظمت صاحب بھی وہاں موجود تھے انہوں نے کہا:

جاگ سسی اے قسمتیاں جاگیاں نیں غم جہاں دے لائے او آگئے نیں
عظمت ایہناں دی رج رج کریں سیوا کھے تے خریائے او آگئے نیں

باباجی قصورمند سرکار نے کہا:

جاگ سسی اے قسمتیاں جاگیاں نیں حسد بخل نوں دل توں نال جلدی
جاگن والیاں نوں خیر دا خیر پیندا اجر دیندا جل جلال جلدی
قدرت رب دی فجر دا ہونیا ویلا اٹھ بیٹھے سن جدوں بلا جلدی
جاگے بلا حضور ﷺ سن آرام کردے آیا دل دے وچ خیال جلدی
بہتر نیند نماز نہیں ہو سکدی اوس وقت ای لیا اٹھال جلدی
آئی بلا ادا پسند تیری سچوں اٹھ بیٹھے لچ پال جلدی
کے شمع پریم دی فجر ویلے اٹھ پروانیاں جان نوں جال جلدی
ڈاچی یار بوہے تے آ کھلی اٹھ سسی اے سرت سنبھال جلدی

کراں بسم اللہ میرا یار آیا اٹھ ٹری اے فخر دے نال جلدی
 کھڑے پھل روئل دے ہوئے میلے ڈٹھا یار دا چل جمال جلدی
 اتن چیت جد پہلوی جہات ڈٹھی بھلے عمر دے دکھ وہال جلدی
 آون سکھ تے دکھ نہیں یاد رہندے لنگ جاندے نیں خوشی دے سال جلدی
 گھڑی پل دی گل قصورمند دیا ہجر دا پینا سو بال جلدی
 ایسے حال کئی ٹھوکران کھاندیاں سال گزرے موسم بہار گیا ہن لنگ میرا
 آیا سی وقت پر آیا نہیں ہتھ میرے رنگ وچ پا گیا بھنگ میرا

اچنا چیت اداسیاں چھا جاون جائے لگ اولڑا روگ وچوں
 اوہدے راہوں تے وطن دے راہی مل دے اوہدے درد فراق دے سوز وچوں
 کچھ مکران دے راہ دا پتا لگ دا اے پنوں خان دی ڈاچی دے کھوج وچوں
 سسی وانگ بھنھور و سار جاویں نکل کے دنیا دی قصوریا روج وچوں

قطع

نام تیرا ویکھاتے پیا سیان دا ہاں جدوں اپنا آپ سیان دا نہیں
 اپنا آپ سیانا تے تینوں جانا ایسے واسطے میں تینوں جان دا نہیں
 دس دور تیری وسنا ایں کول میرے دیندا موقع نہ دیکھن وکھان دا نہیں
 جہاں تینوں پچھاتا دنیا اونہاں دے پیر چھے پر قصورمند تائیں کوئی جان دا نہیں

سفر دی چٹھی

بسم اللہ بسم اللہ کر کے میں خط لکھاں ول وطن
 وطن والیو غور دے نال ذرا حال سنوں بے وطن
 اول صفت ہے قادر کریم دی جو ہے صفتاں دا والی
 در جدے تے چنگا مندا میرے وانگ والی

ایس توں بعد دورد نبی توں یاراں سنے صحابی
 تے لکھاں فیر مضمون خط دے وچ زبان پنجابی

لکھاں فیر سلام ودھیرے ادب آداب بجاواں
 خیر اے میری تے خیر تہاڈی سجنوں میں چاہواں

ایس توں بعد ہن حال سفر دا تاں دے گوش گزاراں
 نہیں ہونا تنگ ولے توں ذرا سنیوں نال پیاراں

جس دھاڑے کسوکیاں توں پیر سفر وچ پایا
 وار جمعے دا پیدل ٹر کے جلاپورے تائیں آیا

اگوں بیٹھا تانگے اُتے تے آنے اٹھ کرایا
 گھنٹے ڈیڑھ وچ اس سناوں آئیشن تے لایا

ہویا سی فیر ٹانم گڈی دا ٹکٹ اسوں چا لیئے
آگئی گڈی رش ودھیرا پَر اسی وی بہہ گئے

کیتا اُدھروں وِصل گڈی نے سُن کے سَکوک جدائیاں
او آواز اُداسی بولے تے ہنجو نکل آیاں

کیتی تیز سپیڈ ڈرائیور تے کر دی اے پند ودھیرے
گڈی وچ پٹھیاں ہوياں فیر خیال آیا دل میرے

سکياں نوں پئی سنگ رلاندی تے کیاں دے سنگ توڑے
کسے نوں لے دیسی آؤندی کسے نوں پردیس وچھوڑے

ماواں دے پُت ملاندی بہناں دے ویر
کسے نوں گڈی خوش کر کر دی کسے نوں دلگیر

یاراں دے یار ملاندی تے وچھوڑے پئی پاندی
حیاتی رہے تے میل دیندی اے دل وچ تاگ جہاندی

پلیٹ فارماں تے ڈٹھا اے میں کوئی روندنا کوئی پیا ہسے
کوئی آؤندا کوئی جاندا یارو اے مُلک ماہی دا وَسے

ایسے طراں ایں اے جگ ورتا ورتے اے دنیا دیاں چالاں
لکھاں سارا موت وچھوڑا ذرا سمجھیں نال خیالاں

کسے گھر پئی شادی ہوندى کسے گھر سیاپے
کوئی اَنج پیا جدا سجناں کوئی جا پیا وچ کھاتے

پر ایسے طراں کر سفر گڈی دا میں لتھا جا ولار
اگے اُداسی کھلی سی بن تن کے ہو تیار

پلیٹ فارم تے ویکھ مینوں ہسدى ہسدى آئی
اوپنے بغیر کچھ کچھ توں آگھنگی میرے نال پائی

کہندی جیو آئیوں میں صدقے ملک پنجابوں لنگ
میں وی کلی آں توں وی کھا ایں دونوں نہ کر لئے سنگ

میرا ناں اداسی بولن تینوں اداس کراں گی
راہ وچ کدھرے چھوڑ نہ جاساں توڑ دے ساتھ کراں گی

دے ٹکٹ فیر ٹرپیا میں راہ 99 والے
اداسی وی نہیں چھوڑ دی کھیڑا اووی میرے نال اے

آندی اے چپ کر کے کیوں ٹریا جاناں ایں کوئی گل سائی چل بات
پنجاب تے ایتھوں رہی دوراڈی اوہ کتھے جی گجرات

کتھے تیرا پنڈ کسوکے کتھے نی دوست یار
کتھے نی اوہ محبتاں والے کتھے ای اوہ پیار

اداسی اے سی گلا کر دی 99 رب بچایا
رلیا جا قبیلے اندر گج چین دلے نوں آیا

جاں گج روز رہے ساں اوتھے اداسی تے میں دونوں
سوہنے ہار شنگار لگا کے سُستی وی آگئی اُدویں

کہے اداسی نوں تیرے کولوں گج نہیں سَریا بنیا
میںوں ونگاردی آؤندی دُوروں ذرا نگڑا ہو جائیں جنیاں

کر کے قسماں میںوں آکھے میں جدے دل آواں
ڈوباں کھوہ دلیلاں والے تے غوطے خوب لوداں

تیرے جئے میری واگ پکڑ جو رزقوں ہون مرے
اے بے روزگاراں والے آگے ای رہندے نیں میرے ڈیرے

اگے اک اداسی ہے سی فیر رل کے دونوں آئیاں
دن تے راتیں میرے اُتے کردیاں رہن چڑھائیاں

جے میں اوناں نوں پچھاں ہٹاواں تے ہوکے بہندیاں نیڑے
غم درد میںوں چاگیاں کرے تے نُشتی کرے بخیرے

تھوڑی گل نوں بہتا سمجھنا لمیاں کی کرنیاں واراں
ہر ویلے رہندیاں نے میرے کول سُستی تے سوچ وچاراں

اُسی کسے دے گج نہیں لگدے کس نوں ساڈیاں پیڑاں
قصورمندا اے درد جذائیاں دے پھک پھک صبر دیاں ہریڑاں

رُباعیاں

دکھاں باجھ نہ سکھ نصیب ہون دانہ جدا نہیں باجھ وتراں دے
موسیٰ دشمنان دے گھر پل پیندا پھل کھردے خاراں تے وچ پتراں دے
بُت فروشاں چوں ہو غلیل پیندا لعل ہندے وچ پتھراں دے
چکے پتھروں لعل قصورمندا جئے چئے آنسو پہلوں اتھراں دے

وقت ہتھو ہتھی پیا جاندا جیوں گھوڑے جان سرائے
کالے وال سن کنڈلاں والے ہو گئے چٹے چاٹے
جیہڑیاں میں پوشاکاں پہنیاں ہو گئے لیر لگائے
قصورمندا لاہوروں نہیں پورے ہندے جیہڑے پین شاہد ریاں گھائے

کن پے سُن دے پر سُن نہیں پتیاں بھر دا واعظی وعظ فرماندا
حکم جو خدا رسول دا اودہ قرآن پیا سمجھاندا
اندر کھپ خواہشاں نیں پائی اے سُنینا لکھ نہیں جاندا
قصورمند بندہ پچھوں تاہندا پر وقت جدوں وہا جاندا

تھوڑے روز ہوا وچ اڈیاں نیں میں ویکھیاں گڈیاں زور دیاں
جا جا اُچیاں فیئر ڈگیاں نیں جدوں رسیاں ٹٹیاں ڈور دیاں
آواز خلق دی ملک وچ رہے زندہ کوکاں مٹ جا سن کوڑے شور دیاں
قصورمند او مرن توں موئے پہلاں دھماں دھمیاں جہاں دی گور دیاں

بنگال دا خط

تیری ملی چٹھی سُنی گل میٹھی کجہ دلاں نوں ٹھنڈ رحمان ہویا
ہُن لکھاں جواب خراب حالت ساڈا قیدی جے لکھ جوان ہویا
رکھو گھرو و حوصلہ دیس دیو، ٹہاڈے غم وچ دیس حیران ہویا
ہورتے کسے دا گیا کجھ نہیں پنجاب دا ای سارا نقصان ہویا
کسے نوں پتر دا غم نہیں رات سوندی کوئی کہے قیدی ابا جان ہویا
آؤندی اُجے وی پنجاب نوں ہوش نہیں لے پنجاب دا ای سارا نقصان ہویا
سب سندھی بلوچی نے کھان والے کمان اُتے وی پنجاب کسان ہویا
آؤندی اُجے وی پنجاب نوں ہوش نہیں اُلٹ پلٹ کے ڈنگا آسمان ہویا
جزل نیازی تے وی دل نہیں رہیا راضی، کانوں فوجاں اُتے حکمران ہویا
ہتھیار سٹ سو دیس تے سٹ کیتی گل ملکاں دے وچہ بدنام ہویا
ہُن وچ تاریخاں دے گیا لکھیا اگے نہیں ایسا کوئی مسلمان ہویا

ایس زندگی توں موت قبول کردا، فیر آکھدے ٹھیک انسان ہویا
نشان حیدری لئی نے کھیاں مر گے، بُردی دا استہوں انعام ہویا
آج کل دے اعلان سرکار کردی، ریڈیو وچ وی پیا اعلان ہویا
سُن سُن کے گلاں پوٹھیاں سرکار دیاں قصورمند وی بند زبان ہویا

خط از میاں محمد عنایت جٹ (قصورمند)

بنام

عزیز القدر راحت جان بر خود اسرور جاوید صاحب

(تاریخ 10 مارچ 1987)

اللہ نبی ﷺ دے نام توں شروع کر کے نامہ لکھنا نال پیار ہاں میں
جس نے زندگی دان عطا کیتا، سدا اوس دا شکر گزار ہاں میں
کملی والے دی نعت شریف پڑھ کے، لبتدا اپنا کالبہ ٹھار ہاں میں
حمد و نعت توں گزر عزیز میرے، کردا اپنا حال اظہار ہاں میں
استغھے خیر تیری، خیر مگنے لئی، اگے رب دم دم خواست گار ہاں میں
ملیا آن پیاریا خط تیرا، کراس عید دا چن شمار ہاں میں
کاغذ چم کے لا لیا نال سینے، دھردا اکھیاں تے بار بار ہاں میں
تیرے شوق تے ذوق دی داد دینا، تیرے عشق توں جان نثار ہاں میں
قدر دان توں میرے کلام دا ایس، تیرا قدر کردا حدوں پار ہاں میں
میرا حال کی سوہنیاں بکھنا ایس، درد عشق اندر دکھیار ہاں میں
میںوں سمجھیا کوئی نہیں آج تک، کیہوے حسن دا خاص شکار ہاں میں
سوئی ڈب کے بھی پار جا گئی، غوطے کھا رہیا آدھ وچکار ہاں میں
سسی مر کے زندہ ہو گئی اے، میری دور منزل دل افگار ہاں میں

کسوکی اندر میرا آستانہ اینوں جان دا ناں گھر بار ہاں میں
میرا وطن قدیم اے دور سارے، جس دی بھال اندر بے قرار ہاں میں
چند بچناں دی محفل دے وچ بہہ کے، رہیا اپنا وقت گزار ہاں میں
کدی رو لینا، کدی ہنس لینا، اپنے شوق اندر سدا پاکن ہار ہاں میں
ٹساں جیہاں پیاریاں نال ورتن، بے درد دا کوئی نہ یار ہاں میں
سودا نال فقیراں دے رکھیا اے، امیراں توں سخت بیزار ہاں میں
کاروبار دا لگھ نہیں پتہ مینوں، بس ایہو کردا کاروبار ہاں میں
یاد یار اندر آنسو ہیں جاری، ایسے شغل اندر مال دارہاں میں
پیدل جا رہیا غیراں نوں نظر آواں، گھوڑے سوچ دے سدا سوار ہاں میں
اپنے بچے خیالاں دے موتیاں نوں، رہیا جگ دے وچ کھلار ہاں میں
میرے خط دا جلد جواب دینا، رہندا سدا اندر انتظار ہاں میں
تیرے بچاں ساتھیاں ساریاں نوں، پاندا نیک دُعا دے ہار ہاں میں
دے سلام دعا ختم کرنا، خیر منگ دا ہتھ پیار ہاں میں
قصورمند نہ ملدے درد میرے، اپنے راز اندر راز دار ہاں میں

خط کے باہریہ شعر درج تھا:

میرے اُتے راضی رہنا، پڑھ کے بول پرانے
میری عمر وڈھیری ہو گئی، چھڈے شعر بنانے
اونہاں دیاں کادیاں ریمباں، جیہڑے کھادے نے کھانے
قصورمند توں پرچن نہ ہی، اڑیاں کرن آیانے

چیمہڑا

آرشدی موت دا

اول رب دا نام صبح شام میاں ذکر ہو رہیا جس دے جس دا اے
حیوان انسان تے جیا جون سارا نام اوہدا پیا جب دا اے
بے نیاز دے راز نیارڑے نے بھید قدرتاں تھیں پیا وسدا اے
آوے نہ گنتیاں وچ قصورمند ہر ہر رنگ اندر مولا وسدا اے

وچھڑے عُمر اے دے میل دا پلک اندر وچھوڑے عُمر اے دے پلک وچ کتدا اے
کسے نوں سکھ تے دُکھ پائے کوئی اُجڑ جاندا کوئی پیا وسدا اے
کوئی ہو پیندا کوئی مَر جاندا کسے نوں رون پائے کوئی ہسدا اے
چیویں کرے مولا پئی ہوندى قصورمند کوئی کم نہ بندے دے وسدا اے

اس یقین بعد ہن منگ امداد ربی واقعہ دساں سادے چک دا اے
اوٹھے اک چوہدری جوانی وچ ہوئی شادی کئی سال رہیا اِنجے دت دا اے
ٹل دی عُمر رب بخشیا لال اوہوں کرے دان خوشیوں گھلے ہتھ دا اے
نال ارشد محمود قصورمند اکو پُتر رہا علی نت دا اے

سیکویں داسی نازاں نال پلایا، گلاں بھولیاں بھالیاں کرن لگا
متھے ستارا اقبال تے بڑا لائق سی اوجدوں وچ سکول دے وچ پڑھن لگا
ہم عمر اوہدے لکھاں یار بن گئے پیر گھرواں دے وچ دھرن لگا
پڑھدا سی یارویں وچ قصورمند دیکھ رب کیہڑے کم کرن لگا

بچ چھ ہاڑ دی وقت دوپہر داسی دو پریشان گھبرو میرے کول آئے
کھتوں آئے او پچھیا کی اے کم تہاں اکھاں وچ آنسو لہاں اندر اے بول آئے
سادے چکوں بھتیا میں علی نت دا آں امیں گوا کے سسی دا ڈھول آئے
قصورمند سانوں ہن لہدا نہیں خا کاں پا سرے وچ گھٹے رول آئے

دوجا ذات دا چیمہ تے نام اسلم، ارشد سی بھرا میرا اے سن یار دونویں
ایہہ گل کردیاں ایں ڈاڈے درد بھرے آہیں مار دے نیں زارو زار دونویں
ہون سخن کج ارشد دی یاد اندر رکھ آس آئے نال پیار دونویں
ارشد دی موت دا حال قصورمند پئے دسدے جگر فگار دونویں

نالے گل کردے نالے کڈھ اوٹاں فوٹو ارشد دا مینوں دکھایا اے
اٹھدی جوانی بہار دا پھل کھڑیا سوہنا وانگ یوسف نظر آیا اے
میں پچھیا اچے او جیوندے نے جہاں نے جمیا اے جایا اے
قصورمند تے اوہناں نے جیونا کی جہاں ایہو جیا لال گویا اے

پئے دسدے نے فانی چھوڑ دینا ودھیا اسان تھیں ارشد محمود ہویا
اچن اچیت پیا ہنیرہ جگ اندر سورج دلاں دا جدوں غروب ہویا
اوہدے وچ فراق دے باپ اوہدا جیوں رو رو حال یعقوب ہویا
طالب تڑپدے رہے قصورمند جدوں اکھاں تھیں غیب مطلوب ہویا

قصہ طول نہیں کرن فضول چنگا کراں گل اونویں جیوں دس گئے
جیوں موسم بہارتے خزاں وگی اُجڑ گئے جیوں گھڑی وس گئے
جیوں درد طوفان دا پیا چھایا لشکر خوشی تے چین دے نس گئے
رو رو دس جیوں قصورمند آنسو نکل میرے بے وس گئے

علی نام تے قوم نت اوہدی سادے چک دے وچ گزران کردا
اکو پتر سی اوہدا محمود ارشد اوہدے نال گیان دھیان کردا
رکھے نظر دے وچ اوہنوں ہر ویلے اوہدی خوشی دے پیا سامان کردا
نہیں مان دی تھان قصورمند رب وسدیاں نوں پیا ویران کردا

سن اکہتر تے مئی چھبی تیراں جیٹھ تے دن بدھ وار دا اے
علی محمد دا پتر محمود ارشد اگے مایاں عرض گزار دا اے
ہویاں چٹھیاں مامے نوں مل آواں لگا شوق پشور بازار دا اے
اوہدی موت دا وقت قریب آیا ملک الموت پیا واجاں ماردا اے

ماں نے آکھیا جا سو وار پچھہ پا کے کپڑے تیار ہویا
وداع ماں تھیں ہو کے گجرات پہنچیا اگوں بس دے اُتے سوار ہویا
لگا جھٹ نہیں لتھا جا گلہڑ خوشیوں دیکھ ماما اک تھیں چار ہویا
ماما میں مامے نوں ملن "پشور" جاناں ایں قصورمند جیو بے قرار ہویا

مائے آکھیا کل چلیا ٹرک اے لے سبزی اوہناں بھر لیا اے پورا بھار ہويا
شام دے ست وچے ڈریور دے کول بیٹھا ٹرک اے وچ رفتار ہويا
ہمدے کھیڈ دے جان ٹرک اُتے جدوں نوشہرے پشور دا ادھ وشکار ہويا
ایکسیڈنٹ ہويا مر گیا ارشد سودا نقد نہیں اُدھار ہويا

چودہ جیٹھ نوں ارشد دی لاش آگئی اُٹھ کے ماں پیاں نے استھبال کیتا
ڈگا فرش تے پیو بے ہوش ہو کے ماں نے پٹ پٹ کے مندا حال کیتا
سرکھول کے سواہ دا پگ پا کے گت کھول کے اک اک وال کیتا
مینوں پٹی سی دھاڑ قصورمندا تتی ٹردیاں ای نہیں خیال کیتا

وے میں نج جی گھر مایا دے ہائے ہائے ربا کدھر جاں دی میں
میرے سوہنیا چھیل چھیلیا اوئے ارشد، ارشد ہن کنوں بُلاں دی میں
کون آکے آکھے اُٹھ اماں، چم کے منہ کنوں گل لاں دی میں
کہیو روٹی توں رُسے گا نال میرے پاکے واسطے کنوں مناں دی میں
تیرا موت دا پیا ناؤر سانوں کتھوں ملے تے پٹیاں لاں دی میں
وے توں قبر ول تیار ہوویں کیوں بانج تیرے پیواں کھاں دی میں
کون جائے گا بھکھا سکول بچہ کدی لے روٹی مگروں جاں دی میں
آوے کہیو مدرسویں چک بستہ کر کے بسم اللہ منجی ڈھاں دی میں
کدے سر وچ راہ دی ویکھ مٹی صابن لا کے کنوں نہاں دی میں
ڈنگہ چیر کڈھ کے ارشد نال کنگھی کدی اکھ وچ سرمہ پاں دی میں
کنوں مار چھہ لمیاں کول پا کے سینے سڑوے وچ ٹھنڈ پاں دی میں

مینوں جلدی دے جواب پترا کنوں نال لے کے پیکے جاں دی میں
جانندی وار نہ کوئی خبر دتی کہیوے پنڈ خط چھیاں پاں دی میں
سسی وانگ ستیاں مینوں چور پے گئے کدے کولوں ہن کھرا کڈھاں دی میں
تیری موت دی سینے وچ آگ بلدی نال اتھرواں کیوں بچھاں دی میں
میری نونہہ جیہڑی تیری منگ ارشد کیوں اوس توں منہ چھپاں دی میں
کیوں بن گانا کینٹھا گل پا کے کدے سر اُتے سہرا پاں دی میں
کنوں چاڑ گھوڑی دانہ چار کے تے پگ بن مراج بناں دی میں
تیراں جیٹھ نوں تیرا تیزیاں دا ختم باراں وفات اکھواں دی میں
تیرے جاگنے دا ویلا یاد مینوں چڑھ کے کوٹھے تے کنوں جگا دی میں
جانندی پیش نہیں کوئی قصورمندا روندی حشر میدان نوں جاں دی میں

ارشد دی آگئی لاش ہائے توبہ ماتم دا شور کی اک طوفان آیا
اتھرو پتھراں دے پئے وگلے سن اوتھے پیا روے جو انسان آیا
ساک سین طرفین بھی روون سارے ہائے ہائے سارا خاندان آیا
گل بھناں دی کی قصورمندا موقع ویکھ دشمن پریشان آیا

ہائے بچیا ہائے ارشد بلدون ہائے ویرن و ت و ت پیاں
ماسی چاچی بھین بھرجائیاں بنھ صندلہ منہ سینہ بھنن متھ پیاں
کھلے وال بے حال کوئی لٹاں پٹ دیاں پا کے ہتھ پیاں
کہیو بن لئے ہن قصورمندا کوئی دس نہیں کہن بے وس پیاں

ودھر یار دوست روندے مار آہیں ایدھر چاچے دے پتر بھرا روندے
ساڈا ارشد کیوں سنگ تروڑ گیا اے کوکاں مار دے گھت کہا روندے
اُچیاں مار آہیں گل پایا نہیں، اکی دو جے گل نے لا روندے
مُو کے ارشد نہیں آؤناں قصورمندآ پاویں گھت کے سراں وچ ساہ روندے

ہم عمر رفیق تے یار دوست ککراں مار روندے جامے پاڑ کے تے
کدی انج ناہیں ارشد لنگ جانے جہاں نوں بجن لتاڑ کے تے
توں اونان دا کیتا خیال ناہیں وسدیاں جہاں گیا ایں اُجاڑ کے تے
ایتھوں کئی آ ڈور قصورمندآ گڈی حرص دی جہاں دی چاڑ کے تے

جمن والی دا حال نہیں کہن والا کر کر وین کدانودی جھل بیٹھی
بدھ وار سن ہار گئے بخت میرے گھروں ارشد محمود نوں گھل بیٹھی
کالجہ موریان موریان جاپدا اے ڈاڈے کھا دھوڑے دے سل بیٹھی
ہے تے جیوندی اے اے قصورمندآ سنگ مویا دے جیوندی رل بیٹھی

اوہدے بانج اَج غبار ہویا چکدار ستارہ ارشد محمود
ہو یا کالجہ چھاننی ہار میرا میرے دل دا پارہ ارشد محمود
لئے حوصلے دنیا دی سانج کی ساڈیاں دلا دا سہارا ارشد محمود
ساڈی زندگی دی ٹوہنی تے ہو سی ہن کیویں گزارا ارشد محمود
نیویں پا بیٹھا سر چکدا نہیں تیرا باپ دی پیارا ارشد محمود
اوہدے نال گھر لکھ دولتاں سن قصورمندآ ہن گھروانگ دارہ ارشد محمود

چاچے دیاں دھیاں وانگ مینہاں کرن وین تے نین برساندیاں نے
جانندی وارنوں نہ ارشد گیوں مل کے رو رو کے تے پیاں آہندیاں نے
جوڑیں نویں پرانے وکھ اوہدے چم چم نال سینے پیاں لاندیاں نے
کدی چکن تے دھرن قصورمندآ کدی نشانیاں سمجھ لکاندیاں نے

عنایت دی منھی بچی یاد کردی ارشد دی پیاری بھتیجی سی اوہ
اوہدے نال سی بڑا پیار کر دا نت لیا کے دینودا چچی سی اوہ
کھڈونے ون سونے کھڈونے نوں شہروں لیاوندا کر خریدی سی اوہ
کر کر یاد ہن اوہدہ گئی قصورمندآ چاچے ارشد دیکھن نوں ربکی سی اوہ

رو رو باپ پیار آکھدا اے میرے سوہنیا بدر منیر ارشد
تیری بھل تے بڑی سی گل میری ہن کر کے گیاں ایں حقیر ارشد
کے پاس دی رہی نہ آس مینوں کرے دل نہ کرے کھلیر ارشد
رہیا نہ شان گمان قصورمندآ سانوں کر کے گیا اے فقیر ارشد

بھلنا دکھ نہ ہی ویڑے دا رُکھ سکا، گھوڑی گاؤندی دے ہتھ وچ واگ رہ گئی
ٹٹا پھل مدہانی دا وچ چاٹی، ڈھلا دہی، مکھن، کج نہ جاگ رہ گئی
دساں مونہہ کیہ اوس نوں جا کے میں، جیہڑی مہندیاں دا گاؤندی راگ رہ گئی
بن مٹی دا ڈھیر قصورمندآ، سادے چک میں وچ باغ رہ گئی

کدیاں کراں مانیاں میں سدوہے کدے واسطے دیگ چڑھاں دی میں
ہتھن کر کے سکن سموت سارے کدے ہتھاں تے مہندی لاں دی میں

دُعائے شاعر

دُعا بخت دی آڑ وچ سوڑ دُعا کرناں مولا فضل دے مہینہ برسا دیویں
شاخ بے آس نہ سکدی سک جاوے مولا پھل تے پھل لگا دیویں
نکلے شاخ شگوفیوں پھٹ موہنڈی وگی خزاں تے بہار لیا دیویں
قصورمند واگوں نہ علی نت رہ جائے میرے مالکا کرم کما دیویں

رُباعیاں

کھانا لانا ایں آپی جگ وچ پر کھانا کسے بُھکے تائیں کھوان چنگا
اولاد جئی پیاری دنیا تے نہیں چیز کوئی گلے نال یتیم نوں لان چنگا
کسے نوں مار لینا کوئی بہادری نہیں مارے اپنا آپ تاں او جوان چنگا

نکل گئے وقت ہتھوں پھر نہیں ہتھ آندے اپنے آپ تے ظلم کمائے نے میں
میریاں خواہشاں دماں دیاں رنڈیاں نے جتھے دما دے دام لٹائے نے میں
مُفت ملے سن گنج نہیں قدر پائی دین والے دے شان نہ پائے نے میں
قصورمند جد کوڑی نہ رہی پلے مڑ پچھتاوئیاں دے مجھے لائے نے میں

انج کرگل پچیاں دی کسے حدیث قرآن چوں کچھ کوئی نہیوں ہوندی خاراں دی گل
گھر والیاں تے جدوں نہیں اعتبار تیرا توں تے کرنا اعتبار سن کے باہروں یاراں دی گل
ڈرائیور ٹیٹی تے گارڈ نوں توں پچھدا ایں نہیں پچھنا گڈی دے سواراں دی گل
قصورمند جہاں دا جسم جان اکو وکھری ہوندی اے پوری اسراراں دی گل

کوڑی طلب اے جگ دی ساری گل عشق والی سچ دی سچ تے حق دی اے
لوک درد بن رحمت اُودھی پاک سنگت پئی دسدی اے
خشک عبادت عیشے باہجوں او رچدی کج نیوں کھٹ دی اے
قصورمند سیک عشق دے باہجوں پتلی پنچن دی کدے نیوں پکدی اے

نکاپیں دا ایں پر ہوش کر طالب متاں پل استھے لگ جائے تینوں
توں مریض تے پیر حکیم تیرا بُری مرض توں پیا بچائے تینوں
نفس رچھ ہتھ ڈور قلندراں اوں نچے جیویں نچانے تینوں
جے پر ہے ایمان پیا پڑھیں پانویں کفر دے سبق پڑھائے تینوں

ایسی رُت بہار دی آئی یارو خزاں میرے نصیب اوتے بہہ گئی اے
مُڑ گئے خیال رنگین سارے کلی آس اُمید والی ٹہہ گئی اے
اک چٹ نہ دُکھاں تو بغیر گزرے ظلمت نال ہستی نوں وی لے گئی اے
گزری عمر تے شریف افسوس نہ کریتی لنگ گئی اے تھوڑی رہ گئی اے

کی ہویا بختاں رخت کھولے تے بختاں چل پایا اُنج کئی ہونیڑے متاں دسدے نے
او حال تے نہیں جاندے دکھیاں دا جھڑے سنگ اولاداں پنے دسدے نے
اندر ساز جدائی جس نے کھولی اے عقل دانائی اے سمجھ نہ آئی لگدے خورے کیوں پے دسدے نے
شریف ہائے اوناں دے منہوں چھب دی نہیں طالیا جہاں دے دُکھاں وچ وں دے نے

پر دُکھ ہی دُکھ نصیب اندر میں تے دُکھاں وچ عمر گزار دتی
زندگی وچ زندہ رہن واسطے کئی واری میں جتی ہوئی بازی ہار دتی

تکلیا پیار دی نذر نال مینوں میں تے اوس توں جندڑی وار دتی
شریف اسساں اپنی ہستی برباد کر کے اگلے دی ہستی سوار دتی

اشرف المخلوق انسان دی شان مینوں کہتے اپنے ایں کہتے حقیر ساں میں
ہون ملی سزا آزادی دے راہ لینا بادشاہ دا کدے وزیر ساں میں
آج کھالیاں تے نالیاں وچہ پیا رولنا کدے امیرے تقدیر دا نیر اسساں میں
قصورمند خواہشاں وں پایا رولنا ہے تے کدے رانجھے دی ہیر ساں میں

بڑی اڈیک اے جتن دے آونے دی بول دا نت ہیرے اُتے کاں رہندا
بولدا کاں وی اے پر آؤندا ڈھول وی نہیں ایہوای فکراے وچلا نہیں تھاں رہندا
او دن عید دا جدوں دید ہوئے سکدا ویکھنے نوں میرا جی رہندا
جتناں بناں نہیں رونق قصورمند اندر ویرا کردا پھاں پھاں رہندا

اک سجدا ایللیں نے نہ کیئا اوس گل دا کی سی اثر پیا
کریں لکھ عبادتاں اے نہیں کم تیرے ایں وچ چوں کھاناں ایں کسر پیا
مسلمان کس دا تیرا ایمان کاہدا جیہڑا نبی نوں آکھنا ایں بشر پیا
فائدہ ککھ نہیں ہونا قصورمند پانویں نظم بولیں پانویں نثر پیا

میں بھی مانگت آں عادت اے منگنے دی تیرے بوہے تے سخی کھلو منگاں
ہس دا جانواں جے دلی مراد پانواں تھڑا ماریا رو رو منگاں
نہیں لوڑ کوئی گھوڑیاں گائیں میاں نہ میں دانے تے نہ میں پوہ منگاں

نکلے کھکھ مک جان دکھ سارے تیرے دواویوں چیز کوئی ادہ منگاں
عزت وڈیائی دی جگ وی منگدا نہیں نہ اے جہان دی رو منگاں
جھٹوں گلاب چنبیلی راویل بن گئے تھوڑی جی اوس وچوں خشبو منگاں
حسد تے گلے ہنکار تیں سرنیواں کسے نال ناں کرنا ترو منگاں
جوگ نیناں دی جی آ میں جوگ منگناں دین والیا دے میں جو منگاں
سورج چن نوں روشنی ملی جھٹوں تھوڑی جی اوس وچوں لو منگاں
تڑوانے دند تے شربت قاتلاں نوں تھوڑی جی اوس وچوں خو منگاں
قصورمند دے معاف قصور کردے نہ میں اے نہ میں او منگاں

چڑ گئے شان گمان دے کھمب میرے وانگ بوٹ دے ہو کے بہہ گیا میں
دُنیا دین سنبھال دا رہیا دونویں جی کچھ دیوتے دو دواں توں رہ گیا میں
سرکاں سکھاں دیاں وکھ کے رہیا ٹردا اے نہیں پتا راہ دکھاں دے ہن پے گیا میں
قصورمند نوں آس سی جتناں دی پد گھاٹ دوزخاں دے ای ہن لیہہ گیا میں

راہ تک رہی آں غائب دا غائب ہو کے ہن چھڈ کے کار رگزار آپنی
روندی جان جہان دے وچ میری نیند لکھ پیاس وسار آپنی
بٹھی روواں میں آس دے وچ وڈ کے کلیاں مھلاں دے تک رخسار آپنی
جیدے نہرے دی غار دے وچ پڑھدی رہندی آں استغفار آپنی
کھڑا دن تے کھڑا وار آؤنا ایں جدوں نکلاں گی آزار آپنی
حسد قدیم لوڑ وچ میں رہی وکدی کدے نقد تے کدی اُدھار آپنی
چڑھی کانگ فراق دی وچ ندیاں ٹھلاں پیندیاں نے بے شمار آپنی

میں وی خوف دی ندی وچ کھا غوطے پلھ صبر دے نال گزار آپنی
اڈ گئے ہواس دماغ وچوں کر کے جش دے بند بازار آپنی
ہویا سُن حیران جہان سارا نالے کمب گئے نے سپہ سالار آپنی
ایتھوں کسے نہیں کڈنا قصور مندّا چکنا اپنے کردار دا توں بھار آپنی

اَنسوئے دا حال

دلا ڈر کے گناہ تھیں رُب اگے اپنا آپ کھلار دامن
ہے امید کہ تیری آواز سن کے بخشش وچ آجائے بخشہار دامن
اُہدا نام غفور الرحیم ملا لئے ہر اک گناہ گار دامن
جتھوں بھر بھر جھولیاں لئی جانڈے تیرے دیندیاں ای طلبگار دامن
اپنے فضل تے کرم دے نال مولا میرا بگڑیا لہیں سنوار دامن
واقف ہیں اَنسوئے دے حال دا توں کفن مُردیاں دے جیہڑا اتاری داسی
ہو گئی سی اک ہمسائی بیمار اودھی سارا بھید اونوں وی اودی کار داسی
گھر سد اَنسوئے نوں اس عورت کہیا اے سخن پیار دا سی
بانج مرگ نہ اتاریں کفن میرا دیندی مُل جو مُل بازار دا سی
قیمت لے کفن دی اَنسوئے کہیا میں ناں چھیڑ ساں تیرا دینار دامن
بی بی کہیا جے قول توں ڈول گیوں تیرا پھڑا گی روز شمار دامن
دوہجے دن خُدا دی ویکھ قدرت اس عورت دا سی انتقال ہويا
کر کے دُن جد اودھے عزیز آگئے سُن کے خبر اَنسو نہال ہويا
اُدھی راتی جا کے اس دی قبر پئے اونوں خوف نہ رتی روال ہويا

ہویا رو بروئے عورت پکار اُٹھی وے تینوں وعدے دا نہیں خیال ہويا
خبردار نالائق نہ ہتھ لاویں میرا چھیڑ کے ویکھ اک وار دامن
او بدکار تیرا چیر دیاں گی تار تار دامن نہ پکڑ ہتھیں تیرا کردیا گی تار تار دامن
نس گیا اَنسو اے گل سُن کے نالے ڈر گیا قہر خدا کولوں
آکھے شکر الحمد ہے اے جان بچ گئی رب رکھیا اس اتفاق کولوں
محشر وچ کی میرا جواب ہوسی پاس داغ کبریا کولوں
فوراً فیصلہ اوسے دے حق ہونا پھڑیا جدوں میرا نیکو کار دامن
چھپے گا کس طرح بھرے دربار اندر بھرے او گناہ تھی اے داغ دار دامن
ہوئی صبح تے نبی دی ذات اگے کرے عرض سب حال سُنا کے تے
سُن کے کارساری گنہگار والی کہیا حضراتاں جوش وچ آکے تلے
تیرے واسطے کراں دعا نائیں اگے رب دے ہتھ اُٹھا کے تے
لائق رحمتاں نہیں گناہ تیرے بس دور ہو جا منہ لکا کے تے
کہیا پھر اَنسوئے یا نبی اللہ پکڑے کس دا جا اوگن ہار دامن
اپنے فضل تے کرم دے نال مولا میرا بگڑیا لہیں سنوار دامن
بے اُمید اَنسو پھر اُٹھ ٹریا اگے رب دے رو پکاریا اے
کل چلنا ایں چنے گل عاصیاں نوں مینوں دروں اوس دُرکا ریا اے
کی ہويا جے غفلتاں وچ پے میں اپنے نفس نوں ماریا اے
لَا تَقْنَأُ تَوْرَحْمَةِ اللّٰہِ اوناں پڑھ کے شکر گزاریا اے
تے ہن کس طرح میں میں فیر آکھاں بھریا او گناہ تھی داغدار دامن
بندہ آپناتے نبی دی سمجھ اُمت میرا بگڑیا لہیں سنوار دامن
تیرا نام غفور الرحیم مولا پردہ رکھ لہیں او گنہاریاں دا

تیرے در ہاتھوں ہن جاں کتھے آسرا نہیں اسان نکاریاں دا
 زور زور دا نہیں مان کوئی سانوں مان اے تیرے سہاریاں دا
 کن دھر کے سُن آواز میری کوکاں در تیرے اُتے داریاں دا
 میری توبہ نہ کراں گا کم ایسا میرا آکھیا آخری وار دامن
 اپنے فضل تے کرم دے نال مولا میرا بگڑیا لہیں سنوار دامن
 کیتا مولا سخن نے منظور اوہد جدوں ڈٹھا انسوا ہن ڈولیا اے
 خدمت نبی دی وچ سلام فوراً جبرائیل امین نے بولیا اے
 ہويا حکم انسوے نوں لیا جھیتی یوہا رحمتاں دا رب نے کھولیا اے
 ایسی دوزخی جنت دا ہويا مالک دھونا اوس نے اپنا دھولیا اے
 ایسی توبہ نوں رب نے توفیق بخشی کر کے ویکھ توں دی اک وار توبہ
 اپنے فضل تے کرم دے نال مولا میرا بگڑیا لہیں سنوار دامن

حسن سرکار دی وچہ خدمت

حسن سرکار دی وچہ خدمت آن سلام بجایا اے
 حسن عشق دی صورت نوں ویکھ کے تے اگوں ہس کے اے فرمایا اے
 ہٹھیاں دگلاں دے کے پیار دیاں عاشقاں تائیں وسایا اے
 ایسے وچہ محبتاں محو کیتے مرن جیون دا چیتا بھلایا اے
 دنیا وچ دس عاشقاں نے اے کی اُلفت دا جنگ چایا اے
 ودھیا توں تے چت گئے عاشق تغہ انعام دا کس نے پایا اے
 سنو جناب میں دسناں آن اصلی جو جو کر کے کار آیا

اتماں حوا نوں کڈھ بہشت وچوں سنے آدم دے کڈھ کے باہر آیا
 ہائیل قابیل دا جنگ کیتا بھائی دے ہتھوں بھائی نوں مار آیا
 بیڑا نوح دا چہ طوفان آندا اُتے ایوب بن کے وار آیا
 اسماعیل نوں پھری دے پیٹھ آندا یعقوب دا نور وسار آیا
 گتھے چانن زلیخاں دیاں اکھیاں دا یوسف کھوہ دے وچہ اتار آیا
 طور تے موسیٰ بہوش کیتے عیسیٰ چاہڑ آسمان اُتار آیا
 آرے نال چرایا سی زکریا نوں سولی اُتے چاہڑ کے اتار آیا
 سیس شاہ سرمہ دا کٹیا میں شاہ شمش دی کھل اُتار آیا
 کیتے روڈ ہے جلالی دے ڈکرے میں قیمہ کٹ وی کے نہ کار آیا
 مرے میدان بچھاڑیا میں اوتے سہراب دی ستم گزار آیا
 تیسہ ماریا سر فرہاد دے میں پنوں تھلاں وچہ ہوندا خوار آیا
 مجنوں ماریا روکے وچہ جنگلاں، شیخ صنعان دی سورییاں چار آیا
 راجھے جٹ دے وی میں کن پاڑے مینہوال ڈبا، نہیں باہر آیا
 میں عاشقاں نال نہیں گھٹ کیتی اولیس قرنی دے دند اکھاڑ آیا
 حضرت عمرؓ شہید کیتے اوہ بلالؓ سی ہونثار آیا
 تے حمزہؓ دا چہر دو کھن کیتا، حیدرؓ جیہاں تے کر کے وار آیا
 حضرت حسنؓ تائیں سی میں زہر دتی، ذرا نہیں ترس سرکار آیا
 لکھاں خون کیتے میں عاشقاں دے، تیری قسم مینوں نہیں پیار آیا
 سب عاشقاں توں ہوندی رہی چت میری، اک ہستی کولو میں دی ہار آیا
 حضرت حسنؓ نے اکھیا دس یارا، اوکون ہستی ہی مینوں سکے بڑا پیار آیا
 حضرت عشقؓ نے اکھیا جناب دسناں آں، دن لگا نہیں کرن اُدھار آیا

تے کربلا دے عین میدان اندر، سوہنا دلدل جدوں سوار آیا
 بھائی پُت پیچڑے شہید ہو گئے، تے اک اتھر نہیں اکیوں باہر آیا
 کود وچ معصوم نے تیر کھادا فیر وی رب دا گزار آیا
 حوصلے صبر قرار نوں چھڈیا نہیں، پانویں دکھ تے دکھ ہزار آیا
 کُٹے دا کنبہ قربان کر کے، آپ خوشی نال ہون نثار آیا
 سر سجدے دے وچ کٹا دتا، تے زلزلہ وچ سنسار آیا
 جدوں چڑھیا سی نیزے حسینؑ دا سر، منظر ویکھ ایہوئی میں بھی بازی ہار آیا
 سمجھو میریاں خیالاں تے پیا پانی، میری شکست دا جدوں وار آیا
 چڑھیا نیزے تے سیس حسینؑ جدوں منزل ہوو آئی عجب سوار آیا
 کر کے نیزے تے ختم قرآن سارا، فیر مینوں کرن خبر دار آیا
 دس عشقا کدھی اے جت ہوئی، اج کون کوئی زیر بار آیا
 ادب نال میں گردن جھکا دتی، زبان تے اے سی لفظ قرار آیا
 جناب جتھے وی میں جاں گا کہواں گا، میں تے بازی امام حسینؑ توں ہار آیا
 فتح دا انعام آپ دے نام اُتے، دو جہان اندر باربار آیا
 گھاٹ اتے پہرہ وی آپ دا سی، آپ دی مدد بن نہیں کوئی پار آیا
 جیہڑا میرے دل آیا آپ دے پیش کرساں جیہڑا لاکے درد اوزار آیا
 جناب جدھر تئی اور رب رسولؐ اودھر، جناب فاطمہؑ حسنینؑ حیدرؑ کرار آیا
 پڑھدا درود صلوة پنجاں دے نام اُتے، نال یقین دے کر اعتبار آیا
 قصورمند حضور دے در اُتے، معافی لین گنہگار آیا

رُباعیاں (حسن عشق)

حضرت عشق نے آکھیا یارا نال انصاف دسیں میرے بعد کون تیری چاہ کردا
 او میں ای ساں گھر کمہاراں دے ویکھ تینوں عزت دولتاں رہیا تباہ کردا
 مہنگے لے سستے دے تے پکڑ جھاڑو انج رہیا گجرات دا صفا کردا
 قصورتی طرح غلام سر تے ڈھوئے کوڑے ہوو کس طرح حق ادا کردا

حسن: میرے ہی دے صدقے کریں جگ دے وچ وڈیاٹی کیہڑی
 عزت دولتاں میں کیہہ جاناناواں کاروبار نہیں اے کماٹی کیہڑی
 غیر توں صاف کر میرا مکان خالی ہونجے گلی کوچا اے صفائی کیہڑی
 منزل دور اے میری قصورمند اے کیتی آ حق ادائی کیہڑی

عشق آکھیا اُچا اے شان تیرا بڑے ادب تے بڑے لحاظ تیرے
 کریں پٹھیاں سدھیاں سمجھن واں آں رکھا اکھیاں دے اُتے ناز تیرے
 ملک میرے تے حکومتاں تیریاں نے شاہی تیری تاج راج تیرے
 دیوے فرض تے قرض قصورمند میتھوں مکے نہیں اعتراض تیرے

تیرے کولوں نہیں حُسن دا مُل پُنا کر عقل سیانیاں بھل نہیں
 کریئے دونویں جہان چاہے اک پاسے جلوے یار دے دا پیندا مُل نہیں
 لوکی آکھدے سراں توں یار ملدے اوتے سراں دے بننے پل نہیں
 اوتھے دلاں دی لوڑ قصورمند دل دیونے دی وی کرنی گھل نہیں

نہیں سپاہیاں پھد کے مینوں دتا حُسن دے تھانے زور تگائے
راہیاں تے پھد واراں لاندہ بھاویں ہون سیانے اسی انجانے
حاکم نہیں شفا رش مندا نہ کسے نوں جانے اوہ کر دا بہانے
قصور مندا قیدی عشق دے وی بدھے ای مر جانے تے کس چھڈانے

عشق زور اور اے جگ دے اندر موت دیکھ نہ ڈولے گاؤندا سوہلے
تختوں لا گدا کراندا بنے غریباں دے گولے ککھ پیا روئے
قیس نوں چا مجنوں کیتا نہیں پیر عشق دے پولے رہندا نہیں اولے
قصور مندا جدے تھہ ترکڑی عاشق گھٹا ہویا دی بولے گھٹ جے تولے

عزت بیگ لوثائیاں عزتتاں کیتا پاکنگال عشق نے جال
مہنگے لے کے سستے دینا دیکھ عشق دی چال نہ کرے خیال
مغل پٹھان چھڈ شان بلخ نوں کوڑے ہونجے بے حال ہستی نوں گال
قصور مندا اوے عزت بیگوں بنیا چاک تلال تے مہینوال

حُسن تے عشق دی جگ دے اندر یار ہوئے لڑائی نہ کسے منائی
حُسن زور اور نہیں کسکن دیندا عشق نوں جائے دہائی تیغ نواہی
عشق دلاور قتل ہون نوں رکھے سیس جھکائی نہ پچھاں ہٹائی
قصور مندا اوے پندی کھی فتح عشق نے پائی وچ خدا کی

کدھرے آکھناں آن کیڑی نہ پیر دے پٹھ آجائے کدھرے بے گناہ ایں کرنا اقلام آں میں
بڑا کجھ وی آں کدھرے کجھ وی نہیں بلبلے وانگ نشان اک خام آں میں

کدھرے کرناں بڑے پتے دیاں کدھرے پتے ای نہیں تے کبھو بادشاہ تے کدی عوام آں میں
قصور مندا اک ہنیرے دی کندھ سمجھو نہ صبح تے نہ شام آں میں

بڑا سیانا سی کاں پر ہنس نہیں بن سکیا چھلدا رہیا اوٹوراں دیاں چڈیاں نوں
گدوں ریس کی کر پئے ایں کوڑیاں دی کدے کوڑیاں پھرن نہ گڈیاں نوں
پداں والا نال پرواز کر لیئے آؤندی اے رتجھ تڑیاں تے ڈہڈیاں نوں
شیر بن دی رتج اے گیدڑاں نوں قصور مندا پیندے لٹرنے کوڑیاں کاڈاں کڈیاں نوں

یاد بجن بن گزری جھڑی آئی کسے نہ کاری پر زندگی ساری
سدا حیاتی دا کھڑیا نہیں رہنا جگ دی وچ گلزاری تے پھل بہاری
کول بیٹھیا ایں ٹوری جانے بجن دوست یاری پر بڑے پیاری
قصور مندا دیکھ کے ٹر گئے نی بجن تیری وی آجکل واری توں رکھ تیاری

اصلی لوڑ کردار دی اے گفتار دی نہیں میاں کہانیاں نہ ایویں کوڑیاں پا
تیرے روپ سنو پ نوں کسے نے دیکھنا نہیں چولے تسبیاں بھانویں چوڑیاں پا
جیہڑی نیت ای اوای نماز ہوئی اے پڑھ تھلے بھانویں مسلے تے بھانویں پھوڑیاں پا
اونہاں وڈنی ایں پلکے قصور مندا جیہڑے بیج دے نے آج زوڑیاں پا

دسیں قرآن حدیث دے بڑے باریک مسئلے سب لوکاں نوں پیا ونگارنا ایں
دساں وہیاں دی آپ خرید ایں توں سودے جنت فردوس دے مارنا ایں
کریں آپ نہ عمل کریں تبلیغ لوکاں، اُچا بول زبان سنوارنا ایں
قصور مندا بھریا بلایاں وی بولدا نہیں خالی پانڈیاں وانگ سرو گارناں ایں

بے لگام تے فرش ایمان پئے، گھوڑا حرص دا مار دا اے پوڑ اندر
پنڈا قدم وی نہ نیڑے دا اے عمر گزر چلی ایسے دَوڑ اندر
ہنکے تریا تے صبر نہیں امن آیا حرص لوب تے طع دی اوڑ اندر
اوڑک ڈگے گا ہف قصورمندا نکل دم جاسن ایسے ای سوڑ اندر

عزت آبرو اے مالکا جتھ تیرے، پردہ پوش این اسال وی تنکیاں دا
بے پراں دے وی جتے سار دیناں این ٹورا ٹورنا این لوہیاں تے لنگیاں دا
ٹنگا والٹے وی ویکھ حیران ہوندے، ایسا ننگ لانا این بے تنکیاں دا
تیرے جیہاں قصوریاں نوں کون جانے جئے کررب ہوندا صرف چنگیاں دا

رے رُت بہار مھلاں دی سوئی سیاں کھیڈن ہوڑے بن بن جوڑے
آتن چیتی ڈیگر ویلے سجان سنگ تروڑے تے پئے وچھوڑے
ایسے طرح این وچ دنیا دے نال حرصاں دے دوڑیں جیون لوڑے
قصورمندا تیرے مگر پی ویکھاں موت پجاندی اے گھوڑے تے توں دن تھوڑے

ہووے وصل جے نصیب میرے، ہوئے ایڈی بلند برات کتھوں
والی بلخ بخارے دے کرے قیدی جے سوئی جاں وچ گجرات کتھوں
منوں منگی مراد پان دل دی ہوئے نکر میاں نوں شبرات کتھوں
بخشے تُرت او ہیر قصورمندا، ہوئے رانجھے دا بالا ناتھ کتھوں

صدقے جاواں میں اُنہاں سوہیاں توں جھڑے حُسن دکھا کے لُٹ دے نے
پاندے دلاں نوں زلف زنجیر محکم، زور لایاں وی جھڑے نہ لُٹ دے نے
کردے بے قرار نہیں سار لہندے، جڑ صبر والی منڈوں پُٹ دے نے
قیدی عشق دی جیل قصورمندا سر دتیاں باجھ نہ مٹھ دے نے

زادہاں صوفیاں دا بڑا نہیں رب جن، دشمن نہیں شرابیاں تے پنکیاں دا
ذات بے نیاز دے راز نوں کون جانے، ہوندا قید بندہ مذہباں تڑے بندیاں دا
کوچیاں تے مندیاں دا وی آپ وارث طلبگار بندہ چیزاں چنگیاں دا
مولا ہر دے سنگ قصورمندا دیندا سنگ بندہ سنگیاں دا

عزت ذلت جتھ میرے وچ جنہوں چاہواں بخشن پایا رب فرمایا
دیندہ رب تے آکھے بندہ گھوڑا میں عقلاں نال دوڑایا تے اے گُج پایا
سلیمان ول یوسف ویکھیں کیویں اٹیاں مل پویا تے بھٹھ چکایا
قصورمندا پچھوؤں تائیں جاں اے وقت وہایا جتھ نہ آیا

جیون نام اُنہاں دا اصلی جیہڑا سکھی پے وسدے
دکھیاں دے نال مروت کر دے، تے جتھ سراں تے رکھدے
دکھیاں دا اے جیون کاہدا پے رو ون چوٹھے ہسدے
قصورمندا تیرے جیہاں دا جیون کہیہ کھے تے پٹھ دے

اپنے ولوں تے پئی سناواں میں بھادیں کوڑ ٹسی میری گل سجھو
جدوں بیمار ساں بچن دی اُمید نہیں سی رِب فیر کیتا مینوں ول سجھو
ڈبھی او تکلیف تے ڈر گیا میں میرا دل گیا وچوں چل سجھو
میوہ نیکیاں دا کوڑا لگدا اے اے بُرائی دا مٹھا پھل سجھو
جیویں اتھے گھڑی دی گھڑی بیٹھے آں اتھے زندگی پل دا پل سجھو
تھیں اپنی کیاں نوں ٹوریا جے واری اپنی وی اج یاں کل سجھو
کاہنوں اے رزق دیاں راکھیاں کرن بیٹھے اولیں رزق نوں پیراں دی مل سجھو
قارون بدھے سن بھار سر دولتاں دے جاندا جے پیا زمین دے ڈھل سجھو
تائیں شوم دی گل گزوند ہو گئی تھی مراتبہ عل سجھو
پکڑو کسے دے پیر مت خیر گزرے جیویں وچ زمیں دے ہل سجھو
گہنہ سونہیاں گل سواندا اے پہلوں وچ کٹھیلی دے حل سجھو
گلیاں والیاں دی ہونا وچ قبریں اے اُچے نیں جنہاں دے محل سجھو
قصور مندا جتھے قصوریاں نوں گھتتا سو دوزخ ہوئے تے او تھل سجھو

رب رحمان بناں پریت نہ پرچ دی اے بے پرواہ قہار مولا ہر شے پئی دہشتوں ٹرکدی اے
سورج چن تارے خدمت وچ سارے زینت ویکھ منارے عرش دی اے
گو نوں گون ویں ہور بون لکھاں، آدم نال کیتی جیہوی فرشدی اے
تیرے وچ گھیرے کون سر پھیرے، لیندی پھیرے چکھڑی چرخدی اے
زمین مسکین رت عرش نوں منہ کر کے، تیر فضل پئی منگدی ترسدی اے
سودا جاگدا اے وچ عبادتاں دے، جیویں رحمت تیری مولا برسدی اے
بدل غیب توں آوندے نے بن ہاتھال چمک کڑک ڈراؤندی بڑھکدی اے

تیرے ویکھ کے بے پرواہی دے کارخانے عقل فکر وچ حیرتاں غرقدی اے
اوتھے تیر تدبیر دی واہ نائیں، تقدیر تیری ربا جتھے ورتدی اے
اے بہروپ تیرے وچ نے روپ تیرے، تیری اکھ ہووے تے پرکھدی اے
عقل علم تیرے تیرے علم ٹیکر پہنچنا نایب تے سرقدی اے
میں بندہ تیرا بس تیرا ای آسرا اے، ہور آس نائیں کسے طرفدی اے
توں بچائیں تے بچاں طوفان وچوں، ہنیری وگدی پئی چو طرفدی اے
تیری شان نوں کراں بیان کیویں، بے علم شناس نہ حرفدی اے
دل وچ محبتاں جوش مارن، بکھڑے لفظ زبان نہ پرکھدی اے
گھوڑی طبع دی خیال میدان اندر، دوڑ دوڑ انی پئی کرقدی اے
تیری مدد ہن بھل گئے دا سارے پوندی دس نہ سخن تے سرقدی اے
فضلوں دھیان تیرا رہندا دھرت اُتے رہندی عرش اُتے اکھ دھرت دی اے
حق سچ اے مالکا ناں تیرا قصور مند بنا اک دس دی اے

سُتا اٹھ کے کوئی نہیں خوش ہندا بڑے ستے جگا کے ویکھیا اے
کُتے جھیا وفادار کوئی نہیں ٹکر سکے وی پا کے ویکھیا اے
در مالک دا ہرگز او نہیں چھڈ دا بڑی وار ترا کے ویکھیا اے
طوطا جدوں وی چھڈیئے اڈ جاندا کنیاں چوریاں پا کے ویکھیا اے
ڈنگ مارنوں کدوں وی سپ رہندا بڑیاں دودھ پیا کے ویکھیا اے
بنا مطلبوں کوئی نہیں یار بن دا بڑے یار بنا کے ویکھیا اے
واہ واہ کر کے ٹر جاندا کنیاں نوں گاؤن سنا کے ویکھیا اے
مزہ نہیں اللہ ہو والی تار جھیا بڑے واجے وَا جَا کے ویکھیا اے

مسجد آکھ دے نیں گھر رب دا اے بڑی وار میں جا کے ویکھیا اے
میںوں کسے نہیں آکھیا آ بہہ جا بڑے متھے گھسا کے ویکھیا اے
گھر رب دا مومن دا قلب ہندا جنہیں جنہیں وی جا کے ویکھیا اے
جگ چھڈ جانا اوڑک قصورمند بڑی عمر ہندا کے ویکھیا اے

دساں کی میں جان بیمار رہندی کس تھوڑی تھوڑی میںوں چڑ رہندی
سک گیا اے ماس وجود اُتوں ہن ہڈاں والی کڑ کڑ رہندی
کھانا جیہڑی غذا نہ چچدی اے میرے پیٹ اندر گڑ بڑ رہندی
نئی نکل دی جان قصورمند اے لبیاں تے وی آکے اڑ رہندی

اَج اوناں دا باغ بکا کھڑیا کھوہ درد دے جہاں دے وگدے نے
اوتھے خودی دی آواز نہیں آسکدی ڈھول عشق دے جتھے پئے وجدے نے
او دوزخ دی آگ توں آگ ڈاہڑی طلب گار عاشق جس آگ دے نے
قصورمند او جلدے نے وانگ دیوے، دیوے تاں اچ قبریں تے جگ دے نے

دُکھ ویکھ کے اپنی زندگی دے، کراں کی ہُن مَر نہیں جان ہندا
افسوس ایہہ لکھے اپنے تے باجھ قسمتیں سکھ نہیں پان ہندا
ڈاہڈا نیہر غبار ویران دُنیا ایتھوں سکیاں وی لنگ نہیں جان ہندا
رہندی چُپ وی نہیں قصورمند نہیں کسے نوں حال سنان ہندا

میری قسمت دی خشک زمین مارو، بدل رحمتوں کدی نہ وسیا اے
اے چڑھیا جَن نہ میری رُشنائی والا میرے واسطے رہی نت مسیا اے
ایسے واسطے چت اُداس رہندا اے آکے خوشی وچ کدے نہ ہسیا اے
مِلیا نہیں کوئی محرم دلاں قصورمند تانیئے راز دلاں دانہ دسیا اے

نہ کر مان جوانی والا دناں دی ہے ای پراؤنی تے فیر نہیں آؤنی
مکھن پالی گئی اے تیری مٹی پٹھ دباؤنی کیڑیاں کھاؤنی
منکر تے نکیر ہوراں جدوں پچھ بہنا ایں دھونی تے اوتھے تیرا کون ای
قصورمند ایں روح تے بُت دی انت جُدانی ہونی تے جرنی پاؤنی

جوانی بہار مَھلاں دی کوئی کوئی رکھدا جر کے صبر کر کے
ساؤ ہوئے بگھیاڑ مریلے عُمر دی بازی ہر کے سب کم کر کے
ہوئی کمزوری ہتھ ڈنگوری اٹھدا پیندا مَر کے ہتھ گو ڈیاں تے دھر کے
قصورمند بیٹکل کدے نہیں وگدے پُچھل کنڈی تے دھر کے ارلی بھر کے

ایں عشق کرخت دے کک آکھے مزہ ساری زندگی دا جاندا رہیا
الہڑ زخماں اتے پا دھوڑاں، مٹھا مٹھا لُون میںوں لاندرا رہیا
قبر وچ وی نہیں سو آرام کہتا دے دے اُتھلاں اُٹھاندا رہیا
انجے لنگ گی اے عمر قصورمند او رُسدا رہیا میں مناندا رہیا

پتہ شاعر

یارو پتہ مسکین دا یاد رکھنا اصلی ذات میری مسلمان لکھ لو
تھانہ روزہ تحصیل نماز میری ضلع میرا تسی وی قرآن لکھ لو
پنجاں تے بارہ دا ہاں خادم کلمہ محمدی میرا ایمان لکھ لو
پنچ تن پاک دے گھر دا بیت ہاں میں وی قصورمند دا وی سلام لکھ لو

شاعر دے پنڈ واپتہ

پنجاب ضلع گجرات میرا جلالپور جٹاں تھانہ، بڑا پُرانا
ذات وڑائچ پنڈ کسوی جتھے میں پیا رہنا خاص نکانہ
شان گمان تے مان کوئی نہیں اے غربی بانا وقت ٹپانا
قصورمندا حال میرے دا واقف ہے آپ ربانہ میں کتوں سنانا

سوہنا نام کسوی نگری جتھے میرا واس پھراں اُداس
جلالپورے دے چڑھدے پاسے ڈاکخانہ وی خاص ضلع گجرات
نام میرے توں لوکی واقف نے سارے ای آس پاس کریں جے خواہش
قصوری درداں دے وچ سڑ دا کسے ڈٹھا نہیں کواس پرت نا پاس

پنڈوں دکھن چڑھدی گٹھ دے اُتے باہر وار اے جگی لگ ملگی
ہر دم شوق بجن دے اندر رہی بول دی اُبی دما دی گگی
توڑوں درد اے مرض پُرانی کر چھڈے جند گگی جس نوں جی
قصورمند او آساں والی کھیت تیری نہ اُگی چڑیاں جگی

مگار بھارت

حیدر آباد دکن سمجھ کے پاکستان تے پیوں للور، بجھی آٹھور
نسدیاں وار نہیں لہی تینوں وچ چھب جوڑی منور، بھلے نی طور
ہر ہر محاذ حواس تیرے دے اڈ گئے طوطے بھور، ڈٹھا ای لاہور
آدم پور، ہلواڑہ قصوریا کر پٹھانکوٹ تے غور چاہنا ایں کجھ ہور

مسلمان بہادر سپاہیاں جیہڑے مورچے ملے، قدم نہیں ہلے
نشان حیدر عزیز بھٹی نے لکھاں حملے جھلے، اک اکلے
سنے سینا تے جزل چودھر کھا بھٹی تے کھلے، پرت نی چلے
قصورمند ہر ملک آکھدا اے ہندو جھوٹے ننگے، ہن ایہہ دو گلے

پاکستان پاک ملک دا ہر سپاہی اے شیر، بڑے دلیر
میدان پیاتے ویکھ لیا ای لادیندے لاشاں دے ڈھیر، نہیں لاندے دیر
فوجی تیرے اجڑاں واگوں کر قیدی لئے جتھیر، غازیوں گھیر
قصورمند جے فرق رہیا ای اک واری تک لئے فیر، کر کے چھیڑ



ہدایت نامہ قصورمند

کہیا رب نے نال میں صابراندے اجر صبر والا تے تا ناہیں
میں ظالم دی واگ دراز کیتی لوں پکڑ لیندا اوچا ساہ ناہیں
بول مرغی یعقوب دا تولیا میں دتا چالی سال روا ناہیں
یوسف سی حسن دا مان کیتا دتا ائی مل پوا ناہیں

سلیمان نوں مان سلطائیاں دے دتے اوس نوں بھٹھ جھوکا ناہیں
کر کے عاجزی معافیاں رہے منگدے دسو بخشا رہیا گناہ ناہیں
ہو کے چورتے چور تھیں چتر بندے گل سمجھدے بے حیا ناہیں
پاکستان چہ ہے ایمان کتھے بھین سمجھدے پئے بھرا ناہیں

ماں پڑاں تھیں ڈر کھاوندی اے نیت کسے دی رہی صفا ناہیں
رہج گیا اے حرام اسلام نٹھا قدر جھوٹ دی، سچ دی جا ناہیں
ہر اک ڈھڈ دی ڈھڈ وجا رہیا پیر اک دھر دے سدھے راہ ناہیں
ہر کوئی اپنے آپ دی خیر منگے، ہور کوئی رہے نہ رہے پرواہ ناہیں

اتوں کرن پیار غدار وچوں جھوٹی چاہ کر دے اصلی چاہ ناہیں
توبہ توبہ کر ٹھگیاں کری جانڈے نالے آکھدے نے لاندے دا ناہیں
زبانی گل ہے مناں تے مانیاں دی بول تولئے اتر دا پا ناہیں
بن کے شاہ تے ظلم کما رہے نے خوف کسے نوں رہیا خدا ناہیں

لیرو لیر نہ اج کشمیر ہوندی دیندے لیاقت نوں آپ مروا ناہیں
دیکھ لئی دا اونہاں دی بہادری نوں کھڑا ہوندا اے جناح ناہیں
مار شیر دتے بنے گیڈر بہادر کھا کھا حرام تے ہوئے پچا ناہیں
بلکھے غریب تے چسکی اے جیب تیری ہادی ایس طرح گئے فرما ناہیں

ایہہ اقبال تیرا وچ زوال آؤنا سدا گل وئی ایسے دا ناہیں
ملی ہوئی کشمیر تقدیر دلوں ہتھو ہتھی توں پیا گوا ناہیں
مسلمان ہیں تے سر میدان ہو جا ایویں حق نوں پیا دبا ناہیں
اولے بھت کیوں بیٹھ کے کریں گلاں واگ عورتاں مکھ چھپا ناہیں

بن حیدر دا شیر دلیر ہو جا ڈر دشمنان دے پیا کھا ناہیں
کردے بلکہ تے انشاء اللہ رہنا ظالم دا نام بقا ناہیں
جے کوئی ہے حیاتی دنیا وچ باقی کوئی سکے ودھا گھٹا ناہیں
عادت تیری وی ایہو قصورمند ایویں ہورناں دے متھے لا ناہیں

ظلم دی دھرتی

سچ رب دا نام ایں حق باجھوں غیر نوں سر نہ سور کوئی نہیں
کلمہ نبی دا آکھ جو کم آوی جیدی یاد بن جھلدی گور کوئی نہیں
غوطے خیال اندر چیکاں مار روناں لبان بند نے میں کردا شور کوئی نہیں
ہر اک دا تا بعدار ہاں نہیں کسے نال میری شرکت کھور کوئی نہیں

گل اپنی اپنے نال کرناں کسے دا گلہ ایہہ گھور مسور کوئی نہیں
ڈگیاں پیاں نوں لوک لتاڑ چھڈ دے ماڑا حال غریب دی غور کوئی نہیں
کردے ظلم مظلوماں تے پئے ظالم اگوں آکھدا اوہناں نوں موڑ کوئی نہیں
لٹیا جائے کوئی پیا دوہائی پائے آکھن سُنن والے سوؤں چور کوئی نہیں

ریا کاری، غداری دے پیک وٹن عدل سچ انصاف دا دَور کوئی نہیں
شُتر لوہب تے طمے دا پھرے لگا جدھی کسے دے ہتھ وچ ڈور کوئی نہیں
دھمے خوریاں چوریاں ہون ڈاکے حکومت وچ پنجاب لاہور کوئی نہیں
مارشل لادی لا غداریاں نوں کیتی اچے تیکر گھرک جھوہر کوئی نہیں

بھوئیں عدل دی تے کیتا ظلم قبضہ رہیا کاغذ پٹواری تے گرداور کوئی نہیں
فصل ایمان دی لالچ مینا دیاں نوں جدھا چھڈیا بھور کچور کوئی نہیں
حلال حرام کی وچے دہائی جاندے چھڈے ڈڈ ڈولا ڈنگر ڈھور کوئی نہیں
عالم دین دے ہتھ پیٹڈ واجہ انگ طمے باجھوں رہیا ہور کوئی نہیں

بولن لائیاں خالی محسبتاں تھیں عربی چن دا وچ چکور کوئی نہیں
مطلب گڑ دیاں ساریاں کھیاں نے وفاداری دے مَہل دا بھور کوئی نہیں
وقت سخت آگئے کاناواں کنسیاندے دانشمندی سخی وچ مور کوئی نہیں
بے ایمانی جوانی وچ کرے خڑے بڑھا ایمان ہو گیا جدھی ٹوہر کوئی نہیں

جدھے مگر مشنڈیاں دُنب چایا رنڈی رن دُنیا جدھا شوہر کوئی نہیں
اُلٹی چال زمانے دے حال وگڑے ہُن سدھرنے دا سدھا طور کوئی نہیں
مَے ترڈیاں گھست کوپت لیا بھلیاں مانساں دا چلدا زور کوئی نہیں
چڑھ گئی سیرا دی پان چٹاکیاں نوں دیکھو چھیڑ کے تے کمزور کوئی نہیں

کال سکال دے بھارنے ماڑیاں تے سکھیں وسدیاں نوں اج وی اُدھر کوئی نہیں
ڈٹھا پھر کے جگ اُتے قصورمندا گناہ گار تیرے چڈا ہور کوئی نہیں

رباعی

حال دکھیاندا کتھے جاندے سکھیں بھر نیندراں سون والے
بن دے میت ناہیں کدے پریت کردے وانگ جوگیاں تے بھون والے
بنا مال، پیار ناہیں ایہہ یار بن دے بازار دی رنڈی تے گون والے
قصورمند نہیوں سدھا بیٹھ رہندے جیہڑے آگئے بن گئے جان والے

شاعر دی آواز

دستے نشان مکان دا مسلمانی وچ وسدیاں نفس کراڑیاں نے
ناہیں عورتاں ساریاں گھسریاں نے مُنہ مرداں وانگوں چھیاں داڑیاں نے
کھلون وچ نماز نہ وضو کھلون دیوں ایویں مفت بھن لوٹے واہڑیاں نے
گذرنا اپنا تھیں مشکل قصورمندا ایہہ تے آتشی پہاڑیاں نے

لوہب دے وچ طمے نے مار چھاپ، مسلمانی اُکی دَب لئی کدھرے
وہڑھی ٹھگی زمانے وچ لٹ پئے گئی گل ایمان والی رہی کھھی کدھرے
خسَد بھنض تباہی دی بادشاہی، گل خُلن محبتاں گئی کدھرے
استھے آپو اپنی پئی قصورمند، گل نفس و نفسی اگے رہی کدھرے

قطعات

راہ رب دی لہدا پھریں آپیں، او لہہ کوئی راہنما پہلوں
کدی خود دا خود نہ ہو سکیں، کریں کیوں خُدا خدا پہلوں
قدم قدم تے تھڑکدے قدم تیرے اک قدم تے قدم ٹکا پہلوں
الا اللہ فیر کہویں قصورمنداً حرف ’لا‘ والا تے پکا پہلوں

کون موڑے تیریاں بھانیاں، نوں جیویں چاہیں سائیاں تیویں کری جانا ایں
نہ ہویاں نوں کرس تے ہوئے فنا کریں، کدوؤں چک لیناں کدھرے دھری جانا ایں

کئیاں دے بھرے کشکول ڈوبل دیویں، کئی بے امیدیاں کاسے بھری جانا ایں
کدھرے بیگناہ سزا پاندے کدھرے قصورمنداں نوں کردا بری جانا ایں

نام و نشان

کھیڈے بال نہ چمکدار لال گودی ایہو غم بیا ہڈاں نوں کھور دا اے
اوتر عمل دے بے اولاد قصورمنداً رہ سی نام نشان نہ گور دا اے

رباعیات

رہے رب دا نام، فنا ہونا یاد رکھ ایہہ روپ سنوب تیرا
اِنج حرص طوفان دیاں جھانجھیاں وچ ہو جانا پھکا مھوک تیرا
ایہہ وی بھل نہیوں اک دن کھل جانا ایں عیاں والا صندوق تیرا
بَن پاڈا پاڈیاں کریں گلاں قصورمند اصل ہے وچوں پولا مھوک تیرا

دنیا دار تے دنیا دا ہے طالب قابو ایس دے پیر فقیر دیکھے
بھیس بدل درویش دا ویس کر کے پئے پالڈے پیٹ سریر دیکھے
لکھاں کن پڑوا کے بنے جوگی اکو رانجھنا سی جیہڑا ہیر دیکھے
ہوندا مرد کوئی وِلا قصورمنداً جیہڑا پیا رضا تقدیر دیکھے

دُنیا ہس ہس اُٹھ کے ملے اگوں ایسی دُنیا تے جس دا آؤن ہوندا
پالیندی جنجال دے جال ایسے خبر نہیں آزاد بے کون ہوندا
بے چین ایسا دن رات کر دی نیند سکھ دی فیر نہیں سون ہوندا
بھلیاں بھلیاں دی ایس نے جلد گالی قصورمنداً کبھڑے اے بھلا کون ہوندا

دیکھے کئی گلار بلار چنگے، لکھدار اچھے تے کردار کوئی نہیں
خالی راگ وراگ تھیں ہین نکلے، درد فکر تے ذکر اذکار کوئی نہیں
آئیے آئیے زبانی ہے آؤ بھگتی، دلاں وچ اخلاق پیار کوئی نہیں
قصورمنداً ہندے سکھاں دے یار لکھاں وچ مصیبتاں وفادار کوئی نہیں

چل چل کیوں چل کھانا ایں دیکھ دیکھ کے کاروبار چلائے
گل پل دی نہیوں سمان دسدے، سورج چن تارے مارو مار چلائے
رات توں دن تے دن توں رات چلائی سے صدیاں پئے ایسے تار چلائے
چلا جائیں گا توں وی قصورمند، اکھیں دیکھ لئے دوست یار چلائے

حسد بُغض دے دیس وچوں نس جانے، خُلق دی جھوک وساناں جہاں
جین دی خوشی نہ مرن دے غم رکھن، آس مشکل کشائی جہاں
رکھی طلب نہ تخت حکومتاں دی سینے عشق ہے مُصطفائی جہاں
رب اُنہاں دا اوہ رب دے ہوئے قصورمند رکھی خودی نہ وچ خدائی جہاں

دنیا دار دُنیا دی طلب اندر، دوڑ دوڑ کے تے پئے ہونکدے نے
مرداڑ دی مار تراڑ اندر اکی دوہجے نوں بھونکدے چونکدے نے
ٹھنڈی جان انسان رُمن لٹن جہاں لٹے محمدی شوق دے نے
قصورمند نبی دیاں عاشقاں تے مولا رحمتاں پئے تروکدے نے

جوڑ جوڑ پیا کرا جوڑ پھر دا، اے اصل ہڈ سجن ہڈ دے نہیں
کلمہ پڑھ کافر مسلمان بندے، کفر لوک اج دلاں وچوں کدھدے نہیں
گتے پئے جاوَن اگوں بندہ بہہ جائے اوہ گتے فیر بندے نوں وڈدے نہیں
بندیاں دی عادت اے قصورمند، بندے بیٹھے نوں وی بندے چھڈدے نہیں

مرزا صاحبان

ونج دھم پئی سنسار او بہناں بہن کھلون تے کھاونا دوہاں اکو گفتار
توں شاہ درباری ایں ماہیاں توں کھیوے دا سردار
تیری پگ نوں کالکھ گئی اے لا پھڈی اے چھوہر گوار
توں مست ہوویوں متا نیا تری چوہدر گئی اے مت مار
کدے رزق نہیں رُسدے مایاں جدوں دھی ہووے مٹیار
باراں چوداں وچ پر نائیے کہیا سی عالم دے سردار

کھیوے خان شیر نوں مار شریکاں نے میل
او غرق اسرے ہو جاؤندے جے دھرتی دیندی ویل
اُنہاں بیٹھ صلاحیں نے کیتیاں گھر سد کے پنج سویل
مرزا کُڑ جائے گھر اپنے اے کہن صلاحیں میل

اوہ بھوندا اے وچ وہیڑیاں پیر جیویں مستان
اُہدی شکل اوہل اے سوخی جیویں کوئی لُڈ جوان
اوہ تھ تھ کے چیرے تے لُکیاں لِف لِف کے کُڑ دا اے ساہن
اُہدی جا پے ڈول کولڑی جوں گوشے ملے کمان
اُو گڑیاں نال گھیو دا نہیں ساؤ مردان

کھیوے ڈیرے اپنے گھل کے سدیا خان بلند
گوشے بہہ کے اُوس نوں پیا کرے نصیحت پنہ

ساڈی عزت اکو سی ماہیاں نہ فرق نہ ونڈ
میں دل دل کے خان شیر نوں آج مر کے کیتا بندھ
نہیں تے ایس نصیبیاں دے چھوہر دی آج خوب بہاندے چنڈھ
جا سوچ بلند خاں ماہیاں نہیں تے ہونا ایں بہت پکھنڈ

گھر آن بلند خاں ماہیاں میل بیٹھا پروار
سد کے گل قیلے نوں آکھدا گل سُن او برخودار
پلیا ہویا جوان ایں اہل عقل ہوشیار
پیو مویاں پچھوں مرزیا کم ہوندے نی پے خوار
مے نے ادھ نیلی دا بٹیا دے کے ڈانگاں دو چار
نیلی سی عربی قسم جو لوڑیوں سی کند کوار
نیلی گرھ ملتان جی اے شاہ رکن عالم سرکار
مے نے او مرزے نوں بخشی اے او بکئی سرکار
جوڑا نواں لوا کے چا کیتا نے خان تیار
زیور پہن چڑھیا شاہ پری تے جا عرش پے چکار
اگو حوراں کھڑیاں نے صفا بن کے او خاطر کرن دیدار
ساڈے وطن آگیا اے لا وطن او عالم دار سردار
کسے جا کے صاحبان نوں آکھیاں کرے سرشار
تیرا یار چلیا ای چھڈ کے یاریاں تے اُٹھ کے کر دیدار

سُن کے سٹ پئی سر صاحبان جیویں گھڑیاں نکور
او جھے جگروں ہائیں نے ماریاں جا کے عرش پئی کنگور
کھا کے گردی ڈگ پئی دھرت تے جوں ٹ گئی پنگ دی ڈور
اوبدے واسطے حشر آراستہ اے کوئی عدل ترازو تول

پے روندے سونین ادا سیوں اُٹھ ٹر وگ پئی
اُہنے جا پیو نوں آکھیا نی پھپھی میں تھک پئی
نی کی ہویا ای میں سُنیا دل بر چلیا میرے چولے چنگ پئی
نی اے ٹر پیائی توڑ محبتاں جدی ملکاں وچ دھم پئی

مائی پیو نے آکھیا نی میں پھپھی جان قربان
مرزا جم جم پیا جائے وطن نوں توں کیوں مہنی ایں حیران
تینوں میں انشاء اللہ میل ساں توں محکم رکھ ایمان
تیری یاری چھڈ نہیں جاوندا او مرداں دا سلطان
بول مرد نہیں ہار دے دے مشہور اے گلی جہان
مرد پے کردے غرضان پوریاں نہ چھڈ دے میدان
اودہ زوراور میر شیر توں او پے ڈر کے بھٹ لنگان
اک لکھ پچوی ہزار وچوں عالی اوبدی اے شان
اہا سایہ اے وچ مجلساں اعلیٰ جیویں علیٰ مردان

ہیو کرے تسلی صاحبان کی کرنا ایس کھیوے
میں جانا ول خان دے جے رکھے مولا خیر
اچرا نوں مرزا گلیوں نکلیا کازے کر کے ٹیر
جانے مرزے کان نوں پئی آندی اوے دے ذرا کو استھے ٹھہر
جانندی وار مرزیا دے پا جا میرے گھر پیر
وے پردیسی ہو کے ٹر پیا ایس واہ واہ رونق سی وچ شہر

اگے تسی جان دے او وچھڑیاں نوں مِلنا اے بھلیاں دی چال
ہیو نال اشارے دے سد کے مرزے نوں لے گئی نال
ونج وڑ دیاں مرزے خان دا کیتا سی درس جمال
جٹ دا چہرہ ویکھ کر ماؤنا سگوں ڈھل پئی سخی سیال
دونویں رو ملے مل کے وچھڑے دم دم گزرے نے سال
دونویں قبلے کعبے سامنے ہتھ بندھ کے کرن سوال
زُلفاں خاص نشانی دے واسطے پئے تک دے نیں خدوخال
دستاں صاحبان نے مرزے نوں اک زر بخت رومال
اک پھلّ دے دے اسان نوں اٹھ کے رُحوالے رب دے کج دن مصیبتاں جال
توں میرا تے میں تیری آں وچ شاہد جل جلال
جھب مُڑ آویں گا زردیوں میں مراں نہ کان اڈال

مرزے نے اگوں آکھیا ہنجو اکھاں توں کیر
آسی ٹساں توں نکھڑے کدی ملاں گے فیر

کھیاں عمر گزاری اے ہن وٹھوں پے گیاں نے ڈھیر
تیرے ماپے میرے نانکے دشمن ہو گئے ودھیر
تینوں سداں دی آ جائیں توں ذرانہ لاویں دیر

صاحبان نے اکھیاں ہن اللہ دے آسرے ہن جاؤ تسی
ودھیا ہو کے کھیو یوں اٹھ ٹریا محبوب
عذر بہانیاں کی چارہ مغلوب!
پوسٹ لے چلے نے کنعیاں چوں پچھوں نکدا کھڑا یقوت
اُونہوں پے گیا ہنیر جہان تے جوں سورج ہو جائے غروب

صاحبان چڑھ کوٹھے تے ویکھدی راوی وطن کدور
کنڈ دتی جاندا اے فی اسان نوں فی اج نین میرے دا نور
جا وِسٹوں سو رہ گیا غش کھا کے ڈگی اے حور
فی امان اللہ پئی آکھدی گوشے بیٹھ تنبور

ماں صاحبان نوں آکھدی لے چر خا جا کے کت
فی کیوں دل لایا ای رون تے جا کھیڈ سیاں وچ ہس
اگے تیرے پھیر دی پے گئی اے مجلساں وچ دس
سڑ کے صاحبان بول دی بس مائی بس بس
وس جدے میں پینا سی پے گیاں اگوں ہو نہ مینو دس
مینوں بھل گیا ای ہسن تے کھیڈنا بخار وچھوڑے دی کس

مائی آکھیا بھیڑے نہ لیں عشق دا ناں
ساک سکے چھڈ جاندے پیو بابل تے ماں
اے اُنہاں توں بھیک مَنگا وندا جیہڑے تختیں کرن نیاں
تے ابراہیم آدم نوں بھل گئی سی ٹھنڈی چھاں
گوپی چند چھڈ کے دولتاں پیا پھر دا نگر گراں
چندڑیں گوشت پکدے نے باکرے کھلیں دال وی لہدی ناں
چھڈ دے کھڑا توں کھل کنگال دا میں لائیں داج بناں

جدوں سی قلم نے لکھیا ہر کسے دا لیکھ
میں کول کھڑی رہی صاحبان اکھیں آئی ساں دیکھ
بھاویں سدنجوی نوں پیچھ لے میرے نال اوہدے نے لیکھ
توں کتھوں آگئی ایں امہڑیے وچ لیکھاں مارن میکھ

مرزا پھنچیا جا داناں باد چیرے کے پند بار
خوشیاں ہویاں مُلک تے پے ڈھولاں دے تقار
مرزا وُجَل دا آ گیا کل کھلاں دا سردار
نصیبو لا سینے مَنہ چمیا اُتوں سٹے روپے سُو وار
چا کیتا سُو غنی غریب نوں تن تن سخی اُتار
مرزے نوں ملن آئے نے نیلیوں چڑھ کے کئی دے سردار
واگے، بھٹی، کاٹھیے، ڈوگر، ورک شہار
وڈاچ، گھمن تے با جوے بصال لالی کلیار
مرزا نے خَلق دے کے ساریاں چا کیتے نے لائق وار

مرزا واقف ہو گیا ملک دا مِلّت پئی ہرنال
ڈیرے بیٹھا رہندا اے لا کے مجلساں پیو دادے دی چال
اُتوں راضی باضی جاپدا وچوں مالم رب نوں حال
کھیوے کدی کدی ٹرا جاندا لو بھی درس جمال
اک وار محبوباں دے ڈٹھیاں عاشق مست رہندے سو سال

مرزا خان کھیوے سی گھر مرزے دی بہن جوان صاحب حُسن سلطان
کچھے رُلدی رہ گئی سی پتہنی پیو کر گیا چالان
اجے منگی پرنائی مول نہیں کدے ماؤ نہیں دھریا نام
متے لاگی کتے چچ مار کے ذات صفات وُجَنان
نالے لوک مارن دے بولیاں اُج رنڈی رن پروان
آپنی بہن دیائے گا گھر آکے مرزا خان

مرزے آ گھر ٹکا ٹوریا جدی باہمن ڈوم
ونجو پنڈی بھٹیاں کن کے رسم رسوم
خان دُھلے دا پوترا رہ رستم کرو معلوم
اُہدے منہ مسری وُج لاؤنی دن متھ کرو قیوم
توڑے ماہ مہینہ اے سفر دا منع نہیں وُج علوم
چنوں سولہویں تسی ڈھکو گھٹ ہجوم
مینوں پتہ نہیں اپنے آپ دا میرے ہو گئے تالیا شوم

ٹنسی چب آجاؤ کم نرپیے میرے سروں لے ویسی بھار
میرا بُت راوی تے روح کھیپوں کدی نہیں ونجدا بار
مینوں پیا کھیپوں سدا آؤندا تین سو تے سٹھ سوار
میں انہاں دے نہیں مقابلے میں بیٹھا ہمت ہار
میرے بدن تریلی دم خشک نے میں کونو ویں لاچار
مینوں سدا پیا حساب دا ڈاہڈے دے دربار
میرا غلط سارا روزنامچہ پلے اک نہیں درہم دینار
مینوں آسرا آل رسول دا جوں سر دفتر سردار
کہو کلمہ دلوں زبان بند منہ توں علی پکار
نہ ڈر حشر حساب توں دل توں خوف اتار

اُتھوں مرزا تہمت ناک ہو ٹر پیا راوی دے کان
مے ٹور دتا نال زور دے چھڈ بُت روح ہویا روان
مرزا گیا تے کھیوے دے چوہدری سد کے بیچ بلادر تے خان
زل کے ہندو تے مسلمان چا کیتی اے عرض بیان
نڈی ہوئی وڈی پر نائیے کتے چنگا ڈھونڈھ مکان
آس پاس چناب دے پے دانے عقل دوڑان
انت چٹالے چدھڑیں جا کے ہر دا پوے دھیان
آکھن سچے ناک دادیو دل ملے تے لاگی چاٹوریے کھیوے نوں فرمان

کھیوے اگوں آکھیا سر چشمہ اُتے چھل
اگے میری وچ دلیل دے ایہو آئی گل
کوئی وقت مبارک دیکھ کے اُتھ ٹکا دیو کل
لاگی سدا وھاڑا سمجھ کے دیو ٹور چٹالے دے ول
لائق چیز جیہڑی اے دیو نی لے ٹورو رہ شکل

چب جادو چٹالے جا کے اپڑو جا کے میرا دیو سلام
چندر بیٹا جے بہیل خان دا اُہدا خان طاہر جے نام
اُہدے منہ مسری ونج لاؤنی کتو پھیر انعام
اکو دن کر آوناں استھتھے چیز تیار اے تمام

لاگی اُٹھ ٹرے تے ونج اپڑے آکے چندر دے دربار
انہاں سلام آیسوں گزر کے کیتے دار مدار
مسری لائی منہ چھور دے پھیر ونڈے لاگ وھار
کڑمائی گنڈ اک روز دی گن مٹھ لے نے وار
وار منگل تے چن تیرھویں کیتے نے پک نہجال
اگوں ایتھو گل کی سنائی ایں استھتھے گلاں دے ڈھیر کھلار

لاگی ہو و دیا آپڑے کھیوے مثل پلنگ
انہاں سلام آیسوں گزر کے گن دیا اے مند چنگ
جان آون تے کھان پین خاطر تے خوش رنگ
نین گرہان دوہاندا عمر شکل دا سنگ

تے دونویں گھریں تیا ریاں لگ پے نے ہن سمیان
ادھر چندڑ بہلا ادھر کھیوا خان
کیو گرو آنا تے بکرے تے میدہ چاول جام
تنبو تے چھول دریاں ہور کئی سائے وان
مہری نے مٹھی نین نوں سدیا تے او لگ پئی پھل چھٹان
دن ڈھل گیا ہو پیاں ڈیگراں مٹھی لگی اے گھراں نوں جان
لے مہری ہن میں چلیاں میرے روندے ہون نادان

مٹھی نکل پئی ویڑیوں ٹہل گلی نوں سہن
نور ناں سہیلے صاحبان دی گل سنی اک بہن
تیرا قدم پندرا پیا گھل کے جیویں سیانے کہن
اج تے سچ سچ انج پئی جاپ نی ایں جیویں ویا والے گھر نین
اے گل کیتی نور نے دونویں کیتا کیں ہس پچن
مٹھی نے اگوں اکھیا توں تے وا وا ایں وانگ اولیاء
میں تینوں دساں کی کھول کے صاحبان دا ای شروع ویاہ
کیتا نے ساک چٹالے ول چندڑاں صاحبان تو رکھے نے بھید چھپا
کھیوے مہر نے نال طاہر دے دینا ای کر نکاح
صاحبان نور دینی نال زور دے ڈولی دے وچ پا
صاحبان پرڈنی گج دن دی ایس دم دا نہیں وسا
ہمدرد سہیلی صاحبان سیال دی جہری نور سی
ایویں اُہدے دل وچ ڈنڈول پھرن

اُنے آکھیا میں صاحبان نوں دساں نی گج نیوں رہیا
ادھر شاماں ویں ہو گیاں تے ساریاں چاگاں بھاگاں
کھسکیاں ہو گیاں تے باہر جنگل بہن جاندیاں نے
تے آندیاں نے نی صاحبان نمائی نوں بلاپو
جس ویلے صاحبان سیال تے نور دکھیاں ہو جاندیاں نے
صاحبان سیال نوں نور آندی اے ککھ نیوں رہیا
ناتا صاحبان دا کر کے چندڑیں گن متھ آئے نے وار
کوئی دلی سہیلی اے صاحبان دی معلم کر کے اسرار
جا پاندی اے چنگ بارود تے پچھ تے سٹ مار
انہوں گوشے بہہ سمجھاؤ ندی نی سُن گر یے ٹیار
تیری تے مرزے دی اے دوستی ٹٹ گئی اُلفت کار
تیرے باپ نے کاج اے رمیا تینوں نہیں سُر ت نہیں سار
بھلکے چٹھ چندھڑاں نے آوناں اے ڈھول نگارے مار
نی جج ڈھکے گی کرما مہیاں ونج دھم پوے سنسار
تینوں پا ڈولی پیو ٹری توں گنڈھ حیا دے ساڑ
توں نال کھل دے صاحبان کیتا سی اے اقرار
میں گولی باندی آپ دی جدی خدمت گار
میں چوہڑی آں داناں باد دی پئی ہونجیاں دی گلی بازار
توں آندی سین اوہ دن چڑھے گا لہدیوں جدوں میں دیسیاں یارو سار
اے گل کیتی نور نے تے لگ پئی رون ہکوریان مار

سیاں نور نوں پچھیا کیسا اے گھور مسور
صاحبان روندی تے پئی ڈسکدی کیسے کر دی شور
نور نے سیاں نوں آکھیا گل نہیں کوئی ہور
اسنہوں یاد پئی گل گن دی ایسے گل دا دلاں نوں شور
سب نکلے وڈے جاندے موت جیتی دی جوڑ
سدا رہنا نہیں وچ جہان دے اوڑک ڈیرے نے گور

رُباعیاں

پلیٹ فارم کسے نے آکھیا سنگل ہو گیا گڈی آرہی اے
روندے کئی ویکھے چھڈ گئے روندیاں نوں پڑھ گئے گڈی جا رہی اے
کئی وچھڑے میل دی اے مدتاں دے وچھوڑے عمراں دے کیاں نوں پارہی اے
وسل کوچ دے کرے قصورمند اوجاں مار دی موت بلا رہی اے

سمجھ دُور نہ آئی کہ آئی گڈی پلیٹ فارم تے رہو تیار ہوکے
پچھکا ایمان سنبھال کے چڑ جاویں گنڈھ کپ تھیں رہو ہوشیار ہوکے
ٹکٹ ایمان دی چینی آں لوڑ اوتھے گڈی آخری تے سوار ہوکے
سفر عمر دا نبیڑ قصورمند ہر اک دا تابعدار ہوکے

چل چل دا ٹل پیا کھڑک دا اے توں جیون تیں جتھ دھو نہ ذرا کھلو
اے دُنیا ساہ سکھاں دا نہیں تے اکو لوہنی اولو جیٹھ کی پوہ
تیرے دلوں چنگے چنگے لکھاں گئے نی ہو اک نہ دو
قصورمند او چکھدا ای ذائقہ موت دا اتھے آیا جو مرے گا سو

چل چل دا ٹل پیا کھڑک دا ای اصلی وطن ول مہار موڑ اپنا
ایویں راہ وچ پیر پسار بیٹھاں ایں جوڑ ہور نہ نال نہ جوڑ اپنا
بگل موت دا وجدا غافلا اوئے اُونہوں سُن تے چھڈ دے شور اپنا
بن نہ نادان قصورمند ایتناں رب دے نہیں کوئی ہور اپنا

جس دن دی ہوش سنبھلی اے ہڈ نہن نہ کیتی کوئی کار اے جی
کوئی نیکی دا کم وی نہیں کیتا کماں مندیاں نال دیار اے جی
سب شہر دے لوک نالائق آکھن آکھن آدی اے بے کار اے جی
قصورمند مولا میرا فضل کرسی بندہ بچ کے تے گنہگار اے جی
گلاں درد دیاں کراں میں رب جانے نہیں کوئی شاعری دا فخر بخار اے جی
قدر سخن دی منصف جان والے جانے کی جو ہے گنوار اے جی
سونہا کول صرافاں دے جائے جدو دیکھن او کسوٹی تے یار اے جی
قصورمند آکھن بکواس کر دا سُنن والیاں دی اے گفتار اے جی
دلا چھڈ توں پر ہاں قیاس ایسے ایویں ضائع نہ وقت گزار اے جی
آپے سنن گے دلاں تے کن دھر کے تیرے وانگ جو دکھی دکھیار اے جی
ٹنک دلاں نوں قدر کی شعر دی اے لگے ہوئے جہاں نوں جنگل زنگار اے جی
قصورمند جو کسے نوں نند دا اے نندے آپ جاندے رب دی مار اے جی
ہوئے غلط لفظ تے نہیں اعتراض کرنا دوستوں بے علم تے اُن پڑھ آں میں
ملیا نہیں کوئی کاری گر کامل ایس واسطے رہیا اُن گڑھ آں میں
گئے وانگ کما دے شکل میری کھوکھا رساں ہاتھوں وچوں نر آں میں
قصورمند بھریا کدی بولدا نہیں سکھنا کردا بھڑ بھڑ آں میں

میں بے علم تے تسی او علم والے میں بات کرنی تاسا ہنا ہے
کیوں اکھیا واڑے کسے نوں راہ پاندے بھلا اتہیاں راہ کی دنا ہے
ھوکا اپنی کھاری دا دئی دا اے جو گج کول سودا اگے رکھنا ہے
کوئی پیا مار دا ڈگا اے بولدا اے قصورمند بھانویں ڈھول سکھنا ہے

دیکھن والیا پوزیشن نہ دیکھ میری وچوں ہاں غریب مسکین والا
بے ہنر بے پر بے آسرا آں دساں کی جو میں سنیں والا
نہ کوئی زور نہ مان مخول مینوں ارادہ ہے یتیم مسکین والا
اوتے نہیں کوئی علم یاد قصورمند حرف یاد اے الف تے میم والا

غفلت دراز خوشی دیاں خواہاں تینوں کدے صبح نہیں تھیں
گلیئے کھنگ بخار مروڑا جیوں پھر دے موت دے سمیں
اتن چیتی دہین سنیوڑا وسدیاں آئیں جیں
قصورمند توں نام جپ لے متے زندگی جائی نکمیں

میں تیری توں مالک میرا تویں میرا سائیں ہور کوئی نانیں
اکو مینوں آسرا اے ذات تیری دا تیریاں بین پنہیں چھڈ نہ جائیں
مندے عمل میرے دیاں گلاں یارو ہون تھائیں تھائیں توں پردے پائیں
قصورمند میں قصوری بندہ اوڑک ہاں گناہیں توں کرم کمائیں

جن دوتے تانہنگاں اندر نہیں دل وچ درد سمجھاں ڈھا ڈیاں وتھان
دھروں کمزور قسمت دا تھو آگوں کھچاں تے پچھوں دھگلاں

پہنچیا نہیں منزل دے اُتے رہیاں دل دیاں دل وچ لمیاں وتھان
قصورمند میں جن بدلے تھان تھان بن قیمتوں وکال دندیاں رکاں

ایدھر ادبھر دھیان میں مار ڈٹھا میرے جیا نہیں کوئی غریب آیا
جے کوئی ہے غریب تے غریب اے اوہ میرے جیا نہیں بے نصیب آیا
میری ویکھ زحمت احمق دی افسوس کر دے خورے کیوں نہیں میرا طبیب آیا
اوبدی وچ اڈیک قصورمند میری موت دا وقت قریب آیا

شیخ سعدی نوں کسے نیں پچھیا سی، حالت کیہ میری سرکار دی اے
آگوں ہنس کے سعدی کہن لگے، ڈھیر لائی اُس موج بہار دی اے
جیدیاں نعمتاں کھا کھا دند ٹٹے، جیب ذرا نہ شکر گزار دی اے
شکر چاہی دا اے قصورمند کرنا، ایہہ ریت وی رب دے یار دی اے

بھلی، بری گزار کے جگ اُتے، اساں کیتیاں آج تیریاں نیں
دو گز زمین وی نال قسمت، توڑے، مانیاں، حکم، سرداریاں نیں
جو بیچنا ایں، اوہی وڈنا ایں، گلاں عافلاں سچ نتاریاں نیں
قصورمند دا گھر تعمیر ہوئی، نہ کوئی بوہے تے نہ کوئی باریاں نیں

نزدیکی سمجھ کے جہاں نوں نزدیک ہو یا جڑاں میریاں اوہو اکھڑ دے رے
وفاداری نال رسی پیار والی میں وٹ دا دیا اوہو ادھیڑے دے رے
جانبدی وار نہ داغ پریت لگے، میں دھوندا اکی ریا او لکیر دے رے
ٹنڈاں سکھیاں ویکھ قصورمند ایویں کھوہ خیالاں دے گھیر دے رے

شکلوں شیخ درویش بگیاڑ نیتوں توبہ اللہ ایہذا ہیر پھیر ہونا
سخی داتیاں وانگ پیا ظاہر دے باطن لکر نہ وچہ چنگیر ہونا
ساڈے وچہ اہو وڈیاں خامیاں نے ہونا گیدڑ وکھالا شیر ہونا
قصورمند تُو ڈر رب کولوں نیوں جمنہ جگ تے پھیر ہونا

تیرا لال چہرہ نظریں آوندا اے بے مثال جیوں مَہل گلاب ورگا
سورج وانگ پیا چمکاں مار دا رہے حُسن یوسفِ معر مہتاب ورگا
لکھاں ہور وی شاعر نے جگ اُتے ہونا کوئی نہیں تیرے حساب ورگا
باسط میر اے شعرِ قصوریاں دا کتوں ملیا نہیں تیرے جواب ورگا

پئے گئے مینوں میں ای بھگتے نے ہور پیڑ کہنوں میرے دُکھ دی اے
حصے غماں وچوں کس ونڈے نے کیتی سانجھ نہیں کسے سکھ دی اے
میں نکی نوں درداں دے پندھ ملے نہ اے مکدے نہ اتر سکدی اے
قصورمندہ ایس مندے بخت کولوں میری جیوندیاں جند نہ پھدی اے

گھٹ جان دے راز محسباں دا علم کتاباں دے قائل جیہڑے
اودھی رمز انوکھڑی سمجھدے ناہیں پڑھے لکھے زمانے دے جاہل جیہڑے
عقّہدے کھلے کدی نہ بھلے دے نے پئے گئے اصلی قیل و قائل جیہڑے
اودھناں دی دُور پرواز قصورمندہ در حضور دے اُتے سائل جیہڑے

تیری حد اے فقہ دی سد سانوں جیہڑی حد دے اُتے کھلو سڑیا ای
کہیا بے وفائی والا صابن وفا دے داغ نوں دھو سڑیا ای
راضی رضا دا موتی آں پیا چمکاں جیہڑی لڑی دے وچ پرو سڑیا ای
نہ اپڑاں نہ مکدا اے پینڈا قصورمندہ جیویں بیل خراس نوں جو سڑیا ای

بجن جہاندے سنگ تروڑ جانڈے بہہ جاہن ایہہ ڈھیریاں ڈھا کے تے
رون دھون کھلون نہ نین چھم چھم مل جان او بچاں آ کے تے
قصورمندہ شائد کچوں مڑے پنن پہلوں مرے سسی تھلیں جا کے تے

رنگو رنگ اے رنگپور کھیڑیاندہ جتھے وسدی رانجھے دی ہیر سونی
بند بند تے مار دا حسن لاناں جگوں وکھری اوہ تصویر سونی
حوباں جگدیاں تاریاں وانگ سبھے وچ چمکدی بدر منیر سونی
وچ سوہنیاں قصورمندہ وچ سوہنیاں دے ہے او پیر سونی

شعلے ویکھ نقاب وچوں عاشقاں نوں بھانہڑ وچ محسباں بھڑک دے رہے
جھلی جھال نہ موئے کلیم اللہ جلوہ ویکھ بے ہوش پھڑک دے رہے
واسا قدرت قدیر دا پرہان کدھرے ڈور عقل دے دریاں ای کھڑک دے رہے
قصورمندہ اوتھوں آپ گئے اگے جتھے جبرئیل چنے دی دھڑک دے رہے

حوالہ شہر خاموشاں

کلام بابا قصورمند

دیکھ کی سی کل تے آج کی اے ایس بات نوں کر دھیان اندر
سودے حُسن دے جتھے پئے ٹلدے نیں گھڈاں پینیاں اُس دکان اندر
جتھے شاہ وجود دا تخت کردا اَلُو بولنے اُس مکان اندر
قصورمند کیوں آکڑاں کریں ایویں سدا رہنا نہیں ایس جہان اندر

اپنے آپ نوں چنگیاں سمجھنا ایں نہیں ہور کوئی تیرے دھیان اندر
رہندی رب دی اوس ویلے یاد نہیں جدوں خودی دے پھریں میدان اندر
رہناں میں نہ توں قصورمند اک دن دونویں ہوواں گے قبرستان اندر

کر گئے کوچ نیں شاہ گدا ایتھوں اکھیں دیکھ لیا ای کیہوا ظن رہیا
گُج دے ہتھوں آج ای جتھے تیرے جاندی وار نہ ہتھ کوئی کن رہیا
اوتھے پیاں لوڑاں فیر توں آکھنا ایں میں کاس نوں جوڑ دا دھن رہیا
دن رات دے وچ تیاریاں نے قصورمند وی بستر بھن رہیا

جے ایتھے آیا ایں تے دکھائیں نہ کسے دا دل نیوں ایتھے نت پاؤنا پھیرا
دکھائیں نہ کسے داچت نیوں ایتھے نت آؤناں جوگی وانگ پھیرا اکو ویر تیرا
گھوڑے زندگی تے آج سواریاں توں پلکے ہودنا ایں مٹی دا ڈھیر تیرا
تیرا کون جہڑا پچھوں یاد کرسی کس لینا پھر نام تیرا
قصورمند مویا کہ غیب ہويا کوئی پچھے گا سُن کے شعر تیرا

اک دن شہر خاموشاں دے وچ دی نال اتفاق دے پیا ساں لنگ
اک مکان وچوں اے آواز آئی اڑیا ایڈے نہ شان دکھا کے لنگ
جے توں میں ایمان قرآن والا تے میری قبر تے ہتھ اٹھا کے لنگ
نہیں آکھیا مَھل چڑھا جاویں نہیں آکھیا شمع جگا کے لنگ
لکھیا وچ قرآن حدیث جیویں بیویں توں وی حکم بجا کے لنگ
متے معافیاں ملن قصورمند کلمہ نبی دا مینوں سنا کے لنگ

سُنی اے آواز تے حیران ہويا اونہاں پیراں تے ای کھڑا رہ گیا میں
کی اے سر اسرار کی بات مخفی سوچاں دلیلاں وچ پے گیا میں
قلعہ خودی تھیں بہت بلند میرا وانگ ریت دی کندھ ڈھے گیا میں
تے اگاں ٹرن نہیں ہويا قصورمند ٹہو قبر نال لا کے بہہ گیا میں

بیہڑی قبر نال لا کے ٹہو بیٹھا ساں اپنی جند حیران غلطان کر کر
اوس قبر چوں پھیرا آواز آئی لگا سنن میں غور دھیان کر کر
پی کے بہن والیا بھار نہ پا اُتے ایڈے مان تے شان گمان کر کر
تیرے وانگ ساں اسی وی وچ دنیا پھر دے ہوندے ساں ناز تے شان کر کر
اسی اج موئے تُوں پیا جیونا ایں مار نا مویاں نوں ظلم طوفان کر کر
عذاب قبر نوں دینا منع کیجا ای وچ حدیث دے نبی بیان کر کر
من نبی دا حکم رب نوں جان نیڑے ساڑے گا دوزخیں سینہ عرفان کر کر
تے حکم رب دا جہاں نے منیاں نہیں گئے اپنے حکم روان کر کر
وانگ ابلے دے لعنتاں لکھ اونہاں رڈے دواویں رب، شیطان کر کر

حکم جو رب رسول دے نیں گلاں دسدا پیا قرآن کر کر
 ہوسن او بے ادب پئے وچ دوزخاں دے روندے پئے قیر و فغان کر کر
 تیری ہک اُتے سڀ لیلیا کی پھریں طپتیاں ایڈ مستان کر کر
 کوئی کر نیکی پار نہ لگتاں ای گلاں نریاں نال زبان کر کر
 اوئے اک دن کل ساڈے توں دو آجانا ایں حرص طے دے، حساب مزان کر کر
 ایسے زمین دے وچ غرقان ہو گئے کئی شاہ تے حکم سلطان کر کر
 شہاد فرعون وی نہ رہے اتھے خدائی دعویٰ وچ جہان کر کر
 سنے تخت ہوا وچ ہوا ہو گئے بادشاہی پریاں دی سلیمان کر کر
 سب موت دے منہ چڑھ آئے اتھے شاہو کار ہٹ کراڑ دوکان کر کر
 اگے موت دے کنڈلوائی جاندے ڈنڈ پیٹھکاں زور پہلوان کر کر
 ایس رن نوں فتح نہیں کسے کیتا گئے، ہمتاں کئی جوان کر کر
 درہ خیبر جہاں اُکھیڑیا سی مرحب نوں تنگ میدان کر کر
 شکل پئی اونہاں دی دسوی ظاہر نہیں دعوے کوڑ دے بہن انسان کر کر
 رہندے انہاں دے نام نشان روشن جیہڑے ہتیاں گئے ویران کر کر
 سکندر جئے وی رہے نہ قصورمند فتح جنوب شمال ہندوستان کر کر

ہیر پھیر دا پھیرتاں فیر آؤندا ہتھ یقین دا ہتھ نہیں
 پٹھے پھیر گمراہی دے پھر جاندا چتر نکلا او چک دا پتہ نہیں
 نکل جائے پتہ تاں گُج پوے مٹھا لگ لگ ہتھ، سجدہ ہی نہیں
 آیا ہتھ جد ہتھ قصورمند ہیر پھیر دی فیر کوئی کتھا ای نہیں

اوس شہر غموشاں دے وچ جا کے میری ہو کے جان حیران دیکھے
 کچھ پکیاں عمارتاں پئے گچ ہویاں گچ کچے وچ بہت مکان دیکھے
 کیاں دے سن اُپے ڈھیر بٹھیر ہوئے کئی ہو گئے صاف میدان دیکھے
 کرے دیوا نہ بتی نہ لو لگ دی کدرے جلدے نہیں شمع دان دیکھے
 اینہاں اکھیاں دے نال جگ اُتے جے کدرے شان گمان دیکھے
 کدرے ظلم غریباں دے نال آہے نالے خود خدا کہاں دیکھے
 گیا اوس میں شہر دے وچ جدوں مٹے کل دے نام نشان دیکھے
 کون شاہ تے کون غریب یارو اُتھے کوئی نہ کر دھیان دیکھے
 جیہڑے اک بھل وی چک نہ سکدے سن پئے انہاں تے بھار طوفان دیکھے
 کئی مورتاں صورتاں سو بنیاں سن حسن جہاں دا اے جہان دیکھے
 وچ بدن گلاباں تیں انہاں سندے وچ مٹی دے کیڑے پئے کھان دیکھے
 آیا خوف مینوں موت یاد آگئی جدوں ایہو جئے ساز و سامان دیکھے
 رلنا اساں وی اینہاں دے نال آکے باریک نظر کر جے انسان دیکھے
 قصورمند نیک کر عمل کوئی دکھ دوزخیں پئی نہ جان دیکھے

کشف قبریں دا سجنوں نہیں مینوں اے گل خود میرے خیال دی اے
 مرناں یاد ہے جس انسان تائیں گل اوس دی مویاں دے نال دی اے
 حال جان دے نے جیہڑے جان اتھے مینوں خبر کی انہاں دی حال دی اے
 قصورمند پیا سنی سنائی کردا پر آندے نے گل قرآن چوں بھال دی اے

پاک سستناں آکھیا سنگیاں دے یارو توڑ بھاندے سنگ جاییے
مر گیاں وی پالے ج دوتی وی ایویں نہ دلوں بھل جاییے
کدی سنگی سی او سے دے سنگ رلنا اے اوہدی قبر دے کولوں وی لنگ جاییے
پڑھیے دور محمدؐ اور محمدؐی آل اُتے قصورمند واسطے وی دعا منگ جاییے

گلاں مل دیاں جیہڑیاں ایویں جاندیاں ڈلدیاں اے نے گلاں مل دیاں
سمجھاں والے سنن وچوں ہیرے موتی پئے چن کوڈیاں کدے نال لعلائیں تلدیاں
جان دی اے بلبل چیل نہیں جان دی قدراں گل دیاں گلاں نے مل دیاں

حکم رب رسول دا اے اوہ نہ فرض سمجھیں اپنا دھندیاں نوں
حشر نہیں رویت کفایت ملتی تیرے جیاں گندیاں حرص پسندیاں نوں
دل کالا دکھالا اے نیک تیرا ایویں لاج پیا لاناں ایں چنگیاں نوں
بندہ رب دا بن قصورمند کی بن بن دنا ایں بندیاں نوں

دُنیا اُنی اے اوس اُنی مائی وانگوں بڑا گجھ زبانی رٹ جاندی
ایہہ کردی اے کم دکھالیاں دے حق سچ دے محلے ذرا گھٹ جاندی
بھانڈا اُنی دا ایمان نہیں صاف رہندا پئی شک دی پوندی تے لک جاندی
مشہور ایہہ مثل قصورمند جو کجھ پیندی اے اُنی گُتی چٹ جاندی

دنیا ایسے دا نام کسے نوں نند دی اے اپنے آپ دی وڈھیائی دیندی
میں جگ وچ پھر کے دیکھیا اے ہر اک اپنی پئی صفائی دیندی

اندر جھوٹ ہووے بھادیں اُونٹ جیڑا زبان بوہے چوں سچ دوہائی دیندی
دے جی دی نہیں دی دا پتہ قصورمند بھادیں جم کے دودھ رہی مائی دیندی

اِنچ دسیں جیوں توں مر گیاں نال نفس دے لڑ کے
ہے ایڈ معلوم گل خاص طمعے دی وانگ وکیلاں دے گھر کے
کجھ کھٹ گیاں کے گل گیاں لکھ لکھ کے پڑھ پڑھ کے
قصورمند عیبی اے دُنیا کی لیا ای ایس ویڑے وڑ کے

گھلے پین نو گلیاں نوں ہر مجلس گل والیاں دی گل ہو رہی اے
دبایاں گھٹیاں جھمی نہیں گل رہندی دکھو دکھو اوہ دھم خوشبو رہی اے
ہنیرے گل تے موت نہیں پاکی قبریں وچ وی کردی لو رہی اے
گل والے دی گل قصورمند اِج وی عیب جہان دے دھو رہی اے

رنگاں والے دے رنگ نہیں دیکھ سکیا، طالب رہیا چنے، کالے تے سوئے داواں
گلاں علم والے شہر دیاں کراں کیوے دیکھن والا میں باہر دے بوئے داواں
عملاں دا ویری تے گُناں نوں کُتر ناواں، قابو ایس رعب دے چوہے داواں
سمندراں دا نہیں جانو قصورمند واقف چھپڑی تے دُڈو کھوئے داواں

بندہ جیوں لئی کردا اے جوڑ جمع، ٹھگی مار کے اک دن ٹھگ جانا
تھک ہار کے اک دن ڈگ پیندا، سراں اُتوں جو اُڈ کے مگ جانا
نازک پھل حیاتی مرجھا جانا، جھولا جدوں کوئی کو دا وگ جانا
قصورمند وی آ تیار ہوئی، اکھیں دیکھ کے جدھر نوں جگ جانا

ش شوق محبتوں کھچ تاراں جہاں ساز وجود دا سر کیتا
ہر ہر ساہ وچوں راگ وراگ بولن طبلہ طبع نہیں بے سر کیتا
جاون ورنج مطلوب مقصود پاون کامل پیر جہاں عشق گر کیتا
ہوئے انج تے ہوئے کیوں نہ منظور قصورمند جیویں صدقہ حسین توں حُر کیتا

ساز وجود دا تاں ایں سُر ہندا اے جے کر ماریئے اندر دا چور پہلاں
ہو فناء بقاء تے نظر ہووئے ہون جیون دا مٹ جائے شور پہلاں
اوس گل دا گل نہ کوئی گٹے چیدے ہون تھیں ہو جائے غور پہلاں
تاں ای سُر اے ساز قصورمند جے فیئر تے دے سو گور پہلاں

خوشی بانج نہ لبہاں تے آن ہاسے، دکھاں بانج نہ رونے روئے جانے
درداں بانج نہ کالجے چھیک ہندے، چھیکاں بانج نہ موتی پروئے جانے
کرماں بانج نہ کھیڑ دے لعل جھولی، جھولے پا نہ جھول جھولے جانے
پتر ہون تے جگ اُتے ناں رہندا، پیسے نال نہ دھونے دھوئے جانے
دودھاں بانج نہ کھیر طعام پکے، جاگاں بانج نہ دودھ جموئے جانے
جھھاں بانج نہ مچدے رنج کسے، پیڑاں بانج نہیں بجن ٹوئے جانے
بلداں بانج نہ جان کھوہ گریڑے، کھیتاں بانج نہ بیج بوئے جانے
تیغیاں بانج نہ جان میدان جئے، بھانیاں بانج اے چھون نہیں چھوئے جانے
موتاں بانج نہ قبریں ہون واسے، اکھیں دیکھے نیں اوتھے موئے جانے
قصوراں بانج نہیں بندہ قصورمند، رب بانج نہ عیب لکوائے جانے

جان والیا تیری خیر ہووئے جان لکیاں انج تے جائی دا نہیں
جائیے دلاں دی سن سنا کے تے وہم کسے دے دل وچ پائی دا نہیں
جے ہووئے خطا تے بھلا دیئے جان بجھ کے دل ٹھکرائی دا نہیں
قصورمند سیانیاں آکھیا اے حساب بچا نال مکائی دا نہیں

ایس دکھ درد اساڈے دی آئی سمجھ نہ کج سیانیاں نوں
نبض وکھ کہندے تینوں کج وی نہیں پرچائی دا اے جیویں ایانیاں نوں
روگ اندروں اندر ای کھائی جاندا جیویں کھرا کھاندا اے دانیاں نوں
دسے کون قصوریاں دا حال جا کے بچنا بیلایاں یار پرانیاں نوں

وگے اخلاق پیار دی ہوا ٹھنڈی خودی دی رہوے نہ بو اندر
دوئیں تھیں دور وڈھیائی دے ملک توں لنگ اگے چات پیندی اے فیئر اوس جواندر
صدق ماپ تاں دی پھڑ کے تند کچی لمک کے وکھ ہاروت دے کھوہ اندر
اکھاں بند کر نگاہ دے لے تے سٹ قصورمند آپے بچنا دی پوے گی خو اندر

دانے پا کے تے چُچ چُچ کر کے ظالم جال دے وچ پھنسا لیندے
دے فرق نہ عالماں ظالماں وچ متھے رگڑ کے انج گھسا لیندے
ساری زندگی اے رواندے نیں چند دن جو پہلاں ہنسا لیندے
قصورمند جو نسل دے اصل ہندے گل صاف او دس دسا لیندے

اک گل تے سجنا دس مینوں کیہوے مسلک دے نال اتفاق رکھنا ایں
اَرکاں، گوڈے دھو کے مونہہ متھنا نالے مونہہ وچ پائی مسواک رکھنا ایں
نہا دھو کے کڈھنا ایں چیر ڈنگا نالے پائی توں چٹی پوشاک رکھنا ایں
اے کتھے دا انصاف اے قصورمند اکھوہ پلید تے آلوؤ نوں پاک رکھنا ایں

توبہ توبہ اینہاں دے راہوں توبہ پاند علم دی جہاں نوں چڑھی ہوئی اے
تیز دھار گفتار زبان رکھی خشک بولدے طبع وی سڑی ہوئی اے
ادب، غلق دے دیس وچوں گئے وانجے بے خبر حاسد لگی چڑھی ہوئی اے
اپنے جہیا حضور نوں کہن قصورمند پڑی گل کیہڈی اینہاں پڑی ہوئی اے

دشمن جم دیاں لگ گیا اے مگر میرے کڈھ چھڈیا سو پھڑ کے دھوں میرا
اپنیاں بدیاں گناہواں دی کیہ گل دساں خالی اک نہیں بدی توں لوں میرا
کیویں معافی منگاں تیرے ول مونہہ کر کے لائق ایس نہیں رہ گیا مونہہ میرا
بھانویں کڈھا قصورمندی آں یا مولا، فیئر وی مالک ہے توں میرا

ماں دے شکم وچوں لے کے جسم آئیاں او تھے کون سی روزی پچکان والا
ہن ہونیاں اے جوان تے آکھنا ایں میں آپے آں کھٹن کمان والا
نہ کر مان رحمان توں رو ڈردا تختوں لا دے جو تختے تے بہان والا
قصورمند اوں رب توں رہو ڈردا ویلا نیزے آ منگ کے کھان والا

بڈھی مائی تے پیڑی رضائی اُتے منجی وچ ڈیورڈی ساں پوہ دیاں پالیاں دا
دھی نہو نے بوکر نہیں پھیری پتراں ویکھیا ای نہیں چھت جالیاں دا
اے کون تے کیہ لگے ساڈی دھیان ذرا نہیں گھر والیاں دا
قصورمند ہن مونہہ نوں بند کر لے ساں آ گیا ای دیس نکالیاں دا

دیس بیگانہ تے جوئی پرائی میں ایسے گلوں میں آں ڈر دا
نہیں تے روک راہے وچ تینوں کوئی گل زبانی کر دا
یاں شوہ وچ ڈُب دا بیڑا یاں جہاز سمندر تر دا
قصورمند تاں ایں ڈردا ہتھ نہیں پاندا مینوں پتہ اے اپنے گھر دا

ت: تک دیاں پاٹ نوں اگ لگی سینہ تپ کے وانگ تندور ہوئیا
شیشہ لیا سی مونہہ یار دا ویکھنے نوں او تے ڈگ زمین تے چور ہوئیا
یار بنایا سی ہنسنے کھیڈنے نوں او تے تکتوں وی مجبور ہوئیا
اتھے لکھ بیان قصورمند ساڈے دونوں وچوں کیدا قصور ہوئیا

دوہرے شعر

نہ کوئی بہن بھائی ایہہ میرا نہ کوئی انگ نہ ساک بس اپنا ہی آپ
کلا ای آیاں تے کلیاں ای جانیں جیہڑے کیئے غم تے پاپ ادھ میرے ساتھ
قبریں گیاں دی کوئی نہیں لیدنا جا کے پچھوں وات کوئی کچھے نہ بات
قصورمند رکھ آس صاحب دی فضل کریگا آپ مولا پاک

اک جدائی اک یاد بجن دی میرا خون سریروں سکے تے لُوں لُوں دُکھے
دل نہیں تسلی میں راتیں کھی پئی پڑھاں دلیلاں دے رفتے رات نہ ملے
ایسے آس دن رات گزر دے نہ بھلد چیتے اُٹے اکھ نہ سکھے
قصورمندا بھانویں دنیاں وچوں تند حیاتی دی لُے پر آس نہ ملے

ٹھلی گل زبان پنجابی میرے بجن ہوون دے سادے ساد مُرادے
شعر شوق بجن دا اے مینوں لکھے نہیں کما کے کھاہدے اے نہیں ارادے
جہاں نوں یاد بجن دی ٹھلی فیر پاؤن وچ یاد نال ولا گے
قصورمندا سُنن جے لکھیاں والے جنوں سونے تے پاؤن سوہا گے درد فیر جاگے

اگے گھر کس کاری بجن باجھوں کھاوَن آوندیاں تھواواں وانگ بلاواں
اندروں وہڑے کدی کوٹھے تے چڑھ چڑھ پئی وینیاں راہواں تے پھر مناواں
ایسے آس دن رات گزر دی پئی اڈانیاں کالواں اُونسیاں پاواں
قصورمندا گھر آوے جانی میں جنڈی گھول گھماواں تے صدقے جاواں

اصلی مرداں دا کم نہیں بہنا ہتھاں تے ہتھ دھر کے بہنا ہر کے
جس ویلے او پی لیندے نے جام محبت بھر کے درشن کر کے
اڈ دے جاوَن سدھے موت نوں منہ دھر کے نہیں رہندے ڈر کے
قصورمندا باقی زندگی ملدی اے عشق دے شوہ وچ تر کے پہلوں مر کے

مرن جیون تھیں گزر سدائے جہاں عشق مکانی چال دیوانی
دن رات چلن اک کر کے تے پینڈے کرن روانی تے ہوئے فانی

درد طوفان اگے نہ وگے اے وا جہانی جی مکانی
قصورمندا کئی تیرے وانگوں گلاں کرن زبانی تے نقصانی

میں تے نہ یار نہ یاری لائق روندے نین ترے ایسے غم
بجن دی محبت باجوں پئے جاندے ساہ نکمے تے کاہنوں جے
مدد تیری کسے نہیں کرنی نہ ہڈیاں نہ چٹے جد بنیاں دے
قصورمندا توں آساں اندر رکھنا واپے لے رات پئی تے

تیرا اک اک ساہ اے قیمت والا جیہڑے ایویں گئے اُن ملے خاکیں رے
کامل کرن صراف کما دا بوہا دلے دا کھلے رحمت مٹھلے
نال عشق تے زہد ریاضت باغ حیاتی دا مٹھلے آون ہلے
قصورمند کئی تیرے وانگوں پئی حیاتی چلے پھر دے مٹھلے
کوڑی سوچ مرد سچے دن گل نہیں جاندی سوچی علم دی پوچی
کنکر روڑاں لکھ کروڑاں کوئی ورا وچ موتی لڑی پروتی
ہو کنارے وانگ نیارے درووں خودی جس دھوتی چمک کھلوتی
قصورمند میں تیرے وانگوں ایویں ہوگئی پوچی عقل دی کھوتی

اے دنیا لٹ لیندی اے دنیا داراں ہار سنگار لگا کے روپ وٹا کے
بھلے بھلے اس کئی طراح دے منتر جادو پا کے ورگ لگا کے
لکھ لکھ جھڑکاں طعنے دیندی پنچے وچ بچسا کے گھر لیا کے
قصورمند کئی تیرے وانگوں روندے پئے پا کے مال مہا کے

اے دُنیا مکر فرمایاں والی سچاں توں نہ گسے مار دی بُتے
اک دو بے نوں گھر کے نکلے جیوں مدرّاں اُتے لڑ دے کتے
دانش منداں نوں جانے کوئی نہ جہڑے لوک نے لُچے سمجھ دے اُچے
قصورمندّا اوہدے سر دے اندر جیہڑے مرد نے سچے مار دے بُتے

حرص تیری دا گھوڑا جاندا سدا اگے توں اگے
کدھ کدھ دوڑاں خواہشاں اندر کالے ہو گئے نے بگے اچے نہ رچے
مٹھی جس دُنیا دی دل تیرے نوں ٹھکے تے پیاری لگے
قصورمندّا پتہ لگی دا جدوں چھاپہ موت دا وجہ چل کے اگے

زندگی تیری گزر چلی اے واگوں خواب نہ آئی آ جاگ
کرماں باجھ نہ جاگن بھاگ پاویں پیا لائیں جاگ
سب کچھ تیرے اگے آؤناں ای جدوں حیاتی دی پڑھیں کتاب بے حساب
قصورمندّا اوہ آگئے نی قبروں اُراں ای لکین حساب نہ آوی جواب

مندیاں نال وی مجھ جاندی اے جے کر آپ نبھائیے فرق نہ پائیے
نہیں تے چنگیاں نال وی جھٹ نہیں لگدا جے کج گنتز وچ لیا ئے کسر نہ کھائیے
مشک صراحیّاں دے پانی واگوں بھار اُوتناں چائیے جو توڑ پہنچائیے
جو کج ہوئے اوہ ریہے قصوریا کھالے نہ بنائیے نہ لتر کھائیے

باباجی نے اپنے بیٹے کی قبر پر کھڑے ہو کر یہ شعر پڑھا:
جہاں رونا رو لے آپے درد کنوں تیرا ہونا مونیّا کس رونا
کس نے آؤنا قبر تیری تے ذکر درود پڑونا تے پڑھن کھلونا
جتھے سوگ نہ خوشیاں ہوں کس راگ بے راگوں چھاؤنا درواں دا گاؤنا
قصورمندّا اوہدے رحمت ولوں بے امید نہیں ہونا اوہ سخی اے سوہنا

سوک کلاں میں ڈھول بج رہا تھا میاں عنایت صاحب بھی وہاں موجود تھے، کسی نے بابا
جی سے پوچھا ڈھول کی سمجھ آرہی ہے تو انہوں نے یہ شعر کہا:

بولی ڈھول دی جاندا اے ڈھول والا میرے دل وچ خیال اک آرہیا اے
تھوڑی جی نہیں کھاہدی مار شوہدے فیئر دی صبر تے شکر گزار رہیا اے
تے زرا ایویں نہیں ایس دا شور پینا زندگی موت اے یاد کرا رہیا اے
محرم حال دا سو رب قصورمندّا دیکھن منن والا لطف اٹھا رہیا اے

سعودی عرب والوں کے لئے چند اشعار

سعودی عرب جو گئے کمائی وائے کر کے دولتوں ڈاول تے ڈیل آئے
گھڑیاں، ٹیپاں کر کے بند بکسے گھریں کر کے ہیل سنبیل آئے
اتھتھے اک ناہیں بھائی کئی دیکھو رنگ و رنگ دے رنگ رکیل آئے
جان مال توں کنیاں دے حال کھلے کئی اگے توں بخیل زلیل آئے
قسمت نال اووی تھانواں دیکھیاں نیں کر گلزار اگ جتھے خلیل آئے
قربانی کرن دا جتھے سی حکم آئیا ہیرا پھیری کرن جتھے عزازیل آئے

دنبہ اونہاں دی تھانویں اگے آگیا سی چھری پٹھوں بچ کے اسماعیل آئے
 ابرے کر کے چڑھائی جس جاہ آیا لشکر لے تے سنے فیل آئے
 اڈاراں دے اڈار جیہڑیاں پہاڑاں وچوں کنکر لے کے تے ابابیل آئے
 سنہوڑے رب دے آؤندے محبوب دے دل جتھے لے کے جبرائیل آئے
 نالے جج دے فرض ادا کیتے گھر ویکھ کے رب جلیل آئے
 ہونیاں زیارتاں مدینے شریف دیاں روضے دے کر جمال جمیل آئے
 دساں میرے واسطے اوتھوں کی آئے ختے سوغاتاں لے جو نال دلیل آئے
 قصورمند کولوں بھروان واسطے پھڑ کے ٹیپ تے لے کے ریل آئے

دیسی مہینے

چیت: چاک اے ہیر دا ساک سچا من یار پیارڑا وسدا ہے
 دارو درد اساڈے دا نہیں کردا میں روندنا تے اگوں ہسدا ہے
 جوگی چوندا جوگ نوں رات پچھلی محرم راز او شوق دی نس دا ہے
 قصورمند غلام اے بانج دماں پنچے نقطے دین دے دس دا کے

وساکھ: وساہ نہیں دماں دا یارو اج بھریا تے کل ڈھلنا ایں
 نیت جنہاں دی وچ اے کھوٹ کوئی اونہاں راہ ہزارے دا بھلنا ایں
 جدوں آن کے چوراں نے سن لائی فیئر بعید صندوق دا کھلنا ایں
 قصورمند چرخوے دے گیڑے اُتے گت ترکڑی ٹلنا ایں

جیٹھ: جوہ گکیھاڑ دی عام پھرنا ایں استھے ہار اے فقراں ڈولیاں دی

سیدھے راہ دی گروے مت دتی، ملیں واٹ نہ ہیٹیاں کھولیاں دی
 ایتھوں ست سنہال کے لدھ جاویں آوے کیڑ نہ پیراں پولیاں دی
 قصورمند جنہاں نے اک جاتا بھال جھلی اے اونہاں جھولیاں دی

ہاڑ: ہاہ فراق دی ہیر ماری، میرا رانجھتا درد اٹھان والا
 گیا کھب کھونڈا اوہدے ہتھ والا، وچ بیلیاں محال چران والا
 پیچھے مجھ دے چاک چروال ہونیا دکھ بھار مصیبتاں چان والا
 قصورمند نہ بعید صندوق کھولے پاویں ٹٹ جائے چندرا جان والا

ساون: سار ناہیں سوہنے یار تائیں میری روندیاں رات وہائی جے نی
 من ماہی جو وسیاں پار لکیاں، اک روندیاں بیلوے کاٹی جے نی
 وچ ولین ویلی آں وانگ گئے، کی وگاڑیا پھڑکی پھائی جے نی
 قصورمند وچڑے آپ میلے جدوں کردا جھات الھی جے نی

بھادوں: بھرم پیار دا رب رکھے رانجھے بانج نہ لو جہان میاں
 طعنے، معنے، ملامتاں عاشقاں نوں، جدوں لگ دا عشق دا بان میاں
 کدوں کانیاں دے پھٹ ہون سائوین، جیہڑے لگدے گھاہ زبان میاں
 معنہ مژن قصوریا پتنگ تائیں، جدوں بلدا اے شمع دان میاں

اسوج: اسان دا ویکھ کے حال مندا ایویں وویٹے مونہہ توں پھیر ناہیں
 آئیاں جوگیاں نوں بوسے خیر دیئے، دیئے دید تے لایئے دیر ناہیں

پچھے تھ دے انگ بھوت رمی، رتی رت بے سیر ناہیں
قصورمند دا آکھیا من ہیرے آؤناں جوگیاں جگ اُتے فیئر ناہیں

کاتک: کک کاس نوں آن کے کریں کھیوا، سہتی آکھ دی سٹ نہ رال جوگی
منگیں دید توں خیر دے بچ اندر، بری چا پدی اے تیری چال جوگی
ور نال نہ سُر سُرور رکھیں کریں گجوا روگ حلال جوگی
قصورمند نہ سہتی اے خبر تینوں اساں جانا اک دن نال جوگی

مانگھ: مار نہ میں بے دوشی نوں اساں جند جان تیرے پیش کیتی
ذکر، فکر تے عشق دا بال دیوا، عبادت یار اساں ہمیش کیتی

قطعات

الف: آس میری مولا کر پوری ہوئی عرض گزار چروکئی آں
اس بے پرواہ محبوب دی میں ہوئی خدمت گار چروکئی آں
اوبدے کول دارو میری مرض والا دیندا نہیں بیمار چروکئی آں
کرے ترس نہ یار قصورمند پروردی ہنجواں ہار چروکئی آں

ذکر فکر تے عشق کروان باجوں کدی قابو نہ خیالاں دا چھیڑ آوے
شان گمان گمان جے ہتھ ہووے ویکھ کے اڈ جاندا اے کدی نہ فیئر آوے
خلق پیار محبت دی مہر باجوں کدی قابو نہ اے نال گوڑ آوے
تاں او آؤندا اے قصورمند جدوں ہستی دے تھے ادھیڑ آوے

سائیں سردار علی سردار کے جناب میاں محمد عنایت جٹ کے لئے چند اشعار
بفرمائش محمد شریف (مرحوم) دلی بانٹھ

پڑھ بسم اللہ قلم اٹھاواں حمد ثنا الہی حضور رسول اکرم کی مدنی مانی
الل بیت اصحاباں پاکاں سوہنے نام دھیا کے داد منگاں بغدادی تخی توں ادبوں سیں تھکائے
پیش کراں موناں محبت اپنی درد کہانی جس دا ذکر مبارک چھڑیا چھڑ گیا اودہ جانی
یاد جن دا نقشہ سینے رُکن تیر غماں دے شالہ دچھڑ جان نہ یارو محرم دلاں دے
یاد یار دی بھل دی نہیں چھمچھم اکھاں برن بے صبری وچ دل مرے دے دیدے ترن
موضع دلیکے باٹھ نگر دا بندہ اک پیارا نام محمد شریف ہے اُساں جس دا درد نیارا
نال بھائی قصورمند دے لفت بہت زیادہ کٹھا لگا کرن کلام اُساں ایہہ ارادہ
کٹ اودہ نال محبت گھر بندے دے آیا اپنے نیک ارادے والا سارا حال سنایا
آکھن لگا سائیں صاحب اتنا کرم کماؤ یادجن دی روون اندر کچھ تے حصہ پاؤ
درد منداں دادر د اٹوکھا جس دم کوئی جگاوے جان لوکی درداں والے درد نہ جریا جاوے
رکھ نقشہ دلبر دا اگے ادبوں قلم اٹھائی گل سناواں جیونکہ ملیا گئے آکے بھائی
سید منظور حسین ولی سن کال مردنیارے اج کل وچ گجرات اوہاں دامنار پیارے
عاشق صادق پیر مربی عالم فاضل اُچے وچ عرفان اودہن وراں دے قدروان سن چے
کنوکی مسجد دے اندر ڈیرہ سی سرکاری جاری رہندی جُڑے اندر محفل ذکر پیاری
محمد شریف اک دھیدو والی دامنبردار پیارا قصورمند کول چاندیاں رہتا اس دا ایہہ ورتارا
پیر صاحب دی خدمت اندر شعر میرا اس پڑھیا قبلہ جی دے آنسو بر سے نشہ درد دا چڑھیا

قصورمند نوں کہن لگے سُن درویشا یارا
نمبردار شریف ہوریاں نے میرا پتہ لکھایا
ڈیرے تے میں بیٹھا ساں درواں اُونھی پائی
سچا لہاں قد مرد دا سوہنے نین پیارے
غیتاں دوہاں کتاں اندر سوہنا سُن پیارا
دل آکھے ایہہ بندہ کتھوں آیا روپ فرشتہ
اُس نے اسلام علیکم فرمایا میں اٹھ ادب بجایا
عرض کیقی سرکار میں خادم تھاؤا
آکھن لگے منجی اُتے میں نہ ہرگز بہناں
سید پیر منظور شاہ قبلہ سالک مرد قلندر
جھمرت آج سووار توں نگر اساڈے آؤ
لینے چڑ نوں روٹی آگئی کم سوتے
دے کرایہ ودیا ہوگئے سووار جد آیا
مسجد اندر جلسہ ہے سی کافی خلقت آئی
پہلا وقت قصورمند دا اوہ منبر تے آئی
میں سوچاں قصورمند میں نہ کدھرے سُنیا
کہیہ دیکھاں اس منبر اُتے مُردا وہو چڑ آیا
سوچ سمجھ تے مٹی پے گئی اُوں تھیں بعد اوہ بولے
راہ دی مچھ تے روٹی کھائی جیکر سفر نکایا
سُن کے سُن کلام اوہے نوں دل میرا دی ڈریا
کول گئے دا قدر نہ پایا کی میری دانائی
ہویا اعلان تے میں اُٹھ ٹریا دل ڈاہڈا شرمایا
وقت گزاریا گزر گیا تے کی میں آکھ سناواں
بندہ لب لیا توں جا کے جس دا شعر پیارا
بھائی میرا پچھ دا مچھ دا ککے گری اندر آیا
پنڈولوں جو رستہ آوے اوتوں نظر اٹھائی
وانگ گلاب کہاں تے لالی لال سو رخسارے
تاب چرے دی جھلی نہ جائے سورج دا چکارا
اِنج چلے جیوں اندر اُسدے عشق فقردا رشتہ
آکھے سائیں سردار تائیں ہاں میں ملے آیا
منجی اُتے بیٹھ کے قبلہ جو حکم فرماؤ
اک سہوڑا لے آیا خدمت اندر کہناں
اوہناں مینوں لکھیا سائیں آپ دی خدمت اندر
شاہ صاحب سرکار نوں اپنے سوہنے شعر سناؤ
بھائی صاحب نے کھانا کھا ہدا بہہ منجی توں تھلے
کسوی جا عاجز بندے ادب سلام سُنایا
سُچ سیکری سپیکر اُتے چا ایہہ گل سنائی
سائیں سردار مُر اُسدے پچھوں اپنے شعر سنای
کسوی دے لوکاں نے کتھوں شاعر نوں ایہہ چُپایا
گھر میرے جو نال محبت سی پیغام لیلیا
ککے آون جاوَن ولے راز تمای کھولے
شعر اندر قصورمند نے سارا حال سُنایا
نالے اپنی کم علمی تے میں چا ہو کا بھریا
اس اَن پڑھ نے علم میرے دی چٹکی دھڑ اُوڈوئی
بے ذوق تے بد دل ہو کے پر اک شعر سُنایا
قصورمند دی خدمت اندر اوہوں عرض الاواں

لے چل اپنے خانے اندر دانش مند دلدارا
چسکے دار ہے ساں تیرا تے میری خالی گئی
اُوں دن توں موت اہی تک رہیا میرا ورتاوا
رابعہ بی بی زوجہ اوہی، زبیدہ دگی پیاری
چنگے وقت گزارے ہونے نہیں بھلایاں بھلدے
دو دن دھون بائھوں یارو ہو نہیں کوئی چارہ
جس دیرے ویجی لنگر جاری عشق فقر دیاں خبراں
اُوں پنڈتے گلہ کی کرناں ساہوں کج نہ سرہیا!
سچا مرد دانائی والا درد کسے نہیں وٹے
لیقت علی دلاما اوہناں دا نعد سال دے آوے
میں عاجز میکن بندے دی اوہ بھی خدمت کردا
قصورمند دے سامنے میرے حالے درداں ولے
اج سُن دل نوں کھائی جاندی حسرت بے حسابی
بھائی تے لکھ سکدا نہیں سی لکھ لوکی لے جانے
اُوہناں دا مَن اُڑیا ہویا جیہڑے لوگ گوئیے
اوہدا درد دریغ نہ کوئی اپنا کم پھانڈے
دلکے بھائھوں ولے بھائی محمد شریف پیارے!
بھائی ہوریاں دے شعر تمای اوہ کٹھے پیا کردا
حق اوہے ویج کراں دُعاں محنت عزت پاوے
صدقہ آقا کملی ولے دا پُریاں ہون مُرداں
آہیں اپنے مالک اندر دن تے راتیں رچھے
چیر گیا لے دل دے تائیں تیرا سخن پیارا
ہر مینے درشن میلہ لیناں سخن نظارہ
خدمت لیس فقر دی اندر سچی تابعداری
جس دم شعر پڑھے کوئی اہل تے دُغم پُرنے کھلدے
دے گیا لے درد جدائی ولے محرم یار پیارا
صرف اوتھہ مَن نظری آون دہواں جیاں دیاں قبریاں
اس نے بھن جگر دا پیرا ساڈے آگے دھریا
زبیدہ بیگم بھی رخصت ہوگئی جھل غماں دے کنڈے
نذر نیاز پکا کے اوہناں نوں ختم کلام پہنچا دے
مثالہ مہک دا رہے ہمیشہ گلشن اوہے گھر دا
مخفاں اندر لطف اٹھایا کسوی چوپالے
نہیں کوئی قلمی نسخہ کدھرے نہ کوئی شکل کتابی
سُچے موتی مفتی لے کے گھٹے پے زلاندے
دُکھڑے ویج قصورمند دے روَن پے روپے
کہن سیانے ولے بندے دُکھیاں سینے لاندے
پڑھ بسم اللہ اُوں جنے نے بھار اٹھائے بھارے
چھپے کتاب زمانہ دیکھے ایہو خیال اندر دا
دلی ارادہ جو بھی اوہدا مولا آس پہنچا وے
دُنیا ویج سردار سائیں جی رستہن جن دیاں یاداں
چانن تے مڑ لہجہ دا نہیں جس دم دیوا تجھے

آستانہ عالیہ بھائی عنایت علی صاحب
عرف قصور مند مرحوم کسوکے ضلع گجرات

سائیں سردار دے شعر

جدوں تیک پیاریا زندگی اے، آؤندا رھواں گا تیرے مزار اُتے
یاداں تیریاں دے سینے درد لیکے واراں اُتھرو تیرے پیار اُتے
تیرے شعر بچے شاندار موتی تیرا نام نشان سنسار اُتے
عاشق لوک سردار پئے پان تھلتی تیرے درد دی ہال پکار اُتے
اندر زندگی میل ملاپ والا ویلا یاد مینوں خدمت گاریاں دا
وجہ آون دی صرف سی دلی چکا گلاں تیریاں مٹھیاں پیاریاں دا
پیراں بھارتوں سامنے بیٹھ کے تے نافہ کھول دا سیں خوشبو داریاں دا
اوہ حُسن سردار نہ نظر آوے زخم رُک دا ہجر کٹاریاں دا

کسوکی اس دلیں دے نگر اندر تُوں دُکھ دے وقت گزار گیوں
کُج قدر والے بے قدر لوکی سب دی بزم نوں یار سنوار گیوں
آپ غم دی چھہ وچ بیٹھ کے تے لوکاں شعر دی بخش بہار گیوں
کانواں خبر کوئی نہ ہنس چک لین موتی سخن جو یار کھلار گیوں
بھائی بھلا ہووی ساڈے واسطے توں میاں خوب نتارے نتار گیوں
ہر شعر اندر رمزاں ڈونگیاں نیں نکلے کھول ایسے پیچ دار گیوں
کوئی شعر پڑھ تیری کمائی کھاوے بے کاراں نوں بخش روز گار گیوں
کوئی عشق تے درد پیار والے جہاں نوں کر یار بے قرار گیوں۔
مست لُٹیا بام بقاء اُتے ڈاہڈے تیر جدائی دے مار گیوں

چہرے اُتوں ہٹا ہاں سہریاں نوں گہڑی گل تُوں رُس دلدار گیوں
تیری دھی بھی چلی گئی کول تیرے کر جس دا دل بیزار گیوں
مچھکے اوس دا باغ پروار جیوے جھڑی چھڈ تُوں مگر گلزار گیوں
اچھا سوہنیا رُب جزا دیوے جھڑے بخش تُوں ذکر اذکار گیوں
رہے چم دا سائیں سردار آکے جھڑے چھڈ تُوں درودیوار گیوں

بروز جمعہ المبارک ۱۵/۱۰/۹۹

حسب فرمائش چوہدری محمد شریف گجراتی

پنجابی گانا

بابے قصور مند دی یاد وچ

چراں پچھوں سانوں تیری یاد نے ستا لیا
خالی تھانواں دیکھ جدائیاں گھیرا پا لیا
قصور مند سونے نالوں مہنگے تیرے بول نے
کسوکی سیانے پنڈ سونے تیرے نول نے
درداں دا قصہ تیرا غماں نوں مٹا گیا
چراں پچھوں سانوں تیری یاد نے ستا لیا

چنگے مضمون تیرے شعراں دی ردیف اے
 پالکے صرافاں مکمل تاریا شریف اے
 لے اک فوٹو تیری کتاب نوں چھپوا لیا
 چراں پچھوں سانوں تیر یاد ستا لیا

سبناں توں ودھ تیرے شعراں دی تحریر اے
 کھچی اے مصوراں تیری تصویر اے
 درداں دا قصہ تیرا جُمن سینے لا لیا
 چراں پچھوں سانوں تیری یاد نے ستا لیا
 درد سیانے تیرے سُن رہی خدائی اے
 کسوی قصورمند یار دی دہائی اے
 سفران دی زندگی نوں جفراں وچ ڈھا لیا
 چراں پچھوں سانوں تیری یاد نی ستا لیا

باسط امیر تیرے سوہنے سچے پیار نے
 دِتا اے حوالہ آکے سبجی بہار نے
 جاندی واری مَر کے تے مغللاں سجا گیا
 چراں پچھوں سانوں تیری یاد نے ستا لیا

دالی باٹھ اے پنڈ مشہور سوہنا

دالی باٹھ اے پنڈ مشہور سوہنا تحصیل ضلع گجرات دستور چنگا
 تے جمن بہو اے تھاں پیدائش میری ڈیرہ وچ عبور لاہور چنگا
 قصورمند کتاب چھپوان والا محمد شریف اے ناں مشہور چنگا
 پئے کہندے نے چوہدری پیار والے باسط میر کاتب مزدور چنگا

بڑے چراں توں صلاحی ایہو دل وچ شوق کتاب چھپوان دا سی
 کیتی اللہ نے مراد پوری کولوں خرچ حساب کران دا سی
 سونا وچ کسوٹی تے پرکھیا اے کیڈا شوق اے وان سلطان دا سی
 باسط میر نہیں عشق دی حد کوئی قصورمند کی مغز انسان دا سی

حمد

اوّل حمد تعریف خُدا دی اے
 جیدی نال نسبت ساری گل ہے جی
 لکھاں فیر دُرود حضور تے نے
 ساہواں نال دم دم پل پل ہے جی
 جی جی کردیاں ہووے آسان منزل
 خبرے اُج ہے دے کہ کل ہے جی

جہاں جی دی قدر پچھان کیتی
اہلے نال کلے مشکل حل ہے جی
ٹھلے کرم حضور دے نال بیڑی
پوے آن سمندریں چھل ہے جی
چمکن پئے کنارے تے ڈھیر موتی

رُباعیاں (قصورمند)

ہنس ہنس سجن ملدے آئے جاں دن آئے سکھ دے
موڑ کے مکھ تروڑ گئے سانجھاں گنگ چڑھے جد دکھ دے
نہیں پیا دس دا سورج خوشیاں والا بدل غماں جد چک دے
قصورمند پئے گیا اے دھو دے نوں تے رہن کلجے دھک دے

میں جھلا تے لوک سیانے، سن کے میرا چیرا، کرن بخیرہ
جانن جان پچھان نہیں کر دے سخن سناندا اے جیہڑا، بولدا اے کیرہ
جس آوازوں ہر پاسے، وسدا اے نگری کھیرہ، محلہ ویہڑہ
قصورمند بن رحمت رب دی ہندا نہیں نیہڑا، اے پنیڑا جیہڑا

سوال جواب حسن و عشق

حسن تے عشق دی جگ وچ جابری اے جس طرف چلدے جھنڈی لال کر دے
مکر دوواں جواناں دی ہوئی جتھے جیہڑا وچ آجائے برا حال کر دے
مارو مار جسم تلوار چل دی زخمی نین تے نیر اچھال کر دے
نہیں ویندے غریب کوئی شہزادہ ایس گل دے دل نہیں خیال کر دے
جیہڑا چڑھے اگے، اگے دھری جاندے کئی ڈٹھے نیں ہال ہال کر دے
پیاں دوہائیاں راہیاں پانڈیاں نوں قیدی عمر لئی رکھ صداں کر دے
دنیا اُتے دنیا دار شوہدے کئی چھپ کے ایس توں چال کر دے
میں کی دساں جاندا اے جگ سارا وچ کر بلا پئے کمال کر دے
قصورتی دور کھلو کے رہیا ویندا حسن عشق سن جواب سوال کر دے

عشق آکھیا حسن نوں دس حُنا میرے دلوں تے مونہہ پرتاؤندا نہیں
طعنے، تہمتاں دیندا اے لکھ مینوں تیرے ویکھنے توں باز آؤندا نہیں
تیرے پیار وچ پیا میں مار کھانا ڈٹھا ترس تینوں میرا آؤندا نہیں
نیویں نظر گمان وچ لنگ جاویں نظر دل قصورتی دے پاؤندا نہیں

حسن آکھیا میرے توں بچ کے رہو مینوں عاداتاں نیں خون پین دیاں
لئی سوچ جے میرے دل آؤنا ای حرصاں جگ توں توڑ کے جین دیاں
میرے طالب گھروں نیتاں بن ٹردے مرن توں پہلاں مرین دیاں
قصورمند اوہ رہن آئیوں گنڈ خالی گلاں نال جو مانیاں پین دیاں

باباجی قصورمند سرکار کی کتاب چھپوانے پر اک شعر

حمد ثنا الہی باہجوں نعت محمد ﷺ دا نور، پڑھ ضرور
کامل مرشد 'ابوانیس' دی نگاہ دا اے سرور، کرے مسرور
عنایت علی دی عنایت ہوئی بندہ بڑا قصور، نہ کراں غرور
دیکھ لے وِکا عرض تیری ہو گئی اے منظور، رب دے حضور

باباجی قصورمند سرکار کے مزار شریف کی حاضری پر اک شعر

نہ ای گدی نہ گدی نشین دے، نہ ای رونق بازار دربار والی
نہ ای مچ تے نہ ای ملنگ کوئی، نہ ای ڈھول، دھمال کسے وار والی
بنے گل جے میرے جے کملیاں دی، ایہو کانی اے نظر سرکار والی
اک منظر پر نور سکون دے، وِکا کلی جو دیکھی اے یار والی

عاطف اعجاز ورک